

欽定全唐詩

五冊

線
831.4
8966:2
v. 21

舊籍



全唐詩目

盧肇一卷

丁稜

高退之

劉耕

裴翻

樊驥

蒯希逸

林滋

李宣古

張道符

丘上卿

石貫

孟守

唐思言

戈牢

王甚夷共一卷

姚鵠一卷

項斯一卷

易重

孟遲

王鐸

譚銖

盧嗣立

朱可名

薛能四卷

劉威

李玖

裴休

令狐綯

夏侯孜

周輝

李景讓

鄭顥

張固

劉皋

李質

李訥

崔元範

楊知至

蕭績

盧順之

李善夷

趙牧

裴誠共一卷

于興宗

楊牢

李續

李汶儒

薛蒙

李鄴

于瓌

劉睽

李涯

劉潞

李體仁共一卷

韓琮一卷

王傳

陸肱

崔澹

莫宣卿

李節

韋蟾

盧渥

孟球

崔軒

黃頰

李潛

金厚載

馬戴二卷

鄭畋

張良器共一卷

潘唐共一卷

魏謩

劉綺莊

南卓

李明遠

盧澥

李朋

田章

王巖

盧楠

盧鄴

封彥卿

郭夔

柳珪 共一卷

賈島 四卷

鄭嵎

溫庭筠 一卷之三卷

崔櫓 共一卷

李羣玉 三卷



全唐詩

盧肇

盧肇字子發袁州人會昌三年登第初為鄂岳盧商從事後除著作郎遷倉部員外郎充集賢院直學士咸通中出知歙州移宣池吉三州卒賦集八卷詩文集十三卷今編詩一卷

漢隄詩

并序

上元年秋漢水大溢齧襄隄以入既沈漢鄂遂滅峴趾棟榱且流壓溺無算襄之城僅以門免三日水去陷為大塗餘民棲于楚山號不敢下餒殍相挽其能全者什六七上大憂曰襄惟東南實脰荆海若氣不息吾躬曷瘳今天下災于有漢庭垣盡滯齒豁在淖有嬰墜井毋實號之今襄人盡墜吾號尚及哉咨乃卿士疇能振之以易吾亂咸以地官范陽公舊理南粵島夷率化甘於民心俾踐於襄必克底又上俞以往公既至省漢之溺由舊防之不固幾五十載又詢之漢水之不犯襄鄂惟是甚災既魚士庶災或能嗣孰以遏之募民新漢之隄食敵其功資三其食因故隄之址廣倍之高再倍之距襄之郊繚半百里明年春隄成公具以疏上大歡復襄之疲民一祀賑穀十萬斛民既保寧謳歌怡愉既而舒蘇不知曩之災也昔狄敗衛侯於焚澤齊桓公帥諸侯城緣陵以居之而衛國忘亡君子是以稱桓公之德今公之為是隄也襄有衛人之思焉而况宣天子之慈以生厥民曷齊桓之尚哉噫五材之生於也必極於物物之既極天必資明哲以蘇之理之常也古之人有力保一邑勇禦一寇謂之有功尚以金石載之况捍大災救大患其美若是豈得無稱焉是宜以聲詩播之登於樂府惟漢亦有瓠子之歌是可類之謹按正考甫作商詩公子奚斯命太史克請於周作魯詩皆其國之公族也肇於公為族孫幸力於文所不宜默惟峴之碑曰羊公惟隄之詩曰盧公是古今之相光昭也其誰曰不然詩曰

陰沴姦陽來暴於襄洎入大郭波端若銛觸厚摧高不知其防駭潰顛委萬室皆毀竈登蛟鼉堂集鱸鮪惟思若讎母不能子洪潰既涸閉閔其虛以隳我堵以刺我廬酸傷顛望若踐丘墟帝曰念嗟朕日南顧流災降慝天曷台怒滔滔襄郊梓我嬰孺於惟餘毗飢傷喘呼斯為淫瘼孰往膏傳惟汝元寮僉舉明哲我公用諧苴茅杖節來視襄人噢咻提挈不日不月哈乎抃悅乃泳故隄陷於沙泥缺落坳圯由東訖西公曰嗚呼漢之有限



實命襄人不力乃力則及乃身具錡與奮漢隄其新帝廩有粟帝府有緡爾成爾隄必錫爾勤襄人怡怡聽命
襄許背囊肩杵奔走蹈舞分之卒伍令以麾鼓尋尺既度日月可數登登業業周旋上下披峴斷楚飛石輓土
舉築殷雷駭汗霏雨疲癯鰥獨奮有筋膂呀呀來助提筐負管不勞其勞雜沓笑語咸曰盧公來賜我生斯隄
既成蜿蜿而平確爾山固屹如雲橫漢流雖狂堅不可蝕代千年億與天無極惟公之隄昔在人心既築既成
橫之於南萌渚不峻此門不深今復在茲於漢之陰斯隄已崇茲民獲祐觀童相慶室以完富貽於襄人願保
厥壽繫公之功赫焉如畫擇此巨災崢若京阜天子賜之百姓載之族孫作詩昭示厥後

題甘露寺

北固巖端寺佳名自上台地從京口斷山到海門迴曙色煙中滅潮聲日下來一隅通雉堞千仞聳樓臺林暗
疑降虎江空想度杯福庭增氣象仙磬落昭回覺路花非染流年景設催隋宮凋綠草晉室散黃埃西蜀波湍
盡東溟日月開如登最高處應得見蓬萊

江陵府初試澄心如水

丹心何所喻唯一作為水並清虛莫測于尋底難知一勺初內明非有物上善本無魚澹泊隨高下波瀾逐卷舒養
蒙方浩浩出險一作海每徐徐若灌情田裏常流盡不如

風不鳴條

習習和風至過條不自鳴暗通青律起一作暖遠傍白蘋生拂樹花仍落經林鳥自一作詠驚幾牽蘿蔓動潛惹柳絲輕
入谷一作龍迷松響一作開窗失竹聲薰弦方在御萬國仰皇情

別宜春赴舉

秋天草木正蕭疎西望秦關別舊居筵上芳樽今日酒篋中黃卷古人書辭鄉且伴一作兼銜蘆雁入海終為戴
角魚長短九霄飛直上不教毛羽落空虛

射策後作

射策明時愧不才敢期青律變寒灰晴憐斷雁侵雲去暖見醞雞傍酒來箭發尚憂楊葉遠愁生只恐杏花開
曲江春淺人游少盡日看山醉獨回

和主司王起一作奉和主司王贊射
答周侍郎即放榜作

高高降德為時生，洪筆三題造化名。
鳳詔佇歸專北極，驪珠搜得盡東瀛。
褒衣已換金章貴，禁掖曾隨玉樹榮。
明日定知同相印，青衿新列柳間營。

及第一一本有後字送潘圖歸宜春

三載皇都恨食貧，北溟今日化窮鱗。
青雲乍喜逢知己，白社猶悲送故人。
對酒共驚千里別，看花自感一枝春。
君歸為說龍門寺，一作雷雷雨初生電遶身。

將歸宜春留題新安館

東里如今號鄭鄉，西家昔日近丘牆。
芸臺四部添新學，秘殿三年學老郎。
天外鴛鴦愁不見，山中雲鶴喜相忘。
猶張皂蓋歸蓬華，直謂時無許子將。

競渡詩一作及第後江寧觀競
渡寄袁州刺史成應元

石溪久住思端午，館驛樓前看發機。
鞞鼓動時雷隱隱，獸頭凌處雪微微。
衝波突出人齊噉，躍浪爭先鳥退飛。
向道是龍剛不信，果然奪得錦標歸。

除歙州途中寄座主王侍郎一本題上有成
通初思四字

忽忝專城奉六條，自憐出谷屢遷喬。
驅車雖道還家近，捧日惟愁去國遙。
朱戶昨經新祭戟，風帆常覺戀簞瓢。
江天夜夜知消息，長見台星在碧霄。

御溝水

萬壑朝溟海，縈迴歲月多。
無如此溝水，咫尺奉天波。

楊柳枝

青鳥泉邊草木春，黃雲塞上是征人。
歸來若得長條贈，不憚風霜與苦辛。

新植紅茶花偶出被人移去以詩索之

嚴一作最恨柴門一樹花，便隨香遠逐香車。
花如解語還應道，欺我郎君不在家。

戲題肇初計借至襄陽奇
章公方有真味之感

全唐詩 卷三十一 盧肇

神女初離碧玉階，彤雲猶擁牡丹鞋。知道相公憐玉腕，強將纖手整金釵。

成名後作

桂在蟾宮不可攀，功成業熟也何難。今朝折得東歸去，共與鄉閭年少看。

登祝融寺蘭若

一作登南岳月宮蘭若

祝融絕頂萬餘層，策杖攀蘿步步登。行到月宮霞外寺，白雲相伴兩三僧。

被謫連州

黃絹外孫翻得罪，華顛故老莫相嗤。連州萬里無親戚，舊識唯應有荔枝。

謫後再書一絕

崆峒道士候燒丹，赤鼠黃牙幾許難。墜閣浮南斗，不知何事犯星官。

題清遠峽觀音院二首

清潭洞澈深千丈，危岫攀蘿上幾層。秋盡更無黃葉樹，夜闌唯對白頭僧。
風入古松添急雨，月臨虛檻背殘燈。老猿嘯狖還欺客，來撼窗前百尺藤。

喜楊舍人入翰林

御筆親批翰長銜，夜開金殿送瑤絨。平明玉案臨宣室，已見龍光出傅巖。

謫連州書春牛榜子

陽和未解逐民憂，雪滿羣山對白頭。不得職田飢欲死，兒儂何事打春牛。

送弟

去日家無擔石儲，汝須勤苦事樵漁。古人盡向塵中遠，白日耕田夜讀書。

牧童

誰人得似牧童心，牛上橫眠秋聽深。時復往來吹一曲，何愁南北不知音。

嘲小兒

貪生只愛眼前珍，不覺風光度歲頻。昨日見來騎竹馬，今朝早是有年人。

金錢花

輪郭休誇四字書紅窠寫出對庭除時時買得佳人笑本色金錢却不如

木筆花

嬾如新竹管初齊粉膩紅輕樣可攜誰與詩人偎檻看好於牋墨併分題

句

君夢潯陽月中秋憶棹歌

見岳州府志

妙吹應諧鳳工書定得鵝

李羣玉善急就章喜食鵝筆贈句云云見紀事

亭邊古木晝陰陰亭下寒潭百

丈深黃菊舊連陶令宅青山遙負向平心

臨江府志

丁稜

丁稜字子威會昌三年進士是歲王起再知貢舉盧肇丁稜姚鵠以李德裕薦依次放榜詩二首

塞下曲

北風鳴晚角雨雪塞雲低烽舉戰軍動天寒征馬嘶出營紅旆展過磧暗沙迷諸將年皆老何時罷鼓鼙

和主司王起

一作和主司王僕射答華州周侍郎賀放榜作

公心獨立副天心三轄春闈冠古今蘭署門生皆入室蓮峰太守別知音同升

一作飛

翰苑時名重遍歷朝端主意

深新有受恩江海客坐聽朝夕繼為霖

高退之

高退之字遵聖會昌三年進士第詩一首

和主司王起

一作和主司王僕射酬周侍郎賀放榜

昔年桃李已滋榮今日蘭蓀又發生葑菲采時皆有道權衡分處且無情叨陪鴛鴦朝天客共作門闌出谷鶯

何事感恩偏覺重忽聞金榜扣柴荆

自注退之自顧微少力不敏有叨竊之望策試之後遂歸壘屋山居不期一旦選士及第遠人齋榜扣關相報方知奉矣

孟球

孟球字廷玉會昌三年進士第咸通中檢校工部尚書徐州刺史詩一首

盧肇

丁稜

高退之

孟球

劉耕

當年門下化龍成今日餘波遣後生仙籍共知推麗藻一作禁垣同得薦嘉名桃蹊早茂誇新萼菊圃初開耀晚英誰料羽毛方出谷許教齊和九臯鳴

劉耕

劉耕會昌三年進士第詩一首

和主司王起一作和主司 酬周侍郎

孔門頻建鑄顏功紫綬青衿感激同一簣勤勞成太華三年恩德仰一作維嵩楊隨前輩穿皆中桂許平人折欲空慚和周郎應見顧感知大造竟無窮

裴翻

裴翻字雲章會昌三年進士第詩一首

和主司王起一作和主司 酬周侍郎

常將公道選羣生猶被春闈屈重名文柄久持殊歲紀恩門三啓動宸瀛雲霄幸接鴛鸞盛變化欣同草木榮乍得陽和如細柳參差長近亞夫營

樊驥

樊驥字元龍會昌三年進士第詩一首

和主司王起一作和主司 酬周侍郎

滿朝簪髮半門生又見新書甲乙名孤進自今開道路至公依舊振寰瀛雲飛太華清詞著花發長安白屋榮忝受恩光同上客惟將報德是經營

崔軒

崔軒字鳴山一作會昌三年進士第詩一首

和主司王起一作和主司 酬周侍郎

滿朝朱紫半門生新榜勞人又得名國器舊知收片玉朝宗轉覺集登瀛同升翰苑三年美繼入花源九族榮

共仰蓮峰聽雪唱欲賡仙曲意怔營

蒯希逸

蒯希逸字大隱會昌三年登第杜牧有池州送希逸詩詩一首

和主司王起一作和主司酬同侍郎

一振聲華入紫微三闕秦鏡照春闈龍門舊列金章貴鶯谷新遷碧落飛恩威風雷宜一作皆變化詩裁錦繡借一作惜光輝誰知散質多崇忝鴛鴦清塵接布衣

句

蟾蜍醉裏破蛺蝶夢中殘牛相在揚州常稱之山險不曾離馬後酒醒長見在牀前希逸有僕武幹相隨十餘歲希逸推第乞歸養親留之不得以詩送之士人皆有繼和並見紀事

林滋

林滋字後象閩人會昌三年進士第與同年詹雄鄭誠齊名時稱雄詩誠文滋賦為閩中三絕官終金部郎中

詩六首

望九華山

茲山突出何怪奇上有萬狀無凡姿大者嶙峋若奔兕小者嵒嵬如嬰兒玉柱金莖相拄枝干空踰碧勢參差虛中始訝巨靈擘蚪處乍驚愚叟移蘿煙石月相蔽虧天風裏裏後呼咿龍潭萬古噴飛溜虎穴幾人能得窺吁予比年愛靈境到此始覺魂神馳如何獨得百丈索直上高峰拋俗羈

春望

春海鏡一作接長天青郊麗上年林光虛霽曉山翠薄晴煙氣暖禽聲變風恬草色鮮散襟披石磴詔景自深憐

蠡澤旅懷

誰言行旅日况復桃花時水即滄溟一作浪遠星從天漢垂川光獨鳥暮林色落英遲豈是王程急偏多游子悲

宴韋侍御新亭

煙磴披青靄風筵藉紫苔花香凌桂醕竹影落藤梧鳴籟將歌遠飛枝拂舞開未愁留與晚明月度雲來

人日一下有題日二字

春輝新入碧煙開芳院初將穆景來共向花前圖瑞勝試看池上動輕苔林香半落沾羅幌蕙色微含近酒杯
聞道宸游方命賞應隨恩賚喜昭回

和主司王起一作和主司
酬周侍郎

龍門一變荷生成况是三傳不朽名美譽早聞喧北闕頽波今見走東瀛駕行既接參差影雞樹仍同次第榮
從此青衿與朱紫升堂侍宴更何營

李宣古

李宣古字垂後會昌三年進士第詩四首

聽蜀道士琴歌第五句
缺一字

至道不可見正聲難得聞忽逢羽客抱綠綺西別峨嵋峰頂雲初排 面躡輕響似擲細珠鳴玉上忽揮素爪
畫七弦蒼崖劈裂迸碎泉憤聲高怨聲咽屈原叫天兩妃絕朝雉飛雙鶴離屬玉夜啼獨鶩悲吹我神飛碧霄
裏牽我心靈入秋水有如驅逐太古來邪淫辟蕩貞心開孝為子忠為臣不獨語言能教人前弄嘯後弄嘯一
舒一慘非冬春從朝至莫聽不足相將直說瀛洲宿更深彈罷背孤燈窗雪蕭蕭打寒竹人間豈合值仙蹤此
別多應不再逢抱琴却上瀛洲去一片白雲千萬峰

和主司王起一作和主司
酬周侍郎

恩光忽逐曉春生金榜前頭忝姓名三感至公禪造化重揚文德振寰瀛佇為霖雨曾相賀半在雲霄覺更榮
何處新詩添照灼碧蓮峰下柳間營

杜司空席上賦紀事云杜司空自忠武軍節度使出鎮瀛陽宣古數路解宴乘醉慢侮恣欲辱之
長林公主曰豈有飲而舉人細過即謂宣古請為詩冀瀛蓬也宣古得韻立成此詩

紅燈初上月輪高照見堂前萬朵桃感栗調清銀象一作
字管琵琶聲亮紫檀槽能歌姹女顏如玉解引蕭郎眼似
刀爭奈夜深拋要令舞來接一作
接去使人勞

賦寒食日亥時一作寒
食夜

人定朱門尚未一作
半開初星粲粲照人回此時寒食無煙火一作
燈燭花柳蒼蒼月欲來

翠蓋不西來池上天池歌 冉冉池上煙盈盈池上柳生貴非道傍不斷行人手張為主

黃頰

黃頰宜春人以洪與文章蹉跎者一十三載至會昌三年登第官監察御史詩三首

風不鳴條一作舒

五緯一作起祥飈無聲瑞聖朝稍開含露藥一作纔轉惹煙條密葉應潛變一作長低枝幾暗搖林間鶯欲轉花下蝶微

飄初滿沁堤草因生逐水苗太平無一事天外奏虞一作韶

和主司王起一作和主司

二十二年文教主三千上士滿皇州獨陪宣父蓬瀛奏方接顏生魯衛遊多羨龍門齊變化屢看雞樹第名流升堂何處最榮美朱紫環鑄幾處酬

○聞宜春諸舉子陪郡主登河梁觀月

一年秋半月當空遙羨飛鷗接庾公虹影迥分銀漢上兔輝全寫玉筵中笙歌送盡迎寒漏冰雪吟消永夜風雖向東堂先折桂不如賓席此時同

張道符

張道符字夢錫會昌三年進士第詩一首

和主司王起一作和主司

三開文鏡繼芳聲暗暗雲霄接去程會歷一作洪波先得路早陞清禁共垂名蓮峰對處朱輪貴金榜傳時玉韻成更許下一作才聽白雪一枝今過却說榮

丘上卿

丘上卿字陪之會昌三年進士第詩一首

和主司王起一作和主司

常將公道選諸生不是鴛鴻不得名天上宴回聯步武禁中麻出滿窠瀛簪裾盡過前賢貴門館仍叨舊學榮看著鳳池相繼入都堂那肯滯關營

石貫

石貫字總之會昌三年進士第詩一首

和主司王起
一作和主司
酬周侍郎

重德由來為國生五朝清顯冠公卿風波久佇濟川楫羽翼三遷出谷鶯絳帳青衿同日貴春蘭秋菊異時榮
孔門弟子皆賢哲誰料窮儒忝一名

李潛

李潛字德隱宜春人會昌三年進士第詩一首

和主司王起
一作和主司
酬周侍郎

文學宗師心秤平無私三用佐貞明恩波舊是仙舟客德宇新添月桂名蘭署崇資金色重蓮峰高唱玉音清
羽毛方荷生成力難繼鸞皇上漢聲

孟守

孟守一作字處中長慶三年王起主文嘗放及第為時相所退至會昌三年起再知貢舉守龍鍾就試成名詩一首

和主司王起
一作和主司
酬周侍郎

科文又主守初時光顯門生濟會期美擅東堂登甲乙榮同內署侍恩私羣鶯共喜新遷木雙鳳皆當即入池
別有倍深知感士曾經兩度得芳枝

唐思言

唐思言字子文會昌三年進士第詩一首

和主司王起
一作和主司
酬周侍郎

儒雅皆傳德教行幾崇浮俗賢文明龍門昔上波濤遠禁署同登渥澤榮虛散謬當陪祀梓後先寧異感生成
時方側席徵賢急况說謠謠近帝京

戈牢戈英華
作左

戈牢字德膠會昌三年進士第詩二首

風不鳴條一作章孝標詩

旭日懸清景微風在綠條入松聲不發度一作柳影空搖長養應潛變一作扶疎每暗飄有林時嫋嫋無樹漸一作蕭

蕭慢一作逐青煙散輕和瑞氣一作饒豐年知有待歌詠美唐堯一作

聖乾文德最稱賢自古儒生少比肩再啓龍門將二紀兩司鶯谷已三年蓬山皆美成榮貴金榜誰知忝後先正是感恩流涕日但思旌旆碧峰前

金厚載

金厚載字化光會昌三年進士第詩二首

風不鳴條

寂寂曙風生遲遲散野輕露華搖有滴林葉裏無聲暗翦蕪芳發空傳谷鳥鳴悠揚韶景靜澹蕩霽煙橫遠水波瀾息荒郊草樹一作榮吾君垂至化萬類共澄清

和主司王起一作和主司

長慶曾收間世英果居臺閣冠公卿天書再受恩波達金榜三開日月明已見差肩趨翰苑更期連步掌台衡小儒謬蹟雲霄路心仰蓮峰望太清

王甚夷

王甚夷字無黨會昌三年進士第詩二首

風不鳴條

聖日祥風起韶暉助發生蒙蒙遙野色裏裏細條輕在弱看漸動怡和吹不鳴枝含餘露濕林霽曉煙平縹緲春光媚悠揚景氣晴康哉帝堯代寰宇共澄清

和主司王起一作和主司

春闈帝念主生成長慶公闈兩歲名有蘊赤心分雨露無私和氣泱泱瀛龍門乍出難勝幸鴛侶先行是最榮遙仰高峰看白雪多慚屬和意屏營

姚鵠

姚鵠字居雲蜀人登會昌三年進士第詩一卷

送李潛歸綿州觀省

朱樓對翠微紅旆出重扉此地千人望寥天一鶴歸雪封山掩白鳥拂棧梁飛誰比趨庭戀驪珠耀綵衣

塞外寄張侍御

千里入黃雲羈愁日日新疎鐘關路曉遠雨塞山春南眺有歸鴈北來無故人却思陪宴處迴望與天隣

曉發一作遊

旅行宜早發况復是南歸月影綠山盡鐘聲隔浦一作水微殘星螢共失落葉鳥和飛去去渡南浦村中人出稀

題終南山隱者居

開門絕壑旁躡躡過花梁路入峰巒影風來芝木一作草香夜吟明雪牖春夢閉雲房盡室更何有一琴兼一觴

嘉川驛樓晚望

樓壓寒江上開簾對翠微斜陽諸嶺暮古渡一僧歸窗迥雲衝起汀一作天遙鳥背飛誰言坐多倦目極自忘機

送人歸吳

東吳與上國萬里路迢迢為別晨昏久全輕水陸遙湘陰島上寺楚色月中潮到此一長望一作歡知君積恨銷

送石賈一作賈歸湖州

同志幸同年高堂君獨還齊榮恩未報共隱事應閑訪寺臨湖岸開樓見海山洛中推二陸莫久戀鄉關

送劉耕歸舒州

四座莫紛紛須更岐路分自從同得意誰不惜離羣舊國連青海歸程在白雲弃繻當日路應競看終軍

寄贈許璋少府

若說君高道何人更得如公庭唯樹石生計是琴書詩句峭無敵文才清有餘不知尺水內爭滯北溟魚

寄雍陶先輩

知音杳何處書札寄無由獨宿月中寺相思天畔一作半樓露凝衰草白螢度遠煙秋悵望難歸枕吟勞生夜愁

寄友人

西風又開菊久客意如何舊國天涯遠清砧月夜多明時難際會急景易蹉跎抱玉終須獻誰言戀薜蘿

感懷陳情

恩重空感激何門誓殺身謬曾分玉石竟自困風塵陰谷非因暖幽叢豈望春升沈在言下應念異他人

送程秀才下第歸蜀

鶯遷與鴉退十載泣岐分蜀道重來老巴獫此去聞曉程侵嶺雪遠棧入谿雲莫滯趨庭戀榮親祇待君

旱魚詞上苗相公

似龍鱗已足唯是欠登門日裏腮猶濕泥中目未昏乞鋤防蠹穴望水瀉金盆他日能為雨公田報此恩

野寺寓居即事二首

南山色當戶初日半簷時鶴去卧看遠僧來嫌起遲窗明雲影斷庭曉樹陰移何處題新句連谿密葉垂

古寺更何有當庭唯折幢伴僧青蘚榻對雨白雲窗暝色生前嶺離魂隔遠江沙洲半藜草飛鷺白雙雙

襄州獻盧尚書

立事成功盡遠圖一方獨與萬方殊藩臣皆一作首競師兵畧相國今多揖廟謨禮樂政行凋弊俗歌謠聲徹帝王

都即隨鳳詔歸何處祇是操持造化鑪

將歸蜀留獻恩地僕射二首

自持衡鏡採幽沈此事常聞曠古今危葉只將終委地焦桐誰料却為琴蒿萊詎報生成德犬馬空懷感戀心

明日還家盈眼血定應迴首即霑襟

江上長思狎釣翁此心難與昨心同自承丘壑一作新恩重已分煙霞舊隱空龍變偶因資巨浪鳥飛誰肯借高

風應憐死節無門効永歎潛懷似轉蓬一作永歎潛懷

隨州獻李侍御二首

彩筆曾專造化權道尊翻向宦途閑端居有地唯栽藥靜坐無時不憶山德望舊懸霄漢外政聲新溢路岐間

衆知聖主搜賢相。朝夕欲徵黃霸還。
再別未甘何處說。但垂雙淚出咸秦。風塵正馬來千里。蓬梗全家望一身。舊隱每懷空竟夕。愁眉不展幾經春。
今朝儻降非常顧。倒屣寧惟有古人。

虢州獻楊柳一作卿二首

蓋世英華更有誰。賦成傳寫遍坤維。名科累中求賢日。苦節高標守郡時。樓上叫雲秋鼓角。林間宿鶴夜旌旗。
徵歸詔下應非久。德望人情在鳳池。
碧山曾共惜分陰。暗學相如賦上林。到此敢逾千里恨。歸家且遂十年心。疎愚祇怯膺門險。淺薄爭窺孔室深。
一顧儻憐持苦節。更令何處問升沈。

贈邊將

三邊近日往來通。盡是將軍鎮撫功。兵統萬人為上將。威加千里懾西戎。清笳遠塞吹寒月。紅旆當山蕭曉風。
却恨北荒露雨露。無因掃盡虜庭空。

送費練師供奉赴上都

縮地周遊不計程。古今應只有先生。已同化鶴臨華表。又見驂龍向玉清。蘿磴靜攀雲共過。雪壇當照月孤明。
無因相逐朝天帝。一作空羨煙霞得送迎

和徐先輩秋日遊涇州南亭呈三二同年

多此歡情泛鷁舟。桂枝同折塞同遊。聲喧島上巢松鶴。影落杯中過水鷗。送日暮鐘交戍嶺。叫雲寒角動城樓。
酒酣笑語秋風裏。誰道槐花更起愁。

送一本有同黃頗歸袁

莫倦連期在醉鄉。孔門多戀惜分行。文章聲價從來重。霄漢途程此去長。何處聽猿臨萬壑。幾宿一作因月因月一作因月滯。
三湘鐘磬若上應。相憶不得同過惠遠房。

和陝州參軍李通微首夏書懷呈同寮張裳段羣二先輩

公門何事更相牽。邵伯優賢任養閑。滿院落花從覆地。半簷初日未開關。尋仙鄭谷煙霞裏。避暑柯亭樹石間。

獨為高懷誰和繼椽曹同處桂同攀

玉真觀尋趙尊師不遇

羽客朝元晝掩扉林中一徑雪中微松陰遶院鶴相對山色滿樓人未歸盡日獨思風馭返寥天幾望野雲飛
凭高目斷無消息自醉自吟愁落暉

及第後上主司王起

三年竭力向春闈塞斷浮華眾路岐盛選棟梁非一作昔日平均雨露及明時登龍舊美無邪徑折桂新榮盡直
枝莫道只陪金馬貴相期更在鳳皇池

送賀知章入道一本題上有殺字

若非堯運及垂衣肯許巢由脫俗機太液始同黃鶴下仙鄉已駕白雲歸還披舊褐辭金殿却捧玄珠向翠微
羈束慙無仙藥分隨車一作君空有夢魂飛

送友人出塞

帝城春色著寒梅去恨離懷醉不開作別欲將何計免此行應又隔年回入河殘日鷗西盡卷雪驚蓬馬上來
有思莫忘清塞學眾傳君負佐王才

送僧歸新羅

淼淼萬餘里扁舟發落暉滄溟何歲別白首此時歸寒暑途中變人煙嶺外稀驚天巨鰲闕一作蔽日大鵬飛雪
入行砂屨雲生坐石衣漢風深習得休恨本心違

奉和秘監從翁夏日陝州河亭晚望

洪河何處望一境在孤煙極野如藍日長波一作似鏡年卷簾花影裏倚檻鶴巢邊霞焰侵旌旆灘聲雜管弦鍾
微來墨岫帆遠落遙天過客多一作煩相指一作訪應疑會水仙

風不鳴條

吾君理化清上瑞報時平曉吹何曾歇柔條自不鳴花香知暗度柳動覺潛生只見低垂影一作那聞擊觸聲大
王初溥暢少女正輕盈幸遇無私力幽芳願發榮

全唐詩

卷二十一

妙善 耳其

書情獻知己

日日恨何窮已雲舊隱一作望空一為樓寓客二見北歸鴻有道期攀桂無門息轉蓬賃居將罄比乞食與僧同花

月登臨處江山悵望中衆皆輕病驥誰肯教焦桐坐惜春還至愁吟夜每終谷寒思變律葉晚怯迴風謁蔡懸

王粲憐衡冀孔融深恩知一作如尚在何處問窮通

和工部楊尚書重送絕句

桂枝攀得獻庭闈何似空懷楚橘歸好控扶搖早迴首人人思看大鵬飛

項斯

項斯字子遷江東人會昌四年擢第終丹徒尉詩一卷

寄石橋僧

逢師入山日道在石橋邊別後何一作無人見秋來幾處禪溪中雲隔寺夜半雪一作雨添泉生有天台約知一作應無却一作再

出緣

送歐陽袞歸閩中

秦城幾年住猶著故鄉衣失意時相一作曾識成名後獨歸海秋蠻樹黑嶺夜瘴禽飛為學心難滿知君更掩扉

古觀

置觀碑已折看松年不分洞中誰識藥門外日添墳放去龜隨水呼來鹿怕薰壇邊見灰火幾燒祭星文

題令狐處士谿居

白髮已過半無心離此溪病嘗山藥徧貧起草堂低為月窗從破因詩壁重泥近來常夜坐寂莫與僧齊

送僧歸南嶽

心知衡嶽路不怕去人稀船裏誰一作猶鳴磬沙頭自曝衣有家從小別是寺即言歸料得逢春一作寒住宮禪雲一作船滿扉

寧州春思

失意離城早邊城任見花初為斷酒客舊識賣書家寒寺稀無雪春風亦有沙思歸頻入夢即路不言賒

山友贈薛花冠

塵汗出華髮。慙君青薛冠。此身閑未得。終日戴應難。好就松陰挂。宜當枕石看。會須尋道士。誓去繞霜壇。

蠻家

領得賣珠錢。還歸銅柱邊。看兒調小象。打鼓試新船。醉後眠神樹。耕時語瘴煙。不逢寒便老。相問莫知年。

早春題湖上顧氏新居二首

近得水雲看。一作雲門長侵早開。到時微一作微有雪。行處又一作已無苔。勸酒客初醉。留茶僧未來。每逢晴暖日。唯見乞

花栽

門不當官道。行人到亦稀。故從餐後出。方一作多至夜深歸。開篋揀一作收書一作卷掃牀移褐一作臥衣。幾時同買宅。相近

有柴扉

蒼梧雲氣

何年化一作盡作愁。漠漠便難收。數點山能遠。平鋪水不流。濕連湘竹暮。濃蓋舜墳秋。亦有思歸一作歸客。看來盡白頭。

晚春花

陰洞日光薄。花開不及時。當春無半樹。經燒一作足空枝。疎與香風會。細將泉影移。此中人到少。開盡幾人知。

宿胡氏溪亭

獨住水聲裏。有亭無熱時。客來因月宿。牀勢向山移。鶴睡松枝定。螢歸葛葉垂。寂寥猶欠伴。誰為報僧知。

送華陰隱者

往往到城市。得非徵藥錢。世人空識面。弟子莫知年。自說能醫死。相期更學仙。近來移住處。毛女舊峰前。

落第後寄江南親友

古巷槐陰合。愁多畫掩扉。獨存過江馬。強拂看花衣。送客心先醉。尋僧夜不歸。龍鍾易惆悵。莫遣寄書稀。

欲別

花時人欲別。每日醉櫻桃。買酒金錢盡。彈箏玉指勞。歸期無歲月。客路有風濤。錦緞裁衣贈。麒麟落剪刀。

留別張水部籍

省中重拜別兼領寄一作人書已念此行遠不應相問疎子一作城西並宅御水北同渠要取春前到乘閑候起居

小古鏡

字已無人識唯應記鑄年見來深似水攜去重於錢鸞翅巢空月菱花徧小天宮中照黃帝曾得化為仙

題太白山隱者

高居在幽嶺人得見時稀寫籙扁虛白尋僧到翠微掃壇星下宿收藥雨中歸從服小還後自疑身解飛

病中懷王展先輩在天台

枕上用心靜唯應改舊詩強行休去早暫臥起還遲因說來歸處却愁初病時赤城山下寺無計得相隨

鯉魚

似龍鱗又足只是欠登門月裏腮猶濕泥中目未昏乞鋤防蟻穴望水寫金盆他日能為兩公田報此恩

子規一作費

遊魂自相叫寧復記前身飛過人家月聲連客路春夢邊催曉急愁外送風頻自有露花血相和淚一作滴新

邊州客舍

開門不成出麥色徧前坡自小詩名在如今白髮多經年無越信終日厭蕃歌近寺居僧少春來亦嬾過

贈道者

晏來知養氣度日語時稀到處留丹一作井終一作寒不絮衣病鄉多惠藥鬼俗有符威自說身輕健今年數夢飛

邊游

古鎮門前去長安路在東天寒明埃火日晚裂旗風一作塞館皆無事一作儒裝亦有弓防秋故鄉幸暫

喜語音同

夜泊淮陰

夜入楚家煙煙中人未眠望來淮岸盡坐到酒樓前燈影半臨水箏聲多在船乘流向東去別此易經年

遠水

渺渺浸天色一邊生晚光一作闊浮一作萍思一作遠寒入馬愁長北極連平地東一作流即一作故鄉扁舟來一作宿處鬢

鬢似瀟湘

黃州一作河暮愁

凌漸衝淚眼重疊自西來即夜寒應合非春暖不開豈無登陸計宜棄濟川材願寄浮天外高風萬里回

曉一作早發昭應

行人見雪愁初作帝鄉一作京游旅店開偏早鄉帆去未收燈殘催卷席手冷怕梳頭是物寒無色湯泉正一作祗自流

贈金州姚合使君

為郎名更重領都是蹉跎官壁題詩盡衙庭看鶴多城池連草一作竹壘籬落帶椒坡未覺旗旛一作旌貴閑行一作遊觸處過

送殷中丞遊邊

話別無長夜燈前聞曙鷓已行難避雪何處合逢花野寺門多閉羌樓酒不賒還須見一作問邊將誰擬靜塵沙

寄坐夏僧

坐夏日偏長知師在律堂多因東帶熱更憶剃頭涼苔色侵經架松陰到簟牀還應鍊詩句借臥石池傍

寄盧式

到處久南望未知何日回寄書頻到海得夢忽聞雷嶺日當秋暗蠻花近臘開白身居瘴癘誰不惜君才

日東一作本病僧

雲水絕歸路來時風送船不言一作已無身後事一作念猶坐病中禪深壁藏燈影空窗出艾煙已無鄉土信起塔寺門前

一作要人知是客
白日指生緣

泛溪

溪船泛渺瀰漸覺減炎輝一作溪舟泛數
里便覺少炎輝動水花連影逢人鳥背飛深猶見白石涼好換生衣未得多詩句終須隔

宿歸

送顧少府一作送顧
逢尉永康

作尉年猶少無辭去路賒漁舟縣前泊山吏日高衙幽景臨谿寺秋蟬織杼一作家行程須過越先一作醉鏡湖花

咸陽別李處士

古道自迢迢。咸陽離別橋。越人聞水處。秦樹帶霜朝。駐馬言難盡。分程望易遙。秋前未相見。此意轉一作各蕭條。

寄流人

毒草不曾枯。長添客健無。霧開蠻市合。船散海城孤。象跡頻藏蕙。龍涎遠蔽珠。家人秦地老。泣對日南圖。

華頂道者

仙人掌中住。生一作坐有上天期。已廢燒丹處。猶多種杏時。養龍於淺水。寄鶴在高枝。得道復無事。相逢盡日基。

酬從叔聽夜泉見寄

夢罷更開戶。寒泉聲隔雲。共誰尋最遠。獨自坐偏聞。巖際和風滴。溪中泛月分。豈知當此夜。流念到江濱。

和李用夫栽小松

移來未換葉。已勝在空一作深山。靜對心標直。遙吟境助閑。影侵殘雪際。聲透小窗間。即聳凌空幹。脩脩豈易攀。

哭南流人

遙見南來使。江頭哭問君。臨終時有雪。旅葬處無雲。官庫空收劍。巖一作山僧共起墳。知名人尚少。誰為錄遺文。

經李白墓

夜郎歸未老。醉死此江邊。葬關官家禮。詩殘樂府篇。遊魂應到蜀。小碣豈旌賢。身沒猶何罪。遺墳野火燃。

春夜樊川竹亭陪諸同年讌

相知皆是舊。每恨獨遊頻。幸此同芳夕。寧辭倒醉身。燈光遙映燭。華粉暗飄茵。明月分歸騎。重來更幾春。

送僧

靈山巡未徧。不作住持心。逢寺暫投宿。是山皆獨尋。有時過靜界。在處想空林。從小即行脚。出家來至今。

送蘇處士歸西山

南遊何所為。一篋又空歸。守道安清世。無心換白衣。深林蟬噪暮。絕頂客來稀。早晚重相見。論詩更及微。

遊爛柯山

步步出塵氛。溪山別是春。壇邊時過鶴。碁處寂無人。訪古碑多缺。探幽路不真。翻疑歸去晚。清世累移晨。

送友人之永嘉

長貧知不易去計擬何逃相對人愁別經過幾處勞城連沙岫遠山斷夏雲高猶想成詩處秋燈半照濤

巴中逢故人

勞思空積歲偶會更無由以分難相捨將行且暫留路岐何處極江峽半猿愁到此分南北離懷豈易收

送歸江州友人初下第一作送友
下第歸

名高不俟召收採獻君門偶屈應綠數他人盡為寃新春城外路舊隱水邊村歸去無勞久知君更待論

舜城懷古

禪禹遜堯聰巍巍盛此中四隅咸啓聖萬古賴成功道德去彌遠山河勢不窮停車一再拜帝業即今同

送劉道士之成都嚴真觀嚴公通老子
易以成道

嚴君名不朽道出二經中歸去精誠懇還應夢寐通池臺鏡定月松檜雨餘風想對靈玄憶人間戀若空

漢南遇友人

此身西復東何計此相逢夢盡吳越水恨深襄漢鐘積雲開去路曙雪疊前峰誰即知非舊憐君忽見容

遊頭陀寺上方

高步陟崔嵬吟閑路惜迴寺知何代有僧見梵天來暮靄連沙積餘霞徧檻開更期招靜者長嘯上南臺

送友人遊河東

停車曉燭前一語幾潸然路去干戈日鄉遥饑饉年湖波晴見鴈槐驛晚無蟬莫縱經時住東南書信偏

中秋夜懷

趨馳早晚休一歲又殘秋若只如今日何難致白頭滄波歸處遠旅食尚一作向邊愁賴見前賢說窮通不自由

寄富春孫路處士

平生醉與吟誰是見君心上國一歸去滄江開至今鐘繇秋寺近峰閣晚濤深疎放長如此何人長得尋

送客歸新羅

君家滄海外一別見何因風土雖知教程途自致貧浸天波色晚橫笛鳥行春明發千檣下應無更遠人

杭州江亭留題登眺

處處日馳銷憑軒夕似朝漁翁閑鼓櫂沙鳥戲迎潮樹間津亭密城連塢寺遙因誰報隱者向此得耕樵
荆州夜與友親相遇

山海兩分岐停舟偶似期別來何限意相見却無辭坐永神疑夢愁繁鬢欲絲趨名易遲晚此去莫經時
送友人遊邊

方春到帝京一作城有戀有愁并萬里江海思半年沙塞程綠陰斜向驛殘照遠侵城自可資新課還期振盛名
題贈宣州亢拾遺

傳騎一何催山門晝未開高人終避世聖主不遺才坐次欵臨水門中獨舉杯誰爲旦夕侶深寺數僧來
姚氏池亭

池館饒嘉致幽人愜所閑條風能動浪岸樹不遮山嘯檻魚驚後眠窗鶴語間何須說廬阜深處更躋攀
送友人之江南

東南路苦辛去路見無因萬里此相送故交誰更親日浮汀草綠煙霽海山春握手無別贈爲予書札頻
彭蠡湖春望

湖亭東極望遠權不須迴遍草新湖落連天衆鴈來蘆洲殘照盡雲障積煙開更想鴟夷子扁舟安在哉
聞友人會裴明府縣樓

閑閣雨吹塵陶家揖上賓湖山萬疊翠門樹一行春景遍歸簷燕歌喧已醉身登臨興不足喜有數來因
歸家山行

獻賦才何拙經時不恥歸能知此意是甘取衆人非遍隴耕無圃綠溪釣有磯此懷難自遣期在振儒衣
長安書懷呈知己

江湖歸不易京邑計長貧獨夜有知己論心無故人一燈愁裏夢九陌病中春爲問清平日無門致出身
聞蟬

動葉復驚神聲聲斷續勻坐來同聽者俱是未歸人一櫂三湘浪單車二蜀塵傷秋各有日千可念因循
李處士道院南樓

霜晚復秋殘樓明近遠山滿壺邊我醉一榻爲僧關樹簇孤汀眇帆欹積浪間從容更南望殊欲外人褰
送顧非熊及第歸茅山

吟詩三十載成此一名難自有恩門入全無帝里歡湖光愁裏碧巖景夢中寒到後松杉月何人共曉看
春日題李中丞樊川別墅

心知受恩地到此亦衰回上路移時立中軒隔宿來川光通沼沚寺影帶樓臺無限成蹊樹花多向客開
龍州與韓將軍夜會

庭綠草纖纖邊州白露沾別歌緣劍起客淚是愁添見月鵲啼樹避風雲滿簾將軍盡尊酒樓上賦星占
途中逢友人

長大有南北山川各所之相逢孤館夜共憶少年時爛醉百花酒狂題幾首詩來朝又分袂後會鬢應絲
送友人下第歸襄陽

失意已春殘歸愁與別難山分關路細江遠夜城寒草色連晴坂鼉聲離曉灘差池是秋賦何以暫懷安
宿山寺

栗葉重重覆翠微黃昏溪上語人稀月明古寺客初到風度閑門僧未歸山果經霜多自落水螢穿竹不停飛
中宵能得幾時睡又被鐘聲催著衣

病鶴
青雲有意力猶微豈料低回得所依幸念翅因風雨困豈教身陷稻粱肥曾遊碧落寧無侶見有清池不忍飛
縱使他年引仙駕主人恩在亦應歸

夢仙
昨宵魂夢到仙津得見蓬山不死人雲葉許裁成野服玉漿教喫潤愁身紅樓近月宜寒水綠杏搖風占古春
次第引看行未徧浮光牽入世間塵

古扇
昨日裁成奪夏威忽逢秋節便相違寒塵妬盡秦王女涼殿恩隨漢主妃似月舊臨紅粉面有風休動麝香衣

全唐詩 卷三十一 項斯

千年蕭瑟關人一作事莫語一作當時掩淚歸。

涇州聽張處士彈琴

邊州獨夜正思鄉。君又彈琴在客堂。髣髴不離燈影外，似聞流水到瀟湘。

贈別

魚在深泉鳥在雲。從來只得影相親。他時縱有逢君處，應作人間白髮身。

對繪

行到鱸魚鄉裏時。繪盤如雪怕風吹。猶憐醉裏江南路，馬上垂鞭學釣時。

憶朝陽峰前居

每憶閑眠處。朝陽最上峰。溪僧來自遠，林路出無蹤。敗褐粘苔徧，新題出一作石重。霞光侵曙發，嵐翠近秋濃。健羨機能破，安危道不逢。雪殘猿一作僧到，閣庭午鶴離松。此地虛為別人間，久未容何時無一事，却去養疎慵。

暮上瞿唐峽

自古艱難地，孤舟旦暮程。獨愁空託命，省已是輕生。有樹皆相倚，無巖不倒傾。蛟螭波數怒，鬼怪火潛明。履道知無負，離心自要驚。何年面骨肉，細話苦辛行。

和李中丞醉中期王徵君月夜同遊瀝水舊居

醉後情俱遠，難忘素瀝間。照花深處月，當戶舊時山。事想同清話，歡期一破顏。風流還愛竹，此夜尚思閑。

濁水求珠

靈魄自沉浮，從來任濁流。願從深處得不向暗中投。圓月時堪惜，滄波路可求。沙尋龍窟遠，泥訪蚌津幽。是寶終知貴，唯恩且用酬。如能在公掌的，不負明眸。

江村夜泊

日一作月落江路一作村。黑前村人語稀。幾家深樹裏，一作火夜漁一作照船歸。

落第後歸觀喜逢僧再陽

相逢須強笑，人世別離頻。去曉一作長侵月，歸鄉動隔春。見僧心暫靜，從俗事多屯。宇宙詩名小，山河客路新。翠

桐猶入囊青鏡未辭塵逸足常思驥隨羣且一作自退鱗宴乖紅杏寺愁在綠楊津一作老病難為藥開眉嬾顧一作人

送越僧元瑞

靜中無伴侶今亦獨隨綠昨夜離空室焚香淨去船

舊宮人

自出先皇玉殿中衣裳不更染深紅宮釵折盡垂空鬢一作遮一作內扇穿一作掩多減半風桃熟亦曾君手賜酒闌猶候妾歌終如今還向城邊住御水東流意不通

夢游仙

夢游飛上天家樓珠箔當風挂玉鉤鸚鵡隔簾呼再拜水仙移鏡嬾梳頭丹霞不是人間曉碧樹仍逢岫外秋將謂便長於此地雞聲入耳所堪愁

送宮人入道

願隨仙女董雙成王母前頭作一作伴行初戴玉冠多悞拜欲辭金殿別稱名將敲碧落新齋磬却進昭陽舊賜箏旦暮焚香繞壇上步虛猶作按歌聲

長安退將

塞外衝沙損眼明歸來養病住秦京上高樓閣看星坐著白衣裳把劍行常說老身思闕將最悲無力制蕃營翠眉紅臉和回鶻惆悵中原不用兵

送裴夜

卷席貧拋壁下牀且鋪他處對燈光欲行千里從今夜猶惜殘春發故鄉蚊蚋已生團扇急衣裳未了剪刀忙誰知更有芙蓉浦南去令人愁思長

送苗七求職

相逢未得三回笑風送離情入剪刀客路最能銷日月夢魂空自畏波濤獨眠秋夜琴聲急未拜軍城劍色高一作送拜城去去綠多山與海鶴身寧肯一作不為飛勞一作度劍氣高

山行一作山中作

青樞林深一作亦有入一渠流水數家分山當日午回一作峰影草帶泥痕過鹿羣蒸茗氣從一作茅舍出綠絲聲隔竹籬聞行逢賣藥歸來客不惜相隨入島雲

題永忻寺影堂

不遇修寺日無錢入影堂故來空禮拜臨去重添香僧得名難一作近燈傳火已長發心依止後借住有鄰房

獻令狐相公時相公郊壇行事回一作謝詩

鴉在卿雲冰在壺代天才業本訂謨榮同伊陟傳朱戶秀比王商入畫圖昨夜星辰回劔履前年風月滿江湖不知機務時多暇還許詩家屬和無

句

佳人背江坐眉際列煙樹庚樓馬蹄没青莎船跡成空波 春風吹雨意何意更相值古意 以上並見汝為生客商 更望會

稽何處是沙連竹箭白鷗羣見岑甫雜錄

馬戴

馬戴字虞臣會昌四年進士第宣宗大中初太原李司空辟掌書記以正言被斥為龍陽尉懿宗咸通末佐大同軍幕終太學博士詩集一卷今編二卷

校獵曲第十句 缺二字

楚子畋郊野布罟籠天涯浮雲張作羅萬草結成罝意在絕飛鳥臂弓腰鑊錡遠將射句踐次欲誅夫差壯志一朝盡他 繁華當時能獵賢保國兼保家

蠻家

領得賣珠錢還歸銅柱邊看兒調小象打鼓放新船醉後眠神樹耕時語瘴煙又逢衰蹇老相問莫知年

春思

初日照楊柳玉樓含翠陰啼春獨鳥思望遠佳人心幽怨貯瑤瑟韶光凝碧林所思曾不見芳草意空深

送從叔一作弟赴南海幕

洞庭秋色起哀狄更難聞身往海邊郡帆懸天際雲炎州羅翠鳥瘴嶺控蠻軍信一作消息來非易堪悲此路分

江行留別

吳楚半秋色渡江逢葦花雲侵帆影盡一作落風逼鴈一作鳥行斜返一作夕照開嵐一作峯翠寒潮蕩一作漾浦沙余將何所往海一作孤嶠

擬一作發營家

將別寄友人

帝鄉歸未得辛苦事羈遊別館一尊酒客程千里秋霜風紅葉寺夜雨白蘋洲長恐此時淚不禁和恨流

客行

路岐長不盡客恨杳難通蘆荻晚汀雨柳花南浦風亂鐘嘶馬一作寫馬急殘日半帆紅却羨漁樵侶閑歌落照一作中

過野叟居

野人閑種樹樹老野人前居止白雲內漁樵滄海邊呼兒採山藥放犢飲溪泉自著養生論無煩憂暮年

答光州王使君

信一作昨來淮上郡楚岫入秦雲自顧為儒者何由答使君蛻風蟬一作半失阻兩鴈頻聞欲識平生分他時別紀勳

下第再過崔邵池陽居

豈無故鄉路路遠未成歸關內相知少海邊來信稀離雲空石穴芳草偃郊扉謝子一留宿此心聊息機

夕次淮口

天涯秋光盡木末羣鳥還夜久遊子息月明岐路閑風生淮水上帆落楚雲間此意竟誰見行行非一作悲故關

落日悵望

孤雲與歸鳥千里片時間念我一何滯辭家久未還微陽下喬木遠色隱秋山臨水不敢照恐驚平昔顏

早發故山作

雲門夾峭石石路蔭長松谷響援相應山深水復重餐霞人不見一作往採藥客猶逢獨宿靈潭側時聞岳頂鐘

下第別邵扶一作扶

窮途別故人京洛泣風塵在世即應老他鄉又欲春平生空志學晚歲一作節拙謀身靜話歸休計唯將海上一作看親

寄終南真空禪師

閑想白雲外了然清淨僧松門山半寺夜雨佛前燈此境可長住一作浮生自不能一從林下別瀑布幾成冰

長安寓居寄贈賈島一作長安贈賈島

歲暮見華髮平生志半空孤雲不我棄歸隱與誰同枉道一作羨紫宸謁妨裁丹桂叢何如隨野鹿棲止石崖一作在林中

秋郊夕望

度鳥向樓急陰蟲逢夜多餘霞媚秋漢迴月濯滄波蔓草將萎絕流年其奈何耿然搖落思獨酌不成歌

贈越客

故國波濤隔明時已久留獻書雙闕晚看月五陵秋南棹何時返長江憶共遊遙知釣船畔相望在汀洲

送顧非熊下第歸江南

無成西別秦返駕江南春草際楚田鴈舟中吳苑人殘雲挂絕島迴樹入通津想到長洲日門前多白蘋

汧上勸一作舊友

斗酒故人同長歌起北風斜陽一作高壘閉秋角暮山空鴈叫一作寒流上螢飛薄一作霧中坐來生一作憂白髮况復久從戎

送狄參軍赴杭州

新官非次受聖主寵前勲關雪發車晚風濤挂席聞海門山疊翠湖岸郡藏雲執簡從公後鬢參豈勝君

過故人所遷新居

金馬詔何晚茂陵居近修客來雲雨散鳥下梧桐秋迴漢銜天關遙泉響御溝坐看涼月上為子一淹留

落照一作晚

照曜天山外飛鴉幾共過微紅拂秋漢片白透長波影促寒汀薄光殘古木多金霞與雲氣散漫復相和

宿崔邵池陽別墅

楊柳色已改一作故郊原日復低煙生寒渚上一作霞散亂山西一作亂流待月人相對驚風鴈不齊此心君莫問舊國去將迷

楚江懷古三首

露氣寒光集微陽下楚丘。緩啼洞庭樹人在木蘭舟。廣澤生明月蒼山一作夾亂流。雲中君不降一作竟夕自悲秋。
驚鳥去無際寒蛩鳴我傍。蘆洲生早霧蘭隰下微霜。列宿分窮野空流注。大荒看山候明月聊自整雲裝。
野風吹蕙帶驟雨滴蘭橈。屈宋魂冥冥江山思寂寥。陰霓侵晚一作景海樹入迴潮。欲折寒芳薦明神詎可招。

遠水

蕩漾空沙際虛明入遠天。秋光照不極鳥影去無邊。勢引長雲斷波輕一作片雪連。汀洲杳難到萬古覆蒼煙。

夕發邠寧寄從弟一作寄舒從事

半一作飲酣走馬別一作白馬別後鎖邊城。日落月未上鳥棲人獨行。方馳故國戀復愴長年情入一作久夜不能息何當開此生。

贈別北客一本無別字

君生遊俠地感激氣何高。飲盡玉壺酒贈留金錯刀。鴈關飛霰雪鯨海落雲濤。決去如征鳥離心空自勞。

夜下一作湘中

洞庭人夜別一作孤鳴棹下湘中。露洗寒山遍波搖楚月空。密林飛暗狖廣澤發鳴鴻。行值一作抵揚帆者江分又不同。

送呂郎中牧東海郡

假道經淮泗檣鳥集隼旟。蕪城沙苑接波島石林疎。海鶴空一作庭下美人遠岸居。山鄉足一作遺老佇聽薦賢書。

山行偶作

綠危一作路忽窮投宿值樵翁。鳥下山舍暝一作蟬鳴露滴空。石門斜月入雲竇暗泉通。寂寞生幽思心疑舊隱同。

巴江夜後

日飲巴江水還啼巴岸邊。秋聲巫峽斷夜影楚雲連。露滴青楓樹山空明月天。誰知泊船一作者聽此不能眠。

送田使君牧蔡州

主意思政一作理牧人官不輕樹多淮右地山遠汝南城。望稼周一作田隔登樓楚月生。懸知蔣亭下渚鶴伴閑行。

雀臺怨

魏宮歌舞地蝶戲鳥還鳴。玉座人難到一作銅臺雨滴平。西陵樹不見漳浦草空生。萬恨盡埋此徒懸千載名。

早發故園

語一作別在中夜登車離故鄉曙鐘寒出岳一作殘月迴凝霜風柳條多折沙雲氣盡黃行逢海西鴈零落不成行

贈別江客

湘中有岑穴君去挂帆過露細蒹葭廣潮迴島嶼多汀洲延夕照楓葉墜寒波應使同漁者生涯許釣歌

宿翠微寺

處處松陰一作滿樵開一逕通鳥歸雲整一作靜僧語石樓一作空積翠舍微月遙泉韻細風經行心不厭憶在故山中

霽後寄白閣僧

蒼翠覆高雪西峯鳥外看久披山衲壞孤坐石牀寒盥手水泉滴燃燈夜燒殘終期老雲嶠煮藥伴中餐

送僧歸金山寺

金陵山一作江色裏蟬急向秋分迴寺橫洲島歸僧渡水雲夕陽依岸盡一作清磬隔潮聞遙想禪林下鑪香帶一作月焚

新秋雨霽宿王處士東郊

少陽逢一雨夜木洗清陰露氣竹窗靜秋光雲一作月一作色深煎嘗靈藥一作味話及一作友故山心得意兩不寐微風生

玉琴

關山曲二首

金甲耀兜鍪黃金一作拂紫騮叛羌旗下戮陷壁夜中收霜霰戎衣月關河磧氣秋箭瘡殊未合更遣擊蘭州

火發龍山北中宵易左賢勅兵臨漢水驚鴈散胡天木落防河急軍孤受敵偏猶聞漢皇怒按劍待開邊

塞下曲二首

旌旗倒北風霜霰逐南鴻夜救龍城急朝焚虜帳空骨銷金鏃在鬢改玉關中却想羲軒氏一作代無人尚一作戰功

廣漠雲凝慘日斜飛霰生燒山搜猛獸伏道擊迴兵風折旗竿曲沙埋樹杪一作平黃雲飛且夕一作偏奏苦寒聲

廣陵曲

葱蘢桂樹枝高繫黃金羈葉隱青蛾翠花飄白玉墀上鳴聞關鳥下醉遊俠兒煬帝國已破此中都不知

送人遊蜀

別離楊柳陌迢遞蜀門行若聽清猿後應多白髮生虹霓侵棧道風雨一作雨雜江聲過盡愁人處煙花是錦城

宿無可上人房一作宿翠微寺

稀逢息心侶細話遠一作故山期河一作雲漢秋深一作生夜杉梧露滴時風傳林磬響一作久月掩一作登草堂蓮坐卧禪心在浮生皆

不知

旅次夏州

嘶馬發相續行次夏王臺鎖郡雲陰暮鳴笳燒色來霜繁邊上宿鬢改磧中迴悵望胡沙曉驚蓬朔吹催

同莊秀才宿鎮星觀

的的星河落露苔復灑松濕光微泛草石翠澹搖峰野觀雲和月秋城漏間鐘知君親此境九陌少相逢

鸛雀樓晴望

堯女樓西望人懷太古時海波一作帆通禹鑿一作六山木閉虞祠鳥道殘虹挂龍潭返照移行雲如可馭萬里赴心期

贈淮南將

何事淮南將功高業未成風濤辭海郡雷雨鎮山營度磧黃雲起防秋白髮生密機曾制敵憂國更論兵塞色侵旗動寒光鎖甲明自憐心有作獨立望專征

寄賈島

海上不同來關中俱久住尋思別山日老盡經行樹志業人未聞時光鳥空度風悲漢苑秋雨滴秦城暮佩玉與鏘金非親亦非故朱顏枉自毀明代空相遇歲晏各能歸心知舊岐路

湘川弔舜

伊子生好古弔舜蒼梧間白日坐將沒遊波凝不還九疑雲動影曠野竹成班鴈集蒹葭渚猿啼霧露山南風吹早恨瑤瑟怨長閑元化誰能問天門恨久關

送僧歸閩中舊寺

寺隔海山遙帆前落葉飄斷猿通楚塞鷺鷥出蘭橈星月浮波島煙蘿渡石橋鐘聲催野飯秋色落寒潮舊社人多老閑房樹半凋空林容病士一作若歲晚待相招

寄遠

坐想親愛遠行嗟天地闊積疹甘毀顏沈憂更銷骨迢迢遊子心望望歸雲沒喬木非故里高樓共明月夜深秋風多聞鴈來天末

經咸陽北原

秦山曾共轉秦雲自舒卷古來爭雄圖到此多不返野狄穴孤墳農人耕廢苑川長波又逝日與歲俱晚夜入咸陽中悲吞不能飯

冬日寄洛中楊少尹

黃河岸柳衰城下度流漸年長從公懶天寒入府遲家山望一作幾遍魏闕赴何時懷古心誰識應多謁舜祠

浙江夜宿

落帆人更起露草滿汀洲遠狄啼荒嶠孤螢溺漫流積陰開片月爽氣集高秋去去胡為戀辜芳時一遊

寄西岳白石僧

挂錫中峯上經行踏石梯雲房出定後岳月在池西峭壁殘霞照敬松積雪齊年年著山屐曾得到招提

同州冬日陪吳常侍閑宴

中天白雲散集客郡齋時陶性聊飛爵看山忽罷碁雪花凝始散木葉脫無遺靜理一作良多暇招邀愜所思

答鄒時友人同宿見示

為客自堪悲風塵日滿衣承明無計入舊隱但懷歸雪積孤城暗燈殘曉角微相逢喜同宿此地故人稀

題僧禪院一作題興善寺英律師院

虛室焚一作香久禪一作心悟幾生漣泉侵月起掃逕避蟲行樹隔前朝在苔滋廢渚平我來風雨夜像設一作燈明

懷故山寄賈島

心偶羨明代學詩觀國風自從來關下未勝在山中丹桂日應老白雲居久空誰能謝時去聊與此生同

灞上秋居

灞原風雨定晚見鴈行頻落葉他鄉樹寒燈獨夜人空園白露滴孤壁野僧隣寄臥郊扉久何門致此身

寄崇德里居作

園林地澤一作綠我清涼襟高鳥雲路晚孤蟬楊柳深風微漢宮漏月迴秦城砧光景坐如此徒懷經濟心

河梁別

河梁送別者行哭半非親此路一作地足征客胡天多殺人金罍照離思一作席寶瑟凝殘一作青春早晚期相見垂楊凋復

新
一本無末二句

留別定襄盧軍事

行行與君別路在鴈門西秋色見邊草軍聲聞戍鼓一作街擊寶劍躍馬上金一作荒堤歸去咸陽里平生志不迷

送杜秀才東遊

羈遊年復長去日值秋殘草出函關白雲藏野渡寒鴻多霜雪重山廣道途難心事何人識斗牛應數看

懷黃頗

有客南浮去平生與我同炎州結遙思芳杜採應空秦鴈歸侵月湘猿戲裏楓期君翼明代未可戀山中

隴上獨望

斜日挂邊樹蕭蕭獨望間陰雲藏漢壘飛火照胡山隴首行人絕河源夕鳥還誰為立勳者可惜寶刀閑

長安書懷

岐路今如此還堪慟哭頻關中成久客海上老諸親谷口田應廢鄉山草又春年年銷壯志空作獻書人

邯鄲驛樓作

蕪沒叢臺久清漳廢御溝蟬鳴河外樹人在驛西樓雲燒天中赤山當日落秋近郊經戰後處處骨成丘

別家後次飛狐西即事

遠歸從此別親愛失天涯去國頻迴首方秋不在家鳴望聞塞路冷鴈背龍沙西次桑乾曲洲中見荻花

題青龍寺鏡公房

一室意何有閑門為我開爐香寒自滅履雪飯初迴窗迴孤山入燈殘片月來禪心方此地不必訪天台

邊城獨望

聊憑^{一作}危堞望^{一作}倍^{一作}起異鄉情霜落蒹葭白^{一作}山昏霧露生河灘胡雁下戎墨漢鞞驚獨樹殘秋色在歌淚
滿纓

江亭贈別

長亭晚送君秋色渡江濱衰柳風難定寒濤雪不分
旅次寄賈島兼簡無可上人

寄剡中友人

故人今在剡秋草意如何嶺暮雲霞雜潮迴鳥嶼多沃洲僧幾訪天姥客誰過歲晚偏相憶風生隔楚波

送國子韋丞

臨水獨相送歸期千里間雲迴逢過兩路轉入連山一騎行芳草新蟬發故關遙聆茂陵下夜啟竹扉閑

題吳發原南居

閑居誰厭僻門掩漢祠前山色夏雲映樹陰幽草連晴光分渚曲綠氣冒原田何日遠遊罷高枝已噪蟬

雜中寒夜姚侍御宅懷賈島

夜木^{一作}動寒色^{一作}雜陽城闕深如何異鄉思更抱故人心微月關山遠閑塔霜霰^{一作}侵誰知石門^{一作}路待與子
同尋

征婦歎

稚子在我抱送君登遠道稚子今已行念君上邊城蓬根既無定蓬子焉用生但見請防胡不聞言罷兵及老能
得歸少者還長征

山中^{一作}寄姚合員外

朝與城闕別暮同麋鹿歸鳥鳴松觀靜人過石橋稀木葉搖山翠泉痕^{一作}入澗扉敢招仙署客暫此拂朝衣
中秋月

陰魄出海望之增苦吟冷搜驪領重寒徹蚌胎深皓氣籠諸夏清光射萬岑悠然天地內皎潔一般心

下第寄友人

金門君待問石室我思歸聖主尊黃屋何人薦白衣年來御溝柳贈別雨霏霏

寄廣州楊參軍

南方春景好念子緩歸心身方脫野服冠未繫朝簪足恣平生賞無虞外役侵汀洲觀鳥戲向月和緩吟稅駕楚山廣揚帆湘水深採奇搜石穴懷勝即楓林悵望極霞際流情隨海陰前期杏難問歎息灑鳴琴

離夜二首

東征遼水迥北近單于臺戎衣挂寶劍玉筋銜金杯紅燭暗將滅翠蛾終不開
疑夜照離色恐聞啼晚鴉前年營鴈塞明月成龍沙曾與五陵子休裝孤劍花

荅太原從軍

一作楊員外送別 下西字一作 中是寄

君將一作海月珮贈之光我行見知言不淺懷報意非輕反照臨岐思中年未達情河梁人送別秋漢鴈相鳴衰柳搖邊吹寒雲冒古城西遊還獻賦應許託平生

送從叔重赴海南從事

又從連帥請還作嶺南行窮海何時到孤帆累月程亂蟬吟暮色衰狄落秋聲晚路潮波起寒葭霧雨生沙埋銅柱沒山簇瘴雲平念此別離苦其如宗從情

送韓校書江西從事

出關寒色盡雲夢草生新鴈背岳陽兩客行江上春遙程隨水閣枉路倒帆頻夕照臨孤館朝霞發廣津湖山潮半隔郡壁岸斜鄰自此鍾陵道裁書一作 想思有故人

送顧少府之永康

婺女星邊去春生即有花寒關雲復雪古渡草連沙宿次吳江晚行侵日微斜官傳梅福政縣顧赤松家燒起明山翠潮迴動海霞清高宜閱此莫歎近天涯

幽上一作 土雷別令狐侍郎

自別丘中隱頻年哭路岐辛勤今若是少壯豈多時露滴陰蟲苦秋聲遠客悲晚營嚴鼓角紅葉拂旌旗北闕
虛延望西林久見思川流寒水急雲返故山遲落照遊人去長空獨鳥隨不堪風景隔忠信寡相知

襄陽席上呈于司空

一作元積詩

花枝臨水復臨堤也照清江也照泥寄語東君好擡舉夜來曾伴鳳皇棲

宿裴氏谿居懷厲玄先輩

樹下孤石坐草間微有霜同人不同北一作雲鳥自南翔迢遞夜山色清冷泉月光西風耿離抱江海遙相望

集宿姚殿中宅期僧無可不至

殿中日一作殿內臣相命開尊話舊時餘鐘催鳥絕積雪阻僧期林靜寒光一作聲遠天陰曙色遲今夕復何夕人謁去難

追一作鳴佩出難隨

宿賈島原居

一作尋賈島原東居

寒鴈過原急渚邊秋色深煙霞向海島風雨宿園林俱佳明時願同懷故國心一作共許貧文久猶嫌外事侵未能先隱跡一作去聊一作

此一相尋

贈別空公

雲門一作外秋却入微徑久無人後夜中峰月空林百衲身寂寥寒磬盡盥漱瀑泉新履跡誰相見一作覓松風掃石塵

府試觀開元皇帝東封圖

儼若翠華舉登封圖乍開冕旒明主立冠劍侍臣陪跡類飛仙去光同拜日來粉痕疑檢玉黛色訝生苔挂壁雲

將起陵風仗若迴何年復東幸魯叟望悠哉

府試水始冰

南池寒色動北陸歲陰生薄薄流澌聚離離一作微翠微平暗霑霜稍厚迴照日還輕乳竇懸殘滴湘流寂恨聲即堪

金井貯會映玉壺清潔白心雖識空期飲此明

邊館逢賀秀才

貧病無疎我與君不知何事久離羣鹿裘共弊同為客龍闕將移擬獻文空館夕陽鴉繞樹荒城寒色鴈和雲不

堪吟斷邊笳曉葉落東西客又分

宿王屋天壇

星斗半沈蒼翠色紅霞遠照海濤分折松曉拂天壇雪投簡寒窺玉洞雲絕頂醮迴人不見深林磬度鳥應聞未
知誰與傳金籙獨向仙祠拜老君

岐陽逢曲陽故人話舊

異地還相見平生問分可知壯年俱欲暮往事盡堪悲道路頻艱阻親朋久別離解兵逃白刃謁帝值明時淹疾
生涯故因官事世業移雞鳴關月落鴈度朔風吹客淚翻岐下鄉心落海湄積愁何計遣滿酌浣相思

贈禪僧

弟子人天遍一作滿童年在沃洲開禪一作禪山木長浣衲一作衲海沙秋振一作立錫搖汀月持瓶接瀑流赤城何日上鄙願從師

遊一作常多白雲與願結赤城遊

題廬山寺

白茅為屋宇編荆數處堦堦石疊成東谷笑言西谷響下方雲雨上方晴鼠驚樵客綠蒼壁猿戲山頭撼紫檉別
有一條投澗水竹筒斜引入茶鐺

題石甕寺

僧室並皇宮雲門輦路同渭分雙闕北山迴五陵東修綆懸林表深泉汲洞中人煙窺堦蟻鴛瓦拂冥鴻蘚壁松
生峭龕燈月照空稀逢息心侶獨禮竺乾公

謁仙觀二首

我生求羽化齋沐造仙山一作居葛蔓沒一作汲丹井石函盛一作開道書寒松多偃側靈洞遍清虛一就泉西飲一作箱雲中採
藥蔬

山空蕙氣香乳管折雲房願值壺中客親傳肘後方三更禮星斗寸七服丹霜默坐樹陰下仙經橫石牀

送朴山人歸新羅一作海東

浩渺行無極揚帆但信風雲山過海半一作時鄉樹入舟中波定遙天出沙平遠岸窮一作策離心寄何處目斷曙霞東

題靜住寺飲用上人房

寺近朝天路。多聞玉珮音。鑿人開慧眼。歸鳥息禪心。磬接星河曙。窗連夏木深。此中能宴一作開坐。何必在雲林。

贈楊先輩一作送楊之梁先輩

平生閑放久。野鹿許為羣。居止鄰西岳。軒窗度白雲。齋心飯松子。話道接茅君。漢主思一作方清淨。休書諫獵文。

訓李景章先輩

平生詩句忝多同。不得陪君奉至公。金鑰自宜先中鵠。鉛刀甘且學雕蟲。鶯啼細柳臨關路。燕接飛花遶漢宮。

九陌芳菲人競賞。此時心在別離中。

贈祠部令狐郎中

官初執憲稱雄才。省轉為郎雅望催。待制松陰移玉殿。分宵露氣靜天臺。算棋默向孤雲坐。隨鶴閑窮片水迴。

忽憶十年相識日。小儒新自海邊來。

送冊東夷王使

越海傳金冊。華夷禮命行。片帆秋色動。萬里信潮生。日映孤舟出。沙連絕島明。翳空翻大鳥。飛雪灑一作噴長鯨。舊

鬢迴應改。遐荒夢易驚。何當理風檝。天外問來程。

送武陵王將軍

河外今無事。將軍有戰名。艱難長劍缺一作開。功業少年成。曉仗親雲陸。寒霄突禁營。朱旗身外色。玉漏耳邊聲。開

閣談賓至。調弓過鴈驚。為儒多不達。見學請長纓。

贈鄆縣尉李先輩二首

同人家鄆杜相見。罷官時野坐。苔生石荒居。菊入籬。聽蟬臨水久。送鶴背山遲。未擬還城闕。溪僧別有期。

休官不到闕。求靜匪營他。種藥唯愁晚。看雲肯厭多。渚邊逢鷺下。林表伴僧過。閑檢仙方試。松花酒自和。

邊將

玉榼酒頻傾。論功笑李陵。紅韁跑駿馬。金鏃擊秋鷹。塞迥連天雪。河深徹底冰。誰言提一劍。勤苦事中英。

下第別令狐員外

論文期兩夜飲酒及芳晨坐歎百花發潛驚雙鬢新舊交多得路別業遠仍貧便欲辭知已歸耕海上春

送春坊董正字浙右歸觀

去觀一作省毘陵日秋殘建業中莎垂石城古山闊海門空灌木寒檣遠一作至層波皓月同何當復離校春集少陽宮

送和北虜使

路始陰山北迢迢雨雪天長城人過少沙磧馬難前日入流沙際陰生瀚海邊刀鏢向月動旌纛冒霜懸逐獸孤圍合交兵一箭傳穹廬移斥候一作鼠烽火絕初連漢將行持節胡兒坐控弦明妃的迴面南送使君一作臣旋

摠情畱別并州從事

淺學長自鄙謬承賢達知才希漢主召玉任楚人疑年長慙漂泊思深惜別離秋光獨鳥過一作暝色一蟬悲鶴髮生何速龍門上苦遲彫蟲益朗鑒干祿貴明時故國誠難返青雲致未期空將感激淚一自灑臨岐

酬田卿送西游

華堂開翠簾惜別玉壺深客去當煩暑蟬鳴復此心廢城喬木在古道濁河侵莫慮西游遠西關絕隴陰

雪中送青州薛評事

臘景不可犯從戎難自由憐君急王事走馬赴邊州岳雪明日觀海雲冒營丘慙無斗酒瀉敢望御重裘

哭京兆龐尹

神州喪賢尹父老泣一作哭關中未盡羣生願纔畱及物功清光沈皎月素業振遺風履跡莓苔掩珂聲紫陌空從來受知者會葬漢陵東

路傍樹

古樹何人種清陰減昔時莓苔根半露風雨一作雪節偏危蟲蠹心將穴蟬催葉向衰樵童不須翦聊起邵公思

送客南遊

擬卜何山隱高秋指岳陽葦乾雲夢色橘熟洞庭香疎雨殘虹影回雲背鳥一作馬行靈均如可問一為哭清湘

寄襄陽王公子

君馬勒金羈君家貯玉筭白雲登峴首碧樹醉銅鞮澤廣荊州北山多漢水西鹿門知不隱芳草自萋萋

集宿姚侍御宅懷永樂宰殷侍御

石田虞芮接種樹白雲陰穴閉神踪古河流禹鑿深樵人應滿郭僊鳥幾巢林此會偏相語一作曾供雪夜吟

易水懷古

荆卿西去不復返易水東流無盡期落日蕭條薊城北黃沙白草任風吹

送僧二首

親在平陽憶久歸洪河雨漲出關遲獨過舊寺人稀識一一杉松老別時

龕中破衲自持行樹下禪牀坐一生來往白雲知歲一作我久滿山猿鳥會經聲

贈友人邊遊回一作薛能詩

遊子新從絕塞回自言曾上李陵臺尊前語盡北風起秋色蕭條胡雁來

山中作

屐齒無泥竹策輕莓苔梯滑夜難行獨開石室松門裏月照前山空水聲

出塞詞

金帶連環束戰袍馬頭衝雪度臨洮卷旗夜劫單于帳亂斫胡兒一作缺寶刀

寄雲臺觀田秀才

雲壓松枝拂石窗幽人獨坐鶴成雙晚來漱齒敲冰渚閑讀仙書倚翠幢

邊上送楊侍御鞠獄回

獄成冤雪晚雲開身角威清塞鴈回飛將送迎遙避馬離亭不敢勸金杯

射鵬騎

藩面將軍著鼠裘酬歌衝雪在邊州獵過黑山猶走馬寒鵬射落不回頭

高司馬移竹

叢居堂下幸君移翠掩燈窗露葉垂莫羨孤生在山者無人看著拂雲枝

贈前蔚州崔使君

戰回脫劍綰銅魚塞鴈迎風避隼旗欲識前時爲郡政校成上下考新書

秋思二首

萬木秋霖後孤山夕照餘田園無歲計寒近憶樵漁
亭樹霜霰滿野塘鳧鳥多蕙蘭不可折楚老徒悲歌

黃神谷紀事

霹靂振秋岳折松橫洞門雲龍忽變化但覺玉潭昏

過亡友墓

憶昨送君葬今看墳樹高尋思後期者只是益生勞

聞瀑布冰折

萬仞冰峭折寒聲投白雲光搖山月隨我向石牀聞

贈道者

深居白雲穴靜注赤松經往往龍潭上焚香禮斗星

華下逢楊侍御

巨靈掌上月玉女盆中泉柱史息車看孤雲心浩然

新春聞赦

龍陽作

道在猜讒息仁深疾苦除堯聰能下聽湯網本來疎

送李侍御福建從事

晉安來越國蔓草故宮迷釣渚龍應在琴臺鶴亂栖泛濤明月廣邊海衆山齊賓府通蘭棹蠻僧接石梯片雲

和瘴濕孤嶼映帆低上客多詩興秋援足夜啼

酬刑部姚郎中

路岐人不見尚得記心中月憶瀟湘渚春生蘭杜叢鳥啼花半落人一作客散爵方空所贈誠難答冷然一作雅一雅風

送柳秀才往連州看弟

離人非逆旅有弟謫連州楚雨霑援暮湘雲拂鴈秋蒹葭行廣澤星月棹寒流何處江關鏢風濤阻客愁

晚眺有懷

點點一作點點抱離念曠懷成怨歌高臺試延望落照在寒波此地芳草歇舊山喬木多悠然暮天際但見鳥相過

山中興作

高高丹桂枝嫋嫋女蘿衣密葉浮雲過幽陰暮鳥歸月和風翠動花落瀑泉飛欲翦蘭爲佩中林露未晞

送皇甫協律淮南從事

辟書丞相草招作廣陵行隋柳疎淮岸汀洲接海城楚橋經雨泊煙月隔潮生誰與同尊俎雞鶩集虎營

別靈武令狐校書

北風吹別思落月度關河樹隱流沙短山平近塞多鴈池戎馬飲鵬帳戍人過莫慮行軍苦華夷道正和

田氏南樓對月

主人同露坐明月在高臺咽咽陰蟲叫蕭蕭寒鴈來影搖疎木落魄轉曙鐘開幸免丹霞映清光溢酒杯

送宗密上人

門前九陌塵石上定中身近放遼天鶴曾爲南岳人臘高松葉換雪盡茗芽新一自傳香後名山願卜鄰

白鹿原晚望

澹曲鴈飛下秦原人葬回丘墳與城闕草樹共塵埃

失意書懷呈知己

直道何由啟聖君非才誰敢議論文心存黃籙兼丹訣家憶青山與白雲麋鹿幽栖閑可近鴛鴦高舉勢宜分
微生不學劉琨輩劍刃相交擬立勳

春日尋澹川王處士

碧草徑微斷白雲扉晚開罷琴松韻發鑿水月光來宿鳥排花動樵童澆竹迴與君同露坐澗石拂青苔

宿陽臺觀

玉洞仙何在爐香客自焚醮壇圓古木石磬響寒雲曙月孤霞映懸流峭壁分心知人世隔坐與鶴爲羣

寄金州姚使君員外

老懷清淨化乞去守洵陽廢井人應滿空林虎自藏迸泉疎石竇殘雨發椒香山缺通巴峽江流帶楚檣憂一作勸
農生野思禱廟結雲裝覆局松移影聽琴月隋光鳥鳴開郡印僧去置禪牀罷貢金休鑿凌寒笋更長退公披
鶴氅高步隔鵝行相見朱門內麾幢拂曙霜

中秋夜坐有懷

秋光動河漢耿耿曙難分隨露垂叢藥殘星間薄雲心懸赤城嶠志向紫陽君鴈過海風起蕭蕭時獨聞

題鏡湖野老所居一作秦系詩

湖裏尋君去樵風往返吹樹喧巢鳥出路細葑田移漚苧成魚網枯根是酒巵老年唯自適生事任羣兒

題女道士居不經芝木四十餘年一作秦系詩

不餌住雲溪休丹罷藥畦杏花虛結子石髓任成泥掃地青牛卧栽松白鶴棲共知仙女麗莫是阮郎妻

送王道士一作秦系詩

真人俄整舄雙鶴屢飛翔恐入壺中住須傳肘後方霓裳雲氣潤石徑木苗香一去何時見仙家日月長

送道友入天台山作

却憶天台去移居海島空觀寒琪樹碧雪淺石橋通漱齒飛泉外煢霞早境中終期赤城裏披氅與君同

題章野人山居一作秦系詩

帶郭茅亭詩興饒回看一曲倚危橋門前山色能深淺壁上湖花自動搖閑花散落填書帙戲鳥低飛礙柳條

向此隱來經幾載如今已是漢家朝

江中遇客

危石江中起孤雲嶺上還相逢皆得意何處是鄉關

期王鍊師不至一作秦系詩

黃精蒸罷洗瓊杯林下從雷石上苔昨日圍棋未終局多乘白鶴下山來

秋日送僧志幽歸山寺一作秦系詩

禪室繩牀在翠微松間荷笠一僧歸磬聲寂歷宜秋夜手冷鐙前自衲衣

申胥任向秦庭哭，靳尚終貽楚國憂。

易重

易重字鼎臣宜春人，會昌五年進士第，官至大理評事。詩一首。

寄宜陽兄弟

六年雁序恨分離，詔下今朝遇已知。上國皇風初喜日，御堦恩渥屬身時。內庭再考稱文異，聖主宣名獎藝奇。

故里仙才若相問，一春攀得兩重枝。覆考第一

孟遲

孟遲字遲之，平昌人，登會昌五年進士第。詩十七首。

發蕙風館遇陰不見九華山有作

我來淮陰城，千江萬山無不經。山青水碧千萬丈，奇峯急派何縱橫。又聞九華山，山頂連青冥。太白有逸韻，使我

我西南行。一步一攀策，前行正雞鳴。陰雲冉冉忽飛起，千里萬里危崢嶸。譬如天之有日蝕，使我昏沈猶不明。

人家敲鏡救不得，光陰却屬貪狼星。恨亦不能通言亦不足，聽長鞭揮馬出門去。是以九華為不平。

寄浙右舊幕僚

由來惡舌駟難追，自古無媒謗所歸。勾踐豈能容范蠡，李斯何暇救韓非。巨拳豈為雞揮肋，強弩那因鼠發機。

慚愧故人同鮑叔，此心江柳尚依依。

壯士吟

壯士何曾悲，悲即無回期。如何易水上，未歌淚先垂。

徐波渡

曉月千重樹，春煙十里溪。過來還過去，此路不知迷。

題嘉祥驛

樹頂煙微綠山根菊暗香何人獨鞭馬落日上嘉祥

懷鄭洎

風蘭舞幽香雨葉墜寒滴美人來不來前山看向夕

長信宮

一作趙
殿詩

君恩已盡欲何歸猶有殘香在舞衣自恨身輕不如燕春來還遠御簾飛

閨情

山上有山歸不得湘江暮雨鷓鴣飛靡蕪亦是王孫草莫送春香入客衣

蓮塘

脉脉低回殷袖遮臉橫秋水髻盤鴉蓮莖有刺不成折盡日岸傍空看花

還淮卻寄睢陽

梁王池苑已蒼然滿樹斜陽極浦煙盡日回頭看不見兩行愁淚上南船

烏江

中分豈是無遺策百戰空勞不逝騅大業固非人事及烏江亭長又何知

新安故關

漢帝英雄重武材崇山險處鑿門開如今更有將軍否移取潼關向北來

廣陵城

一作趙
殿詩

紅遠高臺綠遠城城邊春草傍牆生隋家不向此中盡汴水應無東去聲

過驪山

一作趙
殿詩

今日微煙渭水愁華清宮樹不勝秋霓裳一曲千門鎖白盡梨園弟子頭

吳故宮

越女歌長君且聽芙蓉香滿水邊城豈知一日終非主猶自如今有怨聲

蘭昌宮

金唐言 卷二十一
宮門兩片掩埃塵牆上無花草不春誰見當時禁中事阿嬌解佩與何人

宮人斜

雲慘煙愁苑路斜路傍丘冢盡宮娃茂陵不是同歸處空寄香魂著野花

句

天地有時饒一擲江山無主任平分過城下見紀事

王鐸

王鐸字昭範宰相播之從子會昌初擢進士第咸通時拜相黃巢之亂命為行營都統封晉公後落職節度滄景為魏博節度樂從訓所害詩三首

和于興宗登越王樓詩

謝眺題詩處危樓壓郡城雨餘江水碧雲斷雪山明錦繡來仙境風光入帝京恨無青玉案何以報高情

謁梓潼張惡子廟

盛唐聖主解青萍欲振新封濟順名夜雨龍拋三尺匣春雲鳳入九重城劔門喜氣隨雷動玉壘韶光待賊平惟報關東諸將相柱天功業賴陰兵

羅都統守鎮滑州作

用軍何事敢遷延恩重才輕分使然黜詔已聞來闕下檄書猶未遍軍前腰間盡解蘇秦印波上虛迎范蠡船正會星辰扶北極却驅戈甲鎮南燕三塵上相逢明主九合諸侯媿昔賢看却中興扶大業殺身無路好歸田

句

華表尚迷丁令鶴竹坡猶認葛溪龍見吟窗雜錄

鄭畋

鄭畋字台文榮陽人會昌進士第劉瞻鎮北門辟為從事瞻作相薦為翰林學士遷中書舍人乾符中以兵部侍郎同平章事尋出為鳳翔節度使拒巢賊有功授檢校尚書左僕射詩一卷今存十六首

中秋月直禁苑

禁署方懷忝綸閣已再加暫來西掖路還整上清槎恍惚歸丹地深嚴宿絳霞幽襟聊自適閑弄紫薇花

麥穗兩歧

聖慮憂千畝嘉苗薦兩歧如雲方表盛成穗忽標奇瑞露縱橫滴祥風左右吹謳歌連上苑化日遍平陂史冊書堪重丹青畫更宜願依連理樹俱作萬年枝

五月一日紫宸候對時屬禁直穿內而行因書六韻

朱夏五更後步廊三里餘有人從翰苑穿入內中書漏響飄銀箭燈光照玉除禁扉猶鎖鑰宮妓已妝梳紫府遊應似釣天夢不如塵埃九重外誰信在清虛

題絳山王子晉廟

有昔靈王子吹笙邈次濛六宮攀不住三鳥去相招亡國原陵古賓天歲月遙無蹤窺海曲有廟訪山椒石帳龍蛇拱雲櫺彩翠銷露壇裝琬琰真像寫松喬珠館青童宴琳宮阿母朝氣與仙女侍天馬吏兵調湘妓紅絲瑟秦郎白管簫西城要綽約南嶽命嬌嬈句曲觴金洞天台嘯石橋晚花珠弄藥春茹玉生苗二景神光秘三元寶籙饒霧垂鴉翅髮冰束虎章腰鶴馭爭銜箭龍妃合獻綃衣從星渚浣丹就日宮燒物外花嘗滿人間葉自凋望臺悲漢戾閱水笑梁昭古殿香殘地荒堦柳長條幾曾期七日無復降重霄嵩嶺連天漢伊瀾入海潮何由得真訣使我珮環飄

初秋寓直三首

曉星獨挂結麟樓三殿風高藥樹秋玉笛數聲飄不住問人依約在東頭宿鳥翩翩落照微石臺樓閣鎖重扉步廊無限金羈響應是諸司扈從歸幽閣焚香萬慮凝下簾胎息過禪僧玉堂分照無人後消盡金盆一碗冰

夜景又作

鈴條無響閉珠宮小閣涼添玉藥風枕簟滿牀明月到自疑身在五雲中

抄秋夜直

藥宮裁詔與宵分雖在青雲憶白雲待報君恩了歸去山翁何急草移文

禁直寄崔員外

銀臺樓北藥珠宮，與人間路不同。在省五更春睡侶，早來分夢玉堂中。

聞號

陛兵偏近羽林營，夜靜仍傳禁號聲。應笑執金雙闕下，近南猶隔兩重城。

禁直和人飲酒

卉醴陀花物外香，清濃標格勝椒漿。我來尚有釣天會，猶得金尊半日嘗。

下直早出

諸司人盡馬蹄稀，紫帕雲竿九釘歸。偏覺石臺清貴處，勝懸金字射晴暉。

金鑿坡上南望

玉晨鐘韻上一作清虛畫戟祥煙拱一作帝居極眼向南無限地，綠煙深處認中書。

酬隱珪舍人寄紅燭

蜜炬殷紅畫不如，且將歸去照吾廬。今來併得三般事，靈運詩篇逸少書。

馬嵬坡

肅宗回馬楊妃死，雲雨雖亡日月新。終是聖明天子事，景陽宮井又何人。

句

圓明青飢飯光潤碧霞漿見古今詩話 浴殿晴秋倘中謝，殘英猶可醉瓊杯望陵花見海錄碎事

譚銖

譚銖吳人登會昌進士第嘗為蘇州護院官詩二首

題九華山

憶聞九華山尚在童稚年，浮沈任名路窺仰會無緣。罷職池陽時復遭，迎送牽因茲弊誠願囑望枕席前。況值春正濃，氣色無不全。或如碧玉靜，或似青鸞鮮。或接白雲堆，或映紅霞天。呈姿既不一，變態何啻千。魏義本無動崇峻，性豈偏外景。自隱隱潛虛，固幽玄。我來暗凝情，務道志更堅。色與山異性，性併山亦然。境變山不動，性

存形自遷自遷不阻俗自定不失賢浮華與朱紫安可迷心田

真娘墓

武丘山下冢纍纍松柏蕭條盡可悲何事世人偏重色真娘墓上獨題詩

盧嗣立

盧嗣立登會昌進士第詩一首

望九華山

九華深翠落軒楹迴眺澄江氣象明不遇陰霾孤岫隱正當寒日衆峯呈坐觀風雪銷煩思惜別煙嵐駐曉行
得路歸山期早訣夜來潛已告精誠

朱可名

朱可名越州人會昌進士及第終長安令詩一首

應舉日寄兄弟

廢刈鏡湖田上書紫閣前愁人久委地詩道未聞天不是燒金手徒拋釣月船多慚兄弟意不敢問林泉

張良器

張良器會昌進士第詩一首

河出榮光

引派崑山峻朝宗海路長千齡逢聖主五色瑞榮光隱映浮中國晶明助太陽坤維連浩漫天漢接微茫丹闕
清氛裏函關紫氣旁位尊常守伯道秦母呈祥習坎靈逾久居卑德有常龍門如可涉忠信是舟梁

薛能

薛能字太拙汾州人登會昌六年進士第大中末書判中選補整屋尉李福鎮滑表署觀察判官歷御史都官
刑部員外郎福徙西蜀奏以自副咸通中攝嘉州刺史選主客度支刑部郎中權知京兆尹事授工部尚書節
度徐州徒忠武廣明元年徐軍戍激水經許能以舊軍館之城軍懼見襲大將周岌乘衆疑逐能自稱留後

因屠其家能僻于詩日賦一章有集十卷今編詩四卷

新雪八韻一作開
居新雪

大雪滿初晨開門萬象新龍鍾雞未起蕭索我何貧耀若花前境清如物外身細飛斑戶牖乾灑亂松筠正色
凝高嶺隨流助要津鼎消微是一作示津車碾半和塵茶興留詩客瓜情想戍人終篇本無字誰別勝陽春

國學試風化下

霽闕露穹崇含生仰聖聰英明高比日聲教下如風靜發宸居內低來品物中南薰歌自溥北極響皆通蘋末
看無狀人間覺有功因今一作令委泥者觀此志途窮

昇平詞十首樂府作
昇平樂

瑞一作正氣遠宮樓皇居信上一作冠遊遠岡連一作延聖祚平地戴神州會合皆重譯潺湲近八流中興豈假問據此自千秋

寥泚敞延英朝班立位橫宣傳無草動拜舞有衣聲駕瓦霜消濕蟲絲日照明辛勤自不到遙見似前程一作生
處處是一作是歡心一作聲時康歲已深不同三尺劍應似五弦琴壽笑山猶盡明嫌日有陰何當憐一物亦遣斷愁吟

曙質絕埃氛形庭列禁軍聖顏初對日龍尾競綠雲佩響交成韻簾陰暖帶紋逍遙豈有事於此詠南薰
一物至周天洪纖盡晏然車書無異俗甲子並豐年奇技皆歸朴征夫亦服田君王故不有台鼎合韋弦一作賢

日日聽歌謠區中盡祝堯蟲蝗初不害夷狄近全銷史筆惟書瑞天臺絕見妖因令匹夫志轉欲事清朝
品物盡昭蘇神功復帝謨他時應有壽當代且無虞賜曆通遐俗移關入半胡鷓鴣一何幸於此寄微軀

無戰復無私堯時即此時焚香臨極早待月卷簾遲端拱乾坤內何言黠纒垂君看聖明驗只此是神龜
旭日上清宮明堂坐聖聰衣裳承瑞氣冠冕一作見蓋一作重瞳花木經宵露旌旗入一作立仗風何期於此地見說是神工

一作
仙宮

五帝三皇主蕭曹魏邸臣文章惟返朴戈甲盡生塵諫紙應無用朝綱自有倫昇平不可記所見是閑人

送馮溫往河外

琴劍事行裝河關出北方秦音盡河內魏畫自黎陽野日村苗熟秋霜館葉黃風沙問船處應得立清漳

送從兄之太原副使

少載琴書去須知暫佐軍初程見西嶽盡室渡橫汾元日何州住枯風宿館聞都門送行處青紫騎紛紛

送馬戴書記之太原

一曲大河聲全家幾日行從容長約夜差互忽離城鎮北胡沙淺途中霍嶽橫相逢莫已訊一作詩雅句負雄名

送友人出塞

榆關到不可何況出榆關春草臨岐斷邊樓帶日閑人歸穹帳外鳥亂一作廢營間此地堪愁一作秋堪想霜前作意還

送李溟出塞

邊城官尚惡況乃是羈遊別路應相憶離亭更少留黃沙人外濶飛雪馬前稠甚險穹廬宿無為過代州

寄終南隱者

海日東南出應開嶺上扉掃壇花入簪科竹露露衣飯後嫌身重茶中見鳥歸相思愛民一作名者難說與親違

贈隱者

自得高閑性平生向北一作此樓月潭雲影斷山葉雨聲齊庭樹人書匣欄花鳥坐低相留永不忘經宿話丹梯

惜春

花開亦花落時節暗中遷無計延春日可能留少年小叢初散蝶高柳即聞蟬繁豔歸何處滿山啼杜鵑

送人自蘇州之長沙縣官

驅馬復乘流何時發虎丘全家上南嶽一尉事諸侯茶煮朝宗水船停調角州炎方好將息卑濕舊堪憂

早春歸山中舊居

茫茫驅匹馬歸處是荒榛屢跡破庭雪鼠蹤生甑塵開門衝網斷掃葉放苔勻為惜詩情錯應難致此身

麟中一作東寓居寄蒲中友人

蕭條秋雨地獨院阻同羣一夜驚為客多年不見君邊心生落日鄉思羨歸雲更在相思處子規燈下聞

關中送別

一行千里外幾事寸心間才子貧堪歎男兒別是關黃河淹華岳白日照潼關若值鄉人問終軍賤不還

中秋夜寄李溟

滿魄斷埃氛牽吟並舍聞一年唯此夜到晚願無雲待賞從初出看行過二分嚴城亦已閉悔不預期君

贈禪師

夢想青山寺前年住此中夜堂吹竹雨春地落花風舊句師一作僧曾見清齋我亦同浮生蹇莫問辛苦未成功

送禪僧

寒空孤鳥度落日一僧歸近寺路聞梵出郊風滿衣步搖瓶浪起孟夏磬聲微還坐棲禪所荒山月照扉

贈隱者

門前雖一作惟有徑絕向世間行雜草因逢藥移花便得鶯甘貧原一作元是道苦學不為名莫怪蒼髭晚無機任世情

冬日送僧歸吳中舊居一本無舊居二字

去掃冬一作東林下閑持未徧經為山低鑿窟容月廣開庭舊業雲千里生涯水一瓶還應覓新句看雪倚禪扃

恭禧皇太后挽歌詞三首

八月曾殊選三星固異儀祔陵經灞滻歸賸雜華夷旌去題新謚宮存鏤素幃重泉應不恨生見太平時

月落娥兼隱宮空后豈還銜哀窮地界親蒞泣天顏舊住留丹藥一作靈新陵在碧山國人傷莫及應只詠關關

配聖三朝隔靈儀萬姓哀多年好黃老舊日薦賢才道著標彤管宮閑閉綠苔平生六衣在曾著祀高禰

送胡澳下第歸蒲津

無媒甘下一作不飛君子尚麻衣歲月終榮一作榮在家園近且歸山光臨舜廟河氣隔王畿甚積湯原思青青宿麥

肥原注湯原故地

春日閑居

權門多見薄吾道豈終行散地徒憂國良時不在城花繁春正王茶美夢初驚賴有茲文在猶堪暢此生

題逃戶

幾世曹一作市農桑凶年竟失鄉朽關生濕菌傾屋照斜陽雨水淹殘白葵花壓倒牆明時豈致此應自負蒼蒼

郊居答客

傍舍蟲聲滿殘秋宿雨村遠勞才一作子騎光一作先顧野人門敗葉盤空蔓彫叢露暗根相攜未盡語一作語未盡川月照

黃昏

早春歸山中舊居一作寓居有懷王舊知

綠草閑閑院悄然花正開新年人未去戊日燕還來
兩地殘枯沐燈窗積舊煤歸田語不忘樽散料非才

下第後春日長安寓居三首

一榜盡精選此身猶陸沈自無功讜分敢抱怨尤心
暖陌開花氣春居閉日陰相知豈不有知淺未知深

暫屈固何恨所憂無此時隔年空仰望臨日又參差
勞力且成病壯心能不衰猶將琢磨意更欲候宗師

關東歸不得豈是愛他鄉草碧餘花落春關白日長
全家期聖澤半路敢農桑獨立應無侶浮生欲自傷

春早選寓長安二首

疎拙自沈昏長安豈是村春非閑客事花在五侯門
道僻惟憂禍詩深不敢論揚雄若有薦君聖合承恩

舊論已浮海此心猶滯秦上僚如報國公道豈無人
巖隱懸溪瀑城居入榻塵漁舟即擬去不待晚年身

送進士一本無送字許崇下第東歸

長安那不住西笑又東行若以貧無計何因一作事有成雲峰天外出江色草中明謾忝相於一作知分吾言世甚輕

詠鳥

孤鳥一作鳥如江上詩家猶一作獨閉門一池分倒影空舸繫荒根
煙濕高吟石雲生偶坐痕登臨有新句公退與誰論

冬日寫懷一作寫懷

幕府盡平蠻客留戎閫間急流霜夾水輕露日連山
設醴徒慙楚為郎未姓顏斯文苦不勝會擬老民間

和楊中丞早春即事

貴宅登臨地春來見物華遠江橋外色繁杏竹邊花
成客烽樓迴文君酒幔斜新題好不極珠府未窮奢

聞官軍破吉浪戎小而固慮史氏遺忽因記為二章

一戰便抽兵蠻孤吉浪平通連無舊穴要害有新城
晝卒烽前寢春農界上耕高樓一擬一作疑望新雨劔南清

瀘水斷鷲氛妖巢已自焚漢江無敵國蠻物在迴軍
越窩通遊國一作客苴咩閉聚蚊空餘羅鳳曲哀思滿邊雲

寒食有懷

流落傷寒食登臨望歲華村毬高過索墳樹綠和花晉聚應搜火秦喧定走車誰知恨榆一作楊柳風景似吾家

綿一作錦樓

溪邊人浣紗樓下海棠花極望雖懷土多情擬置家前山應象外此地已天涯未有銷憂賦梁王禮欲奢

雕堂

丈室久多病小園晴獨遊鳴蛩孤燭雨啁雀一籬秋聖主恩難謝生靈志亦憂他年誰識我心跡在徐州

贈歌人

溫煥坐相侵羅襦一水沈拜深知有意令背不無心近住應名玉前生約一作的姓陰東山期已定相許便抽簪

柘枝詞三首

樂府詩集題作柘枝詞

同營三十萬震鼓伐西羌戰血黏秋草征塵攪夕陽歸來人不識帝里獨戎裝

懸軍征拓羯內地隔蕭關日色崑崙上風聲朔漠間何當千萬騎颯颯貳師還

意氣成功日春風起絮天樓臺新邸第歌舞小嬋娟急破摧搖曳羅衫半脫肩

詠柳花

浮生失意頻起絮又飄淪發自誰家樹飛來獨院春朝容繁斷砌晴影過諸鄰亂掩宮一作空中蝶一作蝶蜂一作蜂衝陌上人

隨波應到海露雨或依塵會向慈恩日輕輕對此身

一葉落

輕葉獨悠悠天高片影流隨風來此地何樹落先秋變色黃應近辭林綠尚稠無雙浮水面孤絕落關頭乍減

誠難覺將凋勢未休客心空自比誰肯問新愁

行路難

何處力堪殫人心險萬端藏山難測度暗水自波瀾對面如千里迴腸似七盤已經吳坂困欲向鴈門難南北

誠一作誠須泣高深不可干無因善行止車轍得平安

蔡州蔣亭

草徑徹林間過橋如入山蔡侯添水樹蔣氏本柴關靜汎窮幽趣驚飛濕醉顏恨無優俸買來得暫時閑步與

招提接舟臨夕照還春風應不到前想負花灣

戲題

閃閃動鳴璫初來燭影傍擁頭珠翠重紫步綺羅長靜發歌如磬連飄氣覺香不言微有笑多媚總無妝坐缺初離席簾垂却入房思惟不是夢此會勝高唐

酬曹侍御見寄

儒道苦不勝邇來惟慕禪觸途非巧者於世分沈然要地羞難入閑居鈍更便清和挑菜食閑寂閉花眠累遣期拋俸機忘怕與權妨春愁筦榷響夜憶林泉匪石從遭刑殊膏枉被煎討論唯子厚藏退合吾先舊製羣英伏來章六義全休旬一擬和鄉思亂情田

送趙道士歸天目舊山

愚朴尚公平此心鄰道情有緣終自鄙何計逐師行日者聞高躅時人蓋強名口無滋味入身有羽儀生奏乞還鄉遠一作速詩曾對御成土毛珍一作微到越塵髮倦離京符叱一作况風雷惡朝脩月露清觀臨天目頂一作秀家住海潮聲道引圖看足參同注解精休糧一擬問窗一作忽草俟回程

除夜作

和吹度宵旻虛徐接建寅不辭加一歲唯喜到三春燎照雲煙好幡懸井邑新禎祥應北極調變驗平津樹欲含遲日山將退舊塵蘭萎殘此夜竹爆和諸鄰祝壽思明聖驅儻看鬼神團圓多少輩眠寢獨勞筋茜旆猶雙節雕盤又五辛何當平賊後歸作自由身

桃花

香色一作秀自天種一作鐘千年豈易逢開齊全未落繁極欲相重冷濕朝如淡晴乾午更濃風光新社燕時節舊春農籬落歌臨竹亭臺盛間松亂綠堪羨蟻深入不如蜂有影宜暄煦無言自治容洞連非俗世溪靜一作盡接仙蹤子熟河應變根盤土已封西王潛愛惜東朔盜過從醉席眠英好題詩戀景慵芳菲聊一望何必在臨邛

黃河

何處發崑崙連乾復浸坤波渾經鴈塞聲振自龍門岸裂新衝勢灘餘舊落痕橫溝通海上遠色盡山根勇逗

三峰坵雄標四瀆尊灣中秋景樹澗外夕陽村沫亂知魚响槎來見鳥蹲飛沙當白日疑霧接黃昏潤可資農
畝清能表帝恩雨吟堪極目風度想驚魂顯瑞龜曾出陰靈伯固存盤渦寒漸急淺瀨暑微溫九曲終柔勝常
流可暗吞人間無博望誰復到窮源

華嶽

簇簇復亭亭三峰卓杳冥每思窮本末應合記圖經發地連宮觀衝天接井星河微臨巨勢秦重載奇形太古
朝羣后中央擘巨靈鄰州猶映檻幾縣恰當庭鶴毳壇風亂龍祭洞水腥望遙通北極上徹見東溟客翫晴難
偶農析雨必零度關無暑氣過路得愁醒羽客時應見霜猿夜可聽頂懸飛瀑峻崦合白雲青混石猜良玉尋
苗得茯苓從官知一作側近悉俸致巖高

秋雨

第二十二句缺一字

宿雨覺纔初亭林忽復徐簇聲諸樹密懸滴四簷疎省漏疑方丈愁炊問斗儲步難多入屐窗淺欲飄書動蠹
蒼苔靜藏蠶落葉虛吹交來翕習雷慢歌躊躇滯已妨行路晴應好荷鋤醉樓思蜀客鯉市想淮魚逕草因緣
合欄花自此除有形皆霹靂無地不汗瀦境晦宜甘寢風清退居我魂驚曉簟鄰話喜秋蔬既用功成歲旋
應慘變舒倉箱足可恃歸去傲吾廬

春色滿皇州

一作滕漢詩

藹藹復悠悠春歸十二樓最明雲裏闕先滿日邊州色媚青門外光搖紫陌頭上林榮舊樹太液鏡一作新流暖
帶祥煙起清一作晴添喘景浮陽和如啓蟄從此事芳遊

寄唁張喬喻坦之

何事盡參差惜哉吾子詩日令銷此道天亦負明時有路當重振無門即不知何當見堯日相與啜澆漓

贈僧

盡日行方到何年獨此林客歸惟鶴伴人少似師心坐石落松子禪牀搖竹陰山靈怕驚定不遣夜猿吟

春日旅舍書懷

出去歸來旅食人麻衣長帶幾坊塵開門草色朝無客落案燈花夜一身貧舍臥多消永日故園鷺一作老憶殘春蹉跎冠蓋誰相念二十年中盡苦辛

秋日將離滑臺酬一作所知二首

身起中宵骨亦驚一分年少已無成松吹竹簟朝眠冷雨濕蔬飡宿疾生僅汲野泉兼上味馬磨霜樹作秋聲相知莫話詩心苦未似前賢取得名

燈澀秋光靜不眠葉聲身一作影客窗前閉園露濕鳴蛩夜急雨風吹落木天城見遠山應北嶽野多空地本南

燕明朝欲別忘形處愁把離杯聽管弦

下第後夷門乘舟至永城驛題

秋賦春還計盡違自知身是拙求知唯思曠海為一作休處一作忽一作喜孤舟似去時連浦一作一城一作兼汴宋夾堤千柳雜唐隋從來此恨皆前達敢負吾君作楚辭

○秋夜旅舍寓懷

庭鎖荒蕪獨夜吟西風吹動故山一作心三秋木落半年客滿地月明何處砧漁唱亂沿汀鷺合鴈聲寒咽隴雲深平生只有松堪對露浥霜欺不受侵

洛下寓懷

胡為遭遇孰為官朝野君親各自歡敢向官途爭虎首尚嫌身累愛猪肝冰霜谷口晨樵遠星火爐邊夜坐寒唯有報恩心未剖退居猶欲佩芟蘭

題平湖

平湖湖畔雨晴新南北東西不隔塵映野煙波浮動日損花風雨寂寥春山無俗路藏高士岸泊仙舟憶主人那得載來都未保此心離此甚情親

平陽寓懷

晉國風流阻一作泗川家家弦管路岐邊曾為郡職隨分竹亦作歌詞乞採蓮北榭遠峰閑即望西湖殘景醉常眠牆花此日休迴避不是當時惡少年

留題汾上舊居

鄉園一別五年歸，回首人間總禍機。尚勝鄰翁常寂寞，敢嫌裘馬未輕肥。塵顏不見應消落，庭樹曾栽已合圍。難說累牽還却去，可憐榆柳尚依依。

懷汾上舊居

素汾千載傍吾家，常憶衡門對沅紗。好事喜逢投宿客，刈田因得自生瓜。山頭鼓笛陰沈廟，陌上新蒸突兀車。投暗作珠何所用，被人專擬害靈蛇。

送同儒大德歸柏梯寺

柏梯還擬謝微官，遙擬千峰送法蘭。行徑未曾青石斷，拂牀終有白雲殘。京塵濯後三衣潔，山舍禪初萬象安。薇蕨縱多師莫踏，我心猶欲盡一作畫圖看。

春日使府寓懷二首

一想流年百事驚，已拋漁父戴塵纓。青春背我堂堂去，白髮欺人故故生。道困古來應有分，詩傳身後亦何榮。誰憐一作言合負清朝力，獨把風騷破鄭聲。

平生無解亦無操，永日書生坐獨勞。唯覺宦情如水薄，不知人事有山高。孤心好直連猶強，病髮慵梳癢更搔。何事故溪歸未得，幾拋清淺汎紅桃。

許州題德星亭

漢作漢水南流東有堤，堤邊亭是武陵溪。槎松配石堪僧坐，藥杏含春欲鳥啼。高樹月生滄海外，遠郊山在夕陽西。頻來不似軍從事，只戴紗巾曳杖藜。

送人歸上黨時潞寇初平

燕臺基壞穴狐蛇，計拙因循歲月賒。兵革未銷王在鎬，桑蠶臨熟客還家。霏微對岸漳邊雨，堆阜鄰壇薊北沙。若到長平戰場地，為求遺鏃辟魔邪。

春日重遊平湖

湖上春風發管弦，須臨三十此離筵。離人忽有重來日，遊女初非舊少年。官職已辜疲瘵望，詩名空被後生傳。

啼鶯莫惜蹉跎恨，闕事聽吟一兩篇。

并州

少年流落在并州，裘脫文君取次遊。攜挈共過芳草渡，登臨齊凭綠楊樓。庭前蛺蝶春方好，牀上檮蒲宿未收。坊號偃松人在否，餅爐南畔曲西頭。

相國隴西公南征能以留務獨宿府城作

吾君賢相事南征，獨宿軍廚負請纓。燈室臥孤如怨別，月階簪草似臨行。高墉撼鐸思巴校，老木嗥風念野營。殊憶好僧招不及，夜來倉卒鏢嚴城。

早春書事

百蠻降伏委三秦，錦里風迴歲已新。渠濫水泉花巷濕，日銷冰雪柳營春。何年道勝蘇羣物，盡室天涯是旅人。焚却蜀書宜不讀，武侯無可律余身。

春日書懷

伯牙琴絕豈求知，往往情牽自有詩。壠月正當寒食夜，春陰初過海棠時。耽書未必酬良相，斷酒唯堪作老師。多病不任衣更薄，東風臺上莫相吹。

投杜舍人

牀上新詩詔草和，欄邊清酒落花多。閒消白日舍人宿，夢覺紫薇山鳥過。春刻幾分添禁漏，夏桐一作陰初葉滿庭柯。風騷委地苦無主，此事聖君終若何。

獻僕射相公

清如冰雪一作玉重如山，百辟嚴趨禮絕攀。強虜外聞應喪一作須破，膽平人相見盡開顏。朝廷有道青春好，門館無私白日閑。致却垂衣更何事，幾多詩句詠一作定關關。

上鹽鐵尚書時太廟宿齋

南宮環雉隔鶯塵，況值清齋宿大臣。城絕鼓鐘更點後，雨涼煙樹月華新。簷前漱曉宮蒼碧，庭下眠秋沆瀣津。聞說務閑心更靜，此時憂國合求人。

漢南春望

獨尋春色上高臺。三月皇州駕未回。幾處松筠燒後死。誰家桃李亂中開。奸邪用法原非法。唱和求才不是才。自古浮雲蔽白日。洗天風雨幾時來。

晚春

惡憐風景極交親。每恨年年作瘦人。臥晚不曾拋好夜。情多唯欲哭殘春。陰成杏葉纔通日。雨著楊花已汗塵。無限後期知有在。只愁煩一作作總戎身。

將赴鎮過太康縣有題

纔入東郊便太康。自聽何暮豈龔黃。晴村透日桑榆影。曉露濕秋禾黍香。十萬旌旗移巨鎮。幾多一作三輓輓負孤莊。時人欲識征東將。看取櫬槍落太一作荒大荒。

彭門解嘲二首

嗚嗚吹角貳師營。落日身閑笑傲行。盡覺文章尊萬事。却嫌官職刺雙旌。終休未擬降低屈。忽遇一作還須致太平。頓上一作向水樓誰會我。泗濱浮磬是一作好同聲。

傷禽栖後意猶驚。偶向鷓鴣竿脫此生。身外不思簪組事。耳中唯要管弦聲。耽吟乍可妨時務。淺飲無因致宿醒。秦客莫嘲瓜戍遠。水風瀟灑是彭城。

清河汎舟

都人層立似山丘。坐嘯將軍擁權遊。遠郭煙波浮泗水。一船絲竹載涼州。城中覩望皆丹腹。旗裏驚飛盡白鷗。儒將不須誇郟穀。未聞詩句解風流。

新竹

柳營茅土倦轟材。因向山家乞翠栽。清露便教一作從終夜滴。好風疑是一作自故園來。攔邊匠去朱猶濕。漑一作培後蟲浮穴。暗開他日會。應感威鳳至。莫辭公府受塵埃。

晚春

征東留滯一年年。又向軍前遇火前。畫出鷓鴣舟宜被。襖鏤成雞卵有鞦韆。澄明煙水孤城立。狼籍風花落日眠。

賴指清和櫻筍熟不然愁殺暮春天

題彭祖樓

新晴天狀濕融融徐國灘聲上下洪極目澄鮮無限景入懷輕好可憐風身防潦倒師彭祖妓擁登臨媿謝公
誰致此樓潛惠我萬家殘照在河東

漢廟祈雨回陽春亭有懷

南榮軒檻接城闈適罷祈農此訪春九九已從南至盡芊芊初傍北籬新池中水是前秋雨陌上風驚自古塵
欲召羅敷傾一盞乘閒言語不容人

送李倍秀才

南朝才子尚途窮畢竟應須問葉公書劔伴身離泗上雪風吹面立船中家園棗熟歸圭竇會府槐疎試射弓
相顧日偏留不得夜深聊欲一柘同

重遊德星亭感事

潁水川中枕水臺當時難別此重來舟沈土岸生新草詩映紗籠有薄埃事繁興亡人少到地當今古我遲迴
殘陽照樹明於旭猶向池邊把酒杯

許州題觀察判官廳

三載從戎類繫匏重遊全許尚分茅劉郎別後無遺履丁令歸來有舊巢冬暖井梧多未落夜寒窗竹自相敲
纖腰弟子知千恨笑與揚雄作解嘲

閒題

龍鎮彭門時博劉巨容周交俱在座
下後各領重鎮兼端按故作此詩

八年藩翰似僑居只此誰知報玉除舊將已成三僕射老身猶是六尚書時丁厚誥終無咎道致中興尚有餘
為問春風誰是主空催弱柳擬何如

送福建李大夫

洛州良牧帥甌閩曾是西垣作諫臣紅旆已勝前尹正尺書猶帶舊絲綸秋來海有幽都鴈船到城添外國人
行過小藩應大笑只知誇近不知貧

送李倍巡官歸永樂舊居

羨君歸去一作處五峰前往往星河實見仙
麥壠夏枯成廢地棗枝秋赤近高天
山泉飲續流多變村酒經蠶味可憐
曾約道門終老一作却住步虛聲裏寄閑眠

贈歌者

一字新聲一顆珠轉喉疑是擊珊瑚
聽時坐部音中有唱後櫻花葉裏無
漢浦茂聞虛解佩臨邛焉用枉當壚
誰人得向青樓宿便是仙郎不是夫一作虛

舞者

綠毛釵動小相思一唱南軒日午時
慢鞞輕裾行欲近待調諸曲起來遲
筵停匕筋無非聽吻帶宮商盡是詞
為問傾城年幾許更勝瓊樹是瓊枝

天際識歸舟

斜日滿江樓天涯照背流
同人在何處遠目認孤舟
帆省當時席歌聲舊日謳
人浮津濟晚權倚汶寥秋
晴澗忻全見歸遲怪久遊
離居意無限貪此望難休

和曹侍御除夜有懷

有病無媒客多慵亦太疎
自憐成叔夜誰與薦相如
嗜退思年老諳空笑歲除
跡闕過寺宿頭爎近階
梳春立窮冬後陽生舊物
初葉多庭不掃根在逕
新鋤田事終歸彼心情
倦老於斲材須見像藏
劔豈為魚效淺慙尹祿
恩多負辟書驕知必擬
共勿使浪躊躇

華清宮和杜舍人一作張祐詩一作趙嘏詩

五十年天子離宮仰峻一作舊粉牆登封時正泰御宇一作初何長上位先名實中興事憲章起一作衆戎輕甲冑餘地復一作取
河湟道降玄元祖儒封孔子王因緣百司署聚會一人湯渭水波搖綠秦山一作郊草半黃馬馴金勒細鷹健玉鈴一作
鏘一作馬頭開夜照鷹眼利星芒下箭朱方滿鳴鞭皓腕攘攸思獲呂望諫祇避周昌兔跡貪前逐梟心不早防幾添鸚鵡勸先一作
賜荔枝嘗月鎖千門靜天吹一作高一笛涼細音搖羽佩輕步宛霓裳禍亂基一作根潛結昇平意遽忘衣冠逃犬虜輦
鼓動漁陽外戚心殊迫中原事可量血一作雪埋妃子豔一作刃斲祿兒腸近侍煙塵隔前蹤輦路荒益知迷寵伎遺

唯恨喪賢一作忠良北闕尊明主南宮遜上皇禁清餘鳳吹池冷睡一作映龍光祝壽山猶在流年水共傷杜鵑魂厭蜀
蝴蝶夢悲莊雀卵遺雕棋蟲絲罨畫梁紫苔侵壁潤紅樹閉門芳守吏齊駕瓦耕民得翠璫登年一作歡康昔舖時樂
講武舊兵塲暮一作春草深巖翠一作露幽花墜逕香不堪垂白叟行折御溝楊

送浙東王大夫

天爵擅忠貞皇恩復寵榮遠源過晉史甲族本緱笙亞相兼尤美周行歷盡清制除天近曉衙謝草初生賓客
招閑地戎裝擁上京九街一作衢鳴玉勒一宅照紅旌細雨當離席遙花顯去程佩刀畿甸色歌吹館橋聲驤裏從
秦賜餘艗到汴迎步沙逢霽月宿岸致嚴更渤澥流東鄙天台壓屬城衆談稱重鎮公意念疲忙井邑曾多難
瘡痍此未平察應均賦歛逃必復桑耕隼重權兼帥置雄設有兵越臺隨厚俸剡硯得尤名近相傳擢
熟紙名種夜蠟一作獵州
中宴春風部外行香奩局鳳詔朱篆動一作進龍坑報後功何患投虛論素精徵還真指掌感激自關一作開情舊業懷
昏作微班負旦評空餘騷雅事千古傲劉楨

送李殷遊京西

立馬送君地黯然愁到身萬途皆有匠六義獨無人莫怪敢言一作言如此已能甘世貧時來貴亦在事是掩何因投
刺皆羈旅遊邊更苦辛岐山終蜀境涇水復蠻塵埋沒食須強炎蒸一作涼醉莫頻俗徒欺合得吾道死終新展分
先難許論詩永共親歸京稍作意充斥犯西鄰

長安送友人之黔一作南

衡嶽猶云過君家獨幾千心從賤遊話分向禁城偏陸路終何處三湘在素船琴書去迢遞星路照潺湲臺鏡
簪秋晚盤蔬飯雨天同文到鄉盡殊國共行連後會應多日歸程自一年貧交水無忘孤進合相憐

寄李頻

長安千萬蹊迷者自多迷直性身難達良時日易低環簷消暑雪晴氣滿春泥那得同君去逢峰苦愛齊

贈苗端公二首

繁總近何如君才必有餘身歡步兵酒吏寫魯連書坐默聞鼙吹庭班見雪初沈碑若果去一為訪鄰居
至老不相疎斯言不是虛兩心宜一體同舍又鄰居曉角秋砧外清雲白月初從軍何有用未造魯連書

寄河南鄭侍郎一作郎中

三峽一作二峽與三壕門闌夢去勞細冰和洛水初雪灑嵩高大雅何由接微榮亦已逃寒窗不可寐風地葉蕭騷

蒙恩除侍御史行次華州寄蔣相

林下天書起遁逃不堪移疾入塵勞黃河近岸陰風急仙掌臨關旭日高行野衆喧聞鴈發宿亭孤寂有狼嗥荀家位極兼禪理應笑埋輪著所操

寄唐州楊郎中

關雎憔悴一儒生忽把魚鬚事聖明貧得俸錢還乍喜晚登朝序却無榮前年坐蜀同樽俎此日邊淮獨旆旌班列道孤君不見曲江春暖共僧行

塞上蒙汝州任中丞寄書

三省推賢兩掖才關東深許稍遲迴舟浮汝水通淮去兩出嵩峰到郡來投札轉京憂不遠枉緘經虜喜初開西樓一望知無極更與何人把酒杯

題鹽鐵李尚書澶州別業

鹿原陰面澶州濱坐覺林泉逼夢思閑景院開花落後濕香風好雨來時鄰驚麥野聞雉別創茅亭住老師備足好中還有關許昌軍裏李陵詩

送劉駕歸京

相逢聽一吟惟我不降心在世憂何事前生得至音蒲多南去遠汾盡北遊深為宿關亭日蒼蒼曉欲臨

夏日寺中有懷

亭午四鄰睡院中唯鳥鳴當門塞鴻去敬枕世人情地燥蒼苔裂天涼晚月生歸家豈不願辛苦未知名

夏日蒲津寺居二首

日日開車馬誰來訪此身一門兼鶴靜四院與僧鄰兩室牆穿溜風窗筆染塵一作空餘氣長在天子用平人故國有如一一作餘夢省來長遠遊清晨起闌院疎雨似深秋宿寢書稜疊行吟杖跡稠天晴豈能出春暖未更裘

北都題崇福寺寺即高祖舊宅

此地潛龍寺何基卽帝臺細花庭樹陰清氣殿門開長老多相識旬休暫一來空空亦擬解干進幸無媒

題龍興寺

高户列禪房松門到上方像開祇樹嶺人施蜀城香地遍磷磷石江移子子檣林僧語不盡身役後事梁王

題大雲寺西閣

閣臨偏險寺當山獨坐西城笑滿顏四野有歌行路樂五營無戰射堂閑擊和調角秋空外砧辦征衣落照間方擬殺身酬聖主敢於高處戀鄉關

舟行至平羌

隴虎直沙孺巖更護早眠簇霜孤驛樹落日下江船暫去非吳起終休愛魯連平羌無一術候吏莫加箋

題開元寺閣

一閣見一郡亂流仍亂山未能終日住尤愛暫時閑唱權吳門去啼林杜宇還高僧不可羨西景掩一作禪關

凌雲寺

像閣與山齊何人致石一作梯萬煙生聚落一崦露招提齊一作月人來上殘陽鴿去栖從邊亦已極烽火是沈黎

石堂溪

三面接一作漁樵前門向郡橋岸沙崩橘樹山逕入茶苗夜擁軍煙合春浮妓舸遠此心無與醉花影莫相燒

荔枝樓

高檻起邊愁荔枝誰致樓會須教匠坼不欲見蠻阪樹痺無春影天連覺漢流仲宣如可擬卽此是荊州

聖岡

古跡是何王平身入石房遠村通後逕一郡隔前岡晝靜唯禪客春來有女郎獨醒迴不得無事可焚香

蜀州鄭史一作君寄鳥背茶因以贈答八韻

鳥背擷渾牙精靈勝鑊鄧烹嘗方帶酒滋味更無茶拒碾乾聲細撐封利穎斜銜蘆齊勁實啄木聚菁華鹽損添常誠蓋宜著更誇得來拋道藥攜去就僧家旋覺前甌淺還愁後信賒干慙故人意此惠敵丹砂

暇日寓懷寄朝中親友

第六句
缺一字

命與才違豈自由我身何負我身愁臨生白髮方監郡遙恥青衣懶上樓郡南有
青衣山過客悶嫌疎妓樂小兒慈愛
貔貅閑吟一寄清朝侶未必淮陰不拜侯

春日寓懷

幽拙未謀身無端患不均盜憎猶念物花盡不知春井邑常多弊江山豈有神捷為何處在一擬弔埋輪

監郡捷為舟中寓題寄同舍

一寢閑身萬事空任天教作假文翁旗穿島樹孤舟上家在山亭每日中壘果盤殮丹橘地若一作
若花牀席早梅
風佳期說盡君應笑劉表尊前且不同

江柳

條綠似垂纓離筵日照輕向人雖有態傷我為無情橋遠孤臨水牆低半出營天津曾此見亦是愴行行

寄吉諫議

將迎須學返抽身合致蹉跎敢效頌性靜擬歸無上士跡疎常負有情人終憑二頃謀婚嫁謬著千篇斷斧斤
閒說舊交賢且達欲彈章甫自羞貧

江上寄情

天際歸舟浩蕩中我關王澤道何窮未為時彥徒經國尚有邊兵恥佐戎釀黍氣香村欲社斫桑春盡野無風
年來斷定知休處一樹繁花一畝宮

平蓋觀

巨柏與山高玄門靜有猿春風開野杏落日照江濤白壁心難說青雲世未遭天涯望不極誰識詠離騷

春霽

久客孤舟上天涯激曉津野芳禮似柳江霽雪和春吏叫能驚鷺官廳實害身何當窮蜀境却憶滯遊人

春居即事

雲密露晨暉西園獨掩扉雨新臨斷火春冷著單衣榆莢奔風健蘭芽負土肥交親不是變自作寄書稀

邊城寓題

孤蹇復飄零天涯若墮螢東風吹痛疾暖日極青冥
歸農醉漁舟釣客醒論邦苦不早祇此負王庭

春日江居寓懷

歸興乍離邊蘭橈復錦川斫春槎枿樹消雪土膏田岸暖
尋新菜舟寒著舊綿臨邛若箇是欲向酒家眠

邊城作

行止象分符監州是戲僑管排蠻戶遠出箐鳥巢孤
蜀人謂稅為排北向秦何在南來蜀已無懷沙悔不及只有使

乘桴

聞李夷遇下第東歸因以寄贈

囊中書是居山寫海畔家貧一作類乞食還吾子莫愁登第晚
古人惟愛賤遊閑舟行散適江亭上郡宴歌吟蠟燭

間從此樂章休叙戰漢兵無陣亦無蠻

留題

茶與復詩心一甌還一吟歷春甘蔗冷喧雨荔枝深驟去無遺恨
幽樓已徧尋蛾眉不可到高處望千岑

春日北歸舟中有懷

盡日遶盤殮歸舟向蜀門兩乾楊柳渡山熱杏花村淨鏡空山
一作江曉孤燈極浦昏邊城不是意迴首未終恩

初發嘉州寓題

勞我是健為南征又北移唯聞杜鵑夜不見海棠時在閣曾無負
含靈合有一作見知州人若愛樹莫損召南詩

題漢州西湖

西湖天下名可以濯吾纓況是攜家賞從妨半驛程嘗茶春味渴
斷酒晚懷清盡得幽人趣猶嫌守吏迎重滄

達角暮百事喜詩成坐阻湘江謫誰為話政聲
前安撫副使曾以此賦詩尋自南宮有湘潭之命因以吟歎

自廣漢遊三學山

殘陽終日望樓賢歸路攜家得訪禪世缺一來應薄命兩留三宿是前緣
詩題不忍離巖下屐齒難忘在水邊

猿鳥可知僧可會此心常似有香煙

三學山開照寺

盡室徧相將中方上下方夜深楠樹遠春氣陌一作林香聖跡留巖險靈燈出混茫何因將慧劍割愛事空王

雨霽北歸留題三學山

遠樹平川半夕陽錦城遙辨立危牆閑思勝事多遺恨却悔公心是謾忙灌口關尋愁遠客峨嵋乖約負支郎

靈龕一望終何得謬有人情滿蜀鄉

行次靈龕驛寄西蜀尚書

北客推車指蜀門乾陽知己近臨坤太原府有乾陽門尚書自北都還蜀從辭府郭常迴首欲別封疆更感恩援寡聖朝難望闕暑催

蠶麥得歸村雷公解廝衝天氣白日何辜遣戴盆

雨霽宿望喜驛

風雷一罷思何清江水依然浩浩聲飛鳥旋生啼鳥在後人常似古人情將來道路終須達過去山川實不平

閑想更逢知舊否館前楊柳種初成

籌筆驛

葛相終宜馬革還未開天意便開山生歎仲達徒增氣死見王陽合厚顏流運有功終是擾陰符多術得非姦

當初若欲酬三顧何不無為似有鯨

通仙洞

高龕險欲摧百尺洞門開白日仙何在清風客暫來臨崖松直上避石水低迴賈棟曾空去題詩豈易哉

嘉陵驛見賈島舊題

賈子命堪悲唐人獨解詩左遷今已矣清絕更無之畢竟吾猶許商量眾莫疑嘉陵四十字一一是天資

嘉陵驛

江濤千疊閣千層銜尾相隨盡室登稠樹蔽山聞杜宇午煙薰日食嘉陵頻題石上程多破暫歇泉邊起不能

如此幸非名利切益州來日合攜僧

嘉陵驛

盡室可招魂，鑿餘出蜀門。電涼隨雨氣，江熱傍山根。蠶月綠絲路，農時碌碡村。干將磨欲盡，無位可酬恩。

西縣途中二十韻

野客誤桑麻，從軍帶鐵鉞。豈論之白帝，未合過黃花。落日投江縣，征塵漱齒牙。蜀音連井絡，秦分隔褒斜。硤路商逢使，山郵雀啣蛇。憶歸臨角黍，良遇得新瓜。食久庭陰轉，行多屐齒窪。氣清巖下瀑，煙漫雨餘畬。黃鳥當蠶候，稀蒿雜麥查。汗涼風似雪，漿度蜜如沙。野色生肥芋，鄉儀擣散茶。梯航經杜宇，烽候徹苴咩。逗石流何險，通關運固賒。葛侯真竭澤，劉主合亡家。陷彼貪功吠，貽爲黷武誇。陣圖誰許可，廟貌我揄揶。閑事休徵漢，斯行且詠巴。音繁來有鐸，軌盡去無車。溢目看風景，清懷嘯月華。焰樵烹紫筍，腰篋憩烏紗。杞國憂尋悟，臨邛渴自加。移文莫有誚，必不滯天涯。

西縣作

三年西蜀去如沈，西縣西來出萬岑。樹石向聞清漢浪，水風初見綠萍陰。平郊不愛行增氣，好井無疑漱入心。從此漸知光景異，錦都迴首盡愁吟。

分水嶺望靈寶峰

千尋萬仞峰，靈寶號何從。成立同吾道，貪程阻聖蹤。嶺奇應有藥，壁峭盡無松。那得休干是，蹉跎亦臥龍。

水簾吟

萬滴相隨萬響兼，路塵天產盡芴霑。源從顛氣何因絕，派助前溪豈覺添。豪客每來清夏葛，愁人才見認秋簷。嘉名已極終難稱，別是風流不是簾。

褒斜道中

十驛褒斜到處慵，眼前常似接靈蹤。江遙旋入芴來水，山豁猶藏向後峰。鳥徑惡時應立虎，畬田閑日自燒松。行吟却笑公車役，一作使夜發星馳半不逢。

褒城驛有故元相公舊題詩因仰歎而作

鄂相頃題應好池，題云萬竹與千黎。我來已變當初地，前過應無繼此詩。敢歎臨行殊舊境，惟愁後事劣今時。閑吟四壁堪搔首，頻見青蘋白鷺鷺。

題褒城驛池

池館通秦檻向衢舊聞佳賞此踟躕清涼不散亭猶在事力何銷舫已無釣客坐風臨島嶼牧牛當雨食菰蒲
西川吟吏偏思葦只恐歸尋水亦枯

送崔學士赴東川

羽人仙籍冠浮丘欲作鄮侯且蜀侯導騎已多行劍閣親軍全到近綿州文翁勸學人應戀魏絳和戎戍自休
唯有夜鐘懽莫厭廟堂他日少閑遊

海棠
并序

蜀海棠有聞而詩無聞杜子美于斯興象靡出沒而有懷天之厚余謹不敢讓風雅盡在蜀矣吾其庶幾
酷烈復難披玄功莫我知青苔浮落處暮柳間開時帶醉遊人插連陰被叟移晨前清露濕晏後惡風吹香少
傳何許妍多畫半遺烏蘇連水脉庭綻粒松枝偶汎因沈硯開飄欲亂基逸山生玉壘和郡徧坤維負賞慙休
飲牽吟分失飢明年應不見留此贈巴兒

詠夾漈菊

夾漈盡黃英不通人竝行幾曾相對綻元自兩行生叢比高低等香連左右并畔搖風勢斷中央日華明間隔
蛩吟隔交橫蝶亂橫頻應泛桑落摘處近前楹

碧鮮亭春題竹

竹少竹更重碧鮮一作碧疆一作更一作更有欄常凭立無徑獨穿行夕月陰何費春風葉盡輕已聞圖畫客兼寫薛先生

竹逕

盤逕入依依旋驚幽鳥飛尋多苔色古踏碎籜聲微鞭節橫妨戶枝梢一作動拂衣前溪聞到處應接釣魚磯

新柳

輕輕須重不須輕衆木難成獨早成柔性定勝剛性立一枝還引萬枝生天鍾和氣元無力時遇風光別有情
誰道少逢知已用將軍因此建雄名

牡丹四首

異色稟陶甄常疑王者偏衆芳殊不類一笑獨奢妍
折羞含嫩蕊虛隱陷圓亞心堆勝被美色豔於蓮品格
如寒食精光似少年種堪收子子價合易賢賢迴秀應無妬奇香稱有仙
深陰宜映幕富貴助開筵蜀水爭能染巫山未可憐
數難忘次第立困戀傍邊逐日愁風雨和星祝夜天且從留盡賞離此便歸田

萬朶照初筵狂遊憶少年晚光如曲水顏色似西川
白向庚辛受朱從造化研衆開成伴侶相笑極神仙見焰
寧勞火聞香不帶煙自高輕月桂非偶賤池蓮影接彫盤動
藂遭惡草偏招歡憂事阻就臥覺情牽四面宜綈錦當頭稱管絃
泊來鶯定憶粉擾蝶何顛蘇息承朝露滋榮仰霽天壓欄多盡好
敵國貴宜然未落須迷醉因茲任病纏人誰知極物空負感麟篇

去年零落暮春時淚濕紅牋怨別離常恐便隨巫峽散何因重有武陵期
傳情每向馨香得不語還應彼此知欲就一作是欄邊安枕席夜深開共說相思

牡丹愁爲牡丹飢自惜多情欲瘦羸濃豔冷香初蓋後好風乾雨正開時
吟蜂遍坐無閑蕊醉客曾偷有折枝京國別來誰占翫此花光景屬吾詩

使院栽葦

夏夏復差差一叢千萬枝格如僧住處栽得吏閑時
筍自廳中出根從府外移從軍無宿例空想夜風吹

失鶴二首

偶背雕籠與我違四方端佇竟忘歸誰家白日雲間見何處滄洲雨裏飛
曾啄稻梁殘粒在舊翹泥潦半蹤稀憑人轉覺多相誤盡道皤然作令威

華表翹風未可期變了投衛兩堪疑應緣失路防人損空有歸心最我知
但見空籠拋夕月若何無樹宿荒陂不然直道高空外白水青山屬臘一作師

答賈支使寄鶴

瑞羽奇姿踉蹌形稱爲仙馭過清冥何年厚祿曾居衛幾世前身本姓丁
幸有遠雲兼遠水莫臨華表望華亭勞君贈我清歌侶將去田園夜坐聽

陳州刺史寄鶴

臨風高視聳奇形渡海冲天想盡經因得羽儀來合浦便無魂夢去華亭春飛見境乘桴切夜喚聞時醉枕醒
南守欲知多少重撫毛千萬喚丁丁

孔雀

偶有功名正俗才靈禽何事降瑤臺天仙黼黻毛應是宮后屏幃尾忽開曾處嶂中真霧隱每過庭下似春來
佳人為我和衫拍遣作嗒嗒一作送一杯

鄜州進白野鵲

輕毛疊雪翅開霜紅背能深練尾長名應玉符朝北闕色柔金性瑞西方不憂雲路填河遠為對天顏送喜忙
從此定知栖息處月宮瓊樹是仙鄉

早蟬

不見上庭樹日高聲忽吟他人豈無耳遠客自關心暫落還因雨橫飛亦向林分明去年意從此漸聞砧

申湖

昔年依峽寺每日見申湖下淚重來此知心一已無兩霖舟色暗岸拔木形枯舊境深相惱新春宛不殊方來
尋熟侶起去恨驚鳥忍事花何笑喧吟瀑正巖堪憂從宦到倍遣曩懷孤上馬終回首傍人怪感吁

謝劉相一本有公字寄天柱茶

兩串春團敵夜光名題天柱印維揚偷嫌曼倩桃無味搗覺嫦娥藥不香惜恐被分緣利市盡應難覓為供堂
麤官寄與真拋却賴有詩情合得嘗

題後集

詩源何代失澄清處處狂波汙後生常感道孤吟有淚却緣風壞語無情難甘惡少欺韓信枉被諸侯殺禍衡
縱到緱山也無益四方聯絡盡蛙聲

秋晚送無可上人

半夜覺松雨照書燈悄然河聲纒浙瀝舊業近潺湲坐滴寒更盡吟驚宿鶴遷相思不相見日短復愁牽

贈源寂禪師

緝鉢鎮隨腰怡然處寂寥門一作師禪從北祖僧格似南朝性近徒相許緣多媿未銷何傳能法一作當慧此岸要津橋

贈禪師

嗜慾本無性此生長在禪九州空有路一室獨多年鳴磬微塵落移緝濕地圓相尋偶同宿星月坐忘眠

夏日青龍寺尋僧二首

帝里欲何待人間無關遺不能安舊隱都屬擾明時遠理須齊辱雄圖豈藉知縱橫悉已悞斯語是吾師
得官殊未喜失計是忘愁不是無心速焉能有自由涼風盈夏扇蜀茗半形一作那甌笑向權門客應難見道流

寄題巨源禪師

風雨禪思外應殘木槿花何年別鄉土一衲代袈裟日氣侵瓶暖雷聲動枕斜還當掃樓影天晚自煎茶

題河中亭子

河擘雙流島在中島中亭上正南空蒲根舊浸臨關道沙色遙飛傍苑風晴見樹卑知岳夫晚聞車亂覺橋通
無窮勝事應須宿霜白蒹葭月在東

逢友人邊遊迴一作馬藏詩

遊子新從絕塞迴自言曾上李陵臺尊前語盡北風起秋色蕭條胡雁來

春雨

電濶照潺潺驚流往復還遠聲如有洞迷色似無一作山利物乾坤內并風竹樹間靜思來朔漠愁望滿柴關遊
濕消塵慮吹風觸疾一作顏誰知草茅溼一作者露此尚虛閑

夏雨

何處發天涯風雷一道賒去聲隨地急殘勢傍樓斜透樹垂紅葉露塵帶落花瀟湘無限思閑看下蒹葭

秋夜山中述事

初宵門未掩獨坐對霜空極目故鄉月滿溪寒草風樵聲當嶺上僧語在雲中正恨歸期晚蕭蕭聞塞鴻

長安道

汲汲復營營東西連兩京關繡古若在山岳累應成各自有身事不相知姓名交馳兼一作喧眾類分散入重城此

一作路去應無盡萬方人旋一作始生空餘片言苦來往覓劉楨

酬泗州韋中丞壩上日寄贈兼次本韻

魯儒相悟欲成空學盡文章不見功官自掖垣飄海上鎮從隨一作陪岸入山中嘗遭火發瞿雲一作景宅爭得天如老

氏弓何意杜陵懷寶客也隨迷路出關東

泛觴池

通咽遠一作遠華樽泛觴名自君淨看籌見影輕動酒生紋細滴隨杯落來聲就浦分便應半酣後清冷漱兼雲

荔枝詩有序

杜工部老居兩蜀不賦是詩豈有意而不及歎白尚書曾有是作與旨卑泥與無詩同予遂為之題不愧不負將來作者以其荔枝首唱愚其庶幾

穎如松子色如櫻未識蹉跎欲半生歲杪監州曾見樹時新入座久聞名

丁巳上元日放三雉

嬰網雖皆困寨籠喜共歸無心期爾報相見莫驚飛

寓題一作邊城寓題

王澤猶來雅在新尚詞微事一作微事可愁人淫哇滿眼關雎弱猶賀清朝有此身

望蜀亭

樹籜烟迷蜀國深嶺頭分界戀登臨前軒一望無他處從此西川只在心

游嘉州一作後溪開元觀園遊因及後溪橋成二韻

山屐經過滿逕蹤隔溪遙見夕陽春當時諸葛成何事只合終身作臥龍

自諷

千題萬詠過三旬忘食貪魔作瘦人行處便吟君莫笑就中詩病不任春

乞假歸題候館一本題首有河東樓三字

僕帶雕弓馬似飛老萊衣上著戎衣郵亭不暇吟山水塞外經年皆未歸

監郡健為將歸使府登

一本有通濟二字樓寓題

幾日監臨向蜀春錯拋歌酒強憂人江樓一望西歸去不負嘉州只負身

過象耳山二首

一色青松幾萬栽異香薰路帶花開山門欲別心潛願更到蜀中還到來
到處逢山便欲登自疑身作住來僧徒行至此三千里不是有緣應不能

聖燈

莽莽空中稍稍燈坐看迷濁變澄清須知火盡煙無益一夜欄邊說向僧

過昌利觀有懷

萬仞雲峯八石泉李君仙後更誰仙我來駐馬人何問老柏無多不種田

蜀路

劔閣緣雲拂斗魁疾風生樹過龍媒前程憇罷知無益但是鴛蹄亦到來

山下偶作

零雨露山百草香樹梢高頂盡斜陽橫流巨石皆堪住何事無僧有石房

伏牛山

虎蹲峰狀屈名牛落日連村好望秋不為時危耕不得一犁風雨便歸休

老圃堂

一作曹鄴詩

邵平瓜地接吾廬穀雨乾時偶一作手自鋤昨日春風欺不在就牀吹落讀殘書

春題

柳莫搖搖花莫開此心因病亦成灰人生只有家園樂及取春農一作農歸去來

并州寓懷

人多知遇獨難求人負知音獨愛酬常恐此心無樂處枉稱年少在并州

中秋旅舍一作中秋
政舍書懷

雲卷庭虛一作卷
畫庭雲月逗空一方秋草盡一作
多草鳴蟲是時兄弟正南北黃葉滿階來去風

符亭二首并序

東三泉十五里以飛瀑結茅雖小甚勝諸所記注皆云前宰符姓所為俞姓所脩而不識其人因題曰符亭
旌之也

符亭之地雅離羣萬古懸泉一旦新若念農桑也如此縣人應得似行人
山如巫峽煙雲好路似嘉祥水木清大抵游人總應愛就中難說是詩情

秋夜聽任郎中琴

十指宮商聽上秋七條絲動雨脩脩空堂半夜孤燈冷彈著鄉心欲白頭

留別關東舊遊

我去君留十載中未曾相見及花紅他時住得君應老長短看花心不同

贈出塞客

出郊征騎逐飛埃此別惟愁春未回寒葉夕陽投宿意蘆一作
蕭關門向遠河開

秋溪獨坐

黃葉分飛砧上下白雲零落馬東西人生萬意此端坐日暮水深一作
聲流出溪

蒲中霽後晚望

河邊霽色無人見身帶春風立岸頭濁水茫茫有何意日斜還向古蒲州

宋氏林亭

地濕莎青雨後天桃花紅近竹林邊行人本是農桑客記得春深欲種田

雲花寺寓居贈海岸上人

暫寄空門未是歸上方林樹獨一作
獨著儒衣吾師不語應相怪一作
聞頻惹街塵入寺飛

關中秋夕

簾濕秋庭岳在煙，露光明滑竹蒼然。何人意緒還相似，鶴宿松枝月半天。

西縣道中有短亭巖穴飛泉隔江灑至因成二首

風涼津濕共微微，隔岸泉衝石竅飛。爭得巨靈從野性，舊鄉無此孽將歸。
一瀑三峰赤日天，路人才見便翛然。誰能夜向山根宿，涼月初生的有仙。

省試夜一作章

白蓮千朵照廊明，一片承平雅頌聲。更報第三條燭盡，文昌風景畫難成。

過驪山

丹雘蒼蒼簇背山，路塵應滿舊簾間。玄宗不是偏行樂，只為當時四海閑。

曲江醉題

閑身行止屬年華，馬上懷中盡落花。狂遍曲江還醉臥，覺來人靜日西斜。

參軍廳新池

簾外無塵勝物外，牆根有竹似山根。流泉不至客來久，坐見新池落舊痕。

太原使院晚出

青門無路入清朝，濫作將軍最下僚。同舍盡歸身獨在，晚風開印葉蕭蕭。

寒食日曲江

曲水池邊青草岸，春風林下落花盃。都門此日是寒食，人去看多身獨來。

盤屋官舍新竹

心覺清涼體似吹，滿風輕撼葉垂垂。無端種在幽閑地，衆鳥嫌寒鳳未知。

京中客舍聞箏

十二三弦共五音，每聲如截遠人心。當時向秀聞鄰笛，不是離家歲月深。

銅雀臺

魏帝當時銅雀臺，黃花深映棘叢開。人生富貴須回首，此地豈無歌舞來。

壽安水館

地接山林兼有石天懸星月更無雲鷺鷥上樹滿池水漫潯一聲中夜聞

雨後早發永寧

春霖朝罷客西東雨足泥聲路未通獨愛千峰最高處一峰初日白雲中

宿仙遊寺望月生峰

公門身入洞門行出穿離籠似有情僧語夜涼雲樹黑月生峰上月初生

秋題

獨坐東南見曉星白雲微透沈寒清磷磷甃石堪僧坐一葉梧桐落半庭

和友人寄懷

從來行樂近來希遠瑗知言與我違自是衰心不如舊非關四十九年非

子夜

嫖姚家宴敵吳王子夜歌聲滿畫堂此日相逢眉翠盡女真行李乞齋糧

鴈和韋侍御

肅肅雍雍義有餘九天鸞鳳莫相疎唯應靜向山窗過激發英雄夜讀書

和府帥相公

一作蜀中和府帥相公過安撫崔判官廳不過之什

竹映高牆似傍山鄒陽歸後令威還君看將相才多少兩首詩成七步間

又和留山鷄

五色文勝百鳥王相思兼絕寄芸香由來不是池中物鷄樹歸時即取將

舟中酬楊中丞春早見寄

錦樓春望憶丹楹更遇高情說早鶯江上境寒吟不得濕風梅雨滿船輕

寒食日題

美人寒食事春風折盡青青賞盡紅夜半無燈還有睡一作不寐鞦韆懸在月明中

杏花

活色生香第一流，手中移得近青樓。誰知豔性終相負，亂向春風笑不休。

黃蜀葵

嬌黃新嫩一作紫欲題詩，盡日含毫有所思。記得玉人初病起，一作秋道家粧束厭禳時。

春詠

春來還似去年時，手把花枝唱竹枝。狂瘦未曾嘗有味，不緣中酒却緣詩。

贈歡娘八歲善吹笙

一束龍吟細竹枝，青娥擎在手中吹。當時縱使變成在，不得如伊是小時。

戲瞻相

失意蹉跎到舊遊，見吹楊柳便遮羞。瞻相趙女休相拽，不及人前詐擺頭。

贈解詩歌人

同有詩情自合親，不須歌調更含顰。朝天御史非韓壽，莫竊香來帶累人。

贈韋氏歌人二首

弦管聲凝發唱高，幾人心地暗傷刀。思量更有何堪比，王母新開一樹桃。

一曲新聲慘畫堂，可能心事憶周郎。朝來爲客頻開口，綻盡桃花幾許香。

加階

二年中散似稽康，此日無功換寵光。唯有一般酬聖主，勝於東晉是文章。

野園

野園無鼓又無旗，鞍馬傳盃用柳枝。嬌養翠娥無怕懼，挿人頭上任風吹。

郊亭

郊亭宴罷欲回車，滿郭傳呼調角初。尚擁笙歌歸未得，笑娥扶著醉尚書。

老僧

清瘦形容八十餘，匏懸籬落似村居。勸師莫羨人間有，幸是元無免破除。

僧窗

不悟時機滯有餘，近來為事更乖疎。朱輪皂蓋蹉跎盡，猶愛明窗好讀書。

題平等院

十里城中一院僧，各持巾鉢事南能。還應笑我功名客，未解嫌官學大乘。

影燈夜二首 一作上元詩

偃王燈塔古徐州，二十年來樂事休。此日將軍心似海，四更身領萬人遊。

十萬軍城百萬燈，酥油香暖夜如烝。紅粧滿地煙光好，只恐笙歌引上昇。

許州旌節到作

兩地旌旗擁一身，半緣傷舊半榮新。州人若憶將軍面，寫取雕堂報國真。

重遊通波亭

十年拋擲故園花，最憶紅桃竹外斜。此日郊亭心乍喜，敗榆芳草似還家。

歲舸

遠舸衝開一路萍，岸傍偷上小茅亭。遊人莫覓盃盤分，此地纔應聚德星。

偶題

到處吟兼上馬吟，總無愁恨自傷心。無端夢得鈞天樂，盡覺宮商不是音。

折楊柳十首 并序

此曲盛傳為詞者甚衆，文人才子各銜其能，莫不條似舞腰，葉如眉翠，出口皆然。頗為陳熟，能專於詩律不

愛隨人，搜難扶新，誓脫常態，雖欲弟伐知音，其舍諸

華清高樹出離宮，南陌柔條帶暖風。誰見輕陰是良夜，瀑泉聲畔月明中。

洛橋晴影覆江船，羌笛秋聲濕塞煙。閑想習池公宴罷，水蒲風絮夕陽天。

嫩綠輕懸似繖旒，路人遙見隔宮樓。誰能更近丹墀種，解播皇風入九州。

暖風晴日斷浮埃廢路新條發釣臺處處輕陰一作輕可惆悵後人攀處古人裁

潭上江邊嫋嫋垂日高風靜絮相隨青樓一樹無人見正是女郎眠覺時

汴水高懸百萬條風清兩岸一時搖隋家力盡虛裁得無限春風屬聖朝

和風煙樹一作雨九重城夾路春陰十萬營唯向邊頭不堪望一株一作林顛顛少人行

窗外齊垂旭日初樓邊輕暖好一作好風徐游人莫道裁無益桃李清陰却不如

泉木猶寒獨早青御溝橋畔曲江亭陶家舊日應如此一院春條綠遶廳

帳偃纓垂細復繁令人心想石家園風條月影皆堪重何事侯門愛樹萱

柳枝四首

數首新詩帶恨成柳絲牽我我傷情柔娥幸有腰支穩試踏吹聲作唱聲

高出軍營遠映橋賊兵曾斫火一作曾燒風流性在終難改一作盡依舊春來一作風萬萬條

縣依陶令想嫌迂營畔將軍即大纛此日與君除萬恨數篇風調更應無

狂似纖腰嫩勝綿自多情態竟一作更誰憐遊人不折還堪恨拋向橋邊與路邊

柳枝詞五首 并序

乾符五年許州刺史薛能於郡閣與幕中談賓酣飲醅酎因令部妓少女作楊柳枝健舞復歌其詞無可聽

者自以五絕為楊柳新聲

朝陽晴照綠楊煙一別通波十七年應有舊枝無處覓萬株風裏卓旌旃

晴垂芳態吐牙一作芽新雨擺輕條濕面春別有出墻高數尺不知搖動是何人

暖一作晚梳簪朵事登樓因挂垂楊立地愁牽斷綠絲攀不得半空懸著玉搔頭

西園高樹後庭根處處尋芳有折痕終憶舊一作我遊桃葉舍一株斜映竹籬門

劉白蘇臺總近時當初章句是誰推纖腰舞盡春楊柳未有儂家一首詩自注劉白二尚書繼為蘇州刺史皆賦楊柳枝詞世多傳唱雖有才語但文字太僻官商不高如可老豈斯人

徒戀洋洋子唐風其令虛愛

吳姬十首

夜鎖重門畫亦監眼波嬌利瘦巖巖偏憐不怕傍人笑自把春羅等舞衫
龍麝薰多骨亦香因經寒食好風光何人畫得天生態枕破施朱隔宿粧
滴滴春霖透荔枝筆題牋動手中垂天陰不得君王召頓著青蛾作小詩
鈿合重盛繡結深昭陽初幸賜同心君知一夜思多少明日宣教放德音
退紅香汗濕輕紗高捲蚊厨獨臥斜嬌淚半垂珠不破恨君瞋折後庭花
取次衣裳盡帶珠別添龍腦衰羅襦年來寄與鄉中伴殺盡春蠶稅亦無
畫燭燒蘭暖復迷殿幃深密下銀泥開門欲作侵晨散已是明朝日向西
樓臺重疊滿天雲殷殷鳴鼉世上聞此日楊花初似雪女兒弦管弄參軍
冠剪黃綃幘紫羅薄施鉛粉畫青娥因將素手誇纖巧從此椒房寵更多
身一作自是三千第一名內家叢裏獨分明芙蓉殿上中元日水拍銀臺弄化生

題于公花園

含桃莊主後園深繁實初成靜掃陰若使明年花可待應須惱破事花心

登城

偶作閑身上古城路人遙望不相驚無端將吏逡巡至又作都頭一隊行

好客

好客連宵在醉鄉蠟煙紅暖勝春光誰人肯信山僧語寒雨唯煎治氣湯

贈普恭禪師

一日迢迢每一食我心難伏我無一作心難南簷十月繩牀暖背卷真經向日看

贈無表禪師

笠戴圓陰楚地樓磬敲清響蜀山銅秋來說偈寅朝殿爽爽一作輕楊枝滿手風

彭門偶題

淮王西舍固非夫柳惲偏州未是都直到春秋諸列國擁旄才子也應無

嘲趙璘

巡關每傍擣蒲局望月還登乞巧樓第一莫教嬌太過綠人衣帶上人頭

句

百首如一首卷初如卷終北夢瑣言能以詩自負
遠劉得仁卷題詩云云

坐久僕頭出語多僧齒寒南郡
新書

西塞長雲盡南湖片月斜古今
詩話

李

白終無取陶潛固不刊論詩見前
谷集注

我身若在開元日爭遣名為李翰林高僧即中
見鄭集

劉威

劉威會昌時人詩二十七首

早春

曉來庭戶外草樹似依依一夜東風起萬山春色歸冰消泉派動日暖露珠晞已醞看花酒嬌鶯莫預飛

傷春感懷

花飛惜不得年長更堪悲春盡有歸日老來無去時風前千片雪鏡裏數莖絲腸斷青山暮獨攀楊柳枝

閏三月

三年皆一閏此閏勝常時莫怪花開晚都緣春盡遲節分炎氣近律應蕙風移夢得成胡蝶芳菲幸不遺

早秋遊湖上亭

危亭秋尚早野思已無窮竹葉一尊酒荷香四座風曉煙孤嶼外歸鳥夕陽中漸愛湖光冷移舟月滿空

宿漁家

竹屋清江上風煙四五家水園分芰葉鄰界認蘆花雨到魚翻浪洲迴鳥傍沙月明何處去片片席帆斜

旅中早秋

金威生止水爽氣遍遙空草色蕭條路槐花零落風夜來萬里月覺後一聲鴻莫問前程事颯然沙上蓬

早秋西歸有懷

求歸方有計惜別更堪愁上馬江城暮出郊山戍秋暗銷何限事白盡去年頭莫怪頻惆悵異鄉難再遊

冬夜旅懷

寒窗危竹枕月過半牀陰嫩葉不歸夢晴蟲成苦吟酒無通夜力事滿五更心寂寞誰相似殘燈與素琴

塞上作

蕭蕭隴水側落日客愁中古塞一聲笛長沙千里風鳥無棲息處人愛戰爭功數夜城頭月彎彎如引弓

秋日寄陳景季秀才

征車日已遠物候尚淒淒風葉青桐落露花紅槿低心隨秦國遠夢到楚山迷却恨銜蘆鴈秋飛不向西

冬日送友人西歸

北風吹別思杳杳度雲山滿望是歸處一生猶未閑知音方見譽浮宦久相關空有心如月同君千里還

感寓

海竭山移歲月深分明齊得世人心顏回徒恨少成古彭祖何曾老至今須向道中平貴賤還從限內任浮沈

他年免似驪山鬼信有蓬萊不可尋

七夕

烏鵲橋成上界通千秋一作年靈會此宵同雲收喜氣星樓曉一作橋香一作雨拂輕一作香塵玉一作月殿空翠輦不行青草路金鑾

徒候一作恨白榆風絲盤花閣無窮意只在遊絲一縷中

晚春陪王員外東塘遊宴

水綠山青春日長政成因暇泛回塘初移柳岸笙歌合欲過蘋洲羅綺香共濟已驚依玉樹隨流還許醉金觴

一聲畫角嚴城暮雲雨分時滿路光

遊東湖黃處士園林

偶向東湖更向東數聲雞犬翠微中遙知楊柳是門處似隔芙蓉無路通樵客出來山帶雨漁舟過去水生風

物情多與閑相稱所恨求安計不同

題許子正處士新池

坐愛風塵日已西功成得與化工齊巧分孤島思何遠欲似五湖心易迷漸有野禽來試水又憐春草自侵隄

那堪更到芙蓉拆晚夕香聯桃李蹊

旅懷

物態人心漸渺茫十年徒學釣滄浪老將何面還吾土夢有驚魂在楚鄉自是一身嫌苟合誰憐今日欲佯狂
無名無位却無事醉落烏紗卧夕陽

早秋歸

數口飄零身未迴夢魂遙斷越王臺家書欲寄鴈飛遠客恨正深秋又來風解綠楊三署冷月當銀漢四山開
茫茫歸路在何處砧杵一聲心已摧

歐陽示新詩因貽四韻

衝憂瑤瓊得至音數篇清越應南金都由苦思無休日已證前賢不到心風入寒松聲自古水歸滄海意皆深
欲知字字驚神鬼一氣秋時試夜吟

尉遲將軍

天仗擁門希授鉞重臣入夢豈安金江河定後威風在社稷危來寄託深扶病暫將弓試力感恩重與劍論心
明妃若遇英雄世青塚何由怨陸沈

贈歐陽秀才

桐上知音日下身道光誰不仰清塵偶來水館逢爲客舊熟詩名似故人永日空驚滄海闊何年重見白頭新
權門要路應行遍閑伴山夫一夜貧

贈道者

五雲深處有真仙歲月催多却少年入郭不知今世事賣丹猶覓古時錢閑尋白鹿眠瑤草暗摘紅桃去洞天
時向人間深夜坐鬼神長在藥囊邊

贈道者

道帔輕裾三島雲綠鬢長占鏡中春高風已駕祥鸞馭浮世休驚野馬塵過海獨辭王母面度關誰識老聃身
儒生也愛長生術不見人間大笑人

遣懷寄歐陽秀才

地上江河天上鳥百年流轉只須臾平生開過日將日欲老始知吾負吾似豹一斑時或有如龜三顧豈全無
古來晚達人何限莫笑空枝猶望蘇

送元秀才入道

不教榮樂損天機願逐鸞皇次第飛明月滿時開道帔俗塵飄處脫儒衣只攜仙籍還金洞便與時流隔翠微
空有緘題報親愛一千年後始西歸

三閩大夫

三閩一去湘山老煙水悠悠痛古今青史已書殷鑒在詞人勞詠楚江深竹移低影潛貞節月入中流洗恨心
再引離騷見微旨官教漁父會昇沈

傷曾秀才馬

買得龍媒越水濱輕桃細杏色初分秋歸未過陽關日夜魄忽銷陰塞雲吳練已知隨影沒朔風猶想帶嘶聞
臨軒振策休惆悵坐致煙霄只在君

李玖

李玖歙州巡官詩八首

噴玉泉冥會詩八首

蔡異記曰會昌元年李廉許生下第東歸次壽安甘棠館西逢白衣叟云赴噴玉泉與三四君子遊善游至泉所見四丈夫
有少年神貌揚揚者有短小氣宇落落者有長大小鬚髯者有清瘦言語瞻視疾速者皆金紫生泉傍謂叟曰玉川來何遲
叟曰適憩前館偶見西樞題詩晦其姓名有似為座中一二公者吟誦少駐耳因述其詩座中皆掩面慟哭神我揚揚者曰作詩人得非伊水上受我推食
解衣之士乎久之各賦噴玉泉感舊游懷詩時成各自吟誦長號數四響動岩谷餘無言語而別按四丈夫甘露四相也玉川盧仝也伊水受恩之士玖
自謂噴玉泉在河南壽安縣傳載云山水絕勝太和中游者
始盛王涯傳別墅有佳木流泉詳詩意豈正在此泉上也

白衣叟途中吟二首

春草萋萋春水綠野棠開盡飄香玉繡嶺宮前鶴髮人猶唱開元太平曲

厭世逃名者誰能答姓名曾聞王樂否眷取路傍情

白衣叟述甘棠館西楹詩

浮雲淒慘日微明沈痛將軍負罪名白晝叫閭無近戚編衣飲氣只門生佳人暗泣填宮淚廐馬連嘶換主聲

六合茫茫皆漢土此身無處哭田橫

白衣叟噴玉泉感舊遊書懷

樹色川光向晚晴舊曾遊處事分明鼠穿月榭荆榛合草掩花園畦壠平迹陷黃沙仍未寤罪標青簡竟何名傷心谷口東流水猶噴當時寒玉聲

四丈夫同賦

鳥啼鶯語思何窮一世榮華一夢中李固有寬藏蠹簡鄧攸無子續清風文章高韻傳流水絲管遺音託草蟲

春月不知人事改闕垂光影照滄宮少年神貌揚揚者

桃蹊李徑盡荒涼訪舊尋新益自傷雖有衣衾藏李固終無表疏雪王章羈魂尚覺霜風冷朽骨徒驚月桂香

天爵竟為人爵悞誰能高叫問蒼蒼短小器宇落落者

落花寂寂草綿綿雲影山光盡宛然壞室基摧新石鼠褚宮水引故山泉青雲自致憚天爵白首同臨感昔賢

惆悵林間中夜月孤光曾照讀書筵清瘦眼視疾速者

新荆棘路舊衡門又駐高車會一尊寒骨未沾新雨露春風不長敗蘭蓀丹誠豈分埋幽壤白日終希照覆盆

珍重昔年金谷友共來泉際話幽魂長大小少盤舞者

潘唐

潘唐會昌時人詩一首

下第歸宜春酬黃頗餞別

聖代澄清雨露均獨懷惆悵出咸秦承明未薦相如賦故國猶慚季子貧御苑鐘聲臨遠水都門樹色背行塵一從此地曾攜手益羨江頭桃李春

裴休

裴休字公美濟源人登進士第舉賢良方正異等擢累監察御史兵部侍郎大中中拜同中書門下平章事詩

二首

題泐潭

泐潭形勝地祖塔在雲濬浩劫有窮日真風無墜時歲華空自老消息竟誰知到此輕塵慮功名自可遺

贈黃蘗山僧希運

曾傳達士心中印額有圓珠七尺身挂錫十年棲蜀水浮杯今日渡漳濱一千龍象隨高步萬里香華結勝因擬欲事師為弟子不知將法付何人

令狐綯

令狐綯字子直楚之子舉進士擢累左補闕右司郎中出為湖州刺史大中初召為考功郎中知制誥入翰林為學士進中書舍人再遷兵部侍郎俄拜同中書門下平章事懿宗嗣位出為河中節度使徙宣武淮南僖宗時終鳳翔節度使封趙國公詩一首

登望京樓賦

夷門一鎮五經秋未得朝天不免愁因上此樓望京國便名樓作望京樓

夏侯孜

夏侯孜字好學亳州譙人累遷婺絳等州刺史宣宗時自兵部侍郎為同中書門下平章事懿宗立進司空尋罷以太子少保分司東都詩一首

享太廟樂章

於鑠令主聖祚重昌興起教義申明典章俗尚素朴人皆樂康積德可報流慶無疆

魏謩

魏謩字申之鄭公徵五世孫登進士第文宗時為右拾遺擢諫議大夫武宗立貶信州長史宣宗嗣位召授給事中遷御史中丞兼戶部侍郎俄進同中書門下平章事大中十年領劍南西川節度使上疾求代拜吏部尚書尋授檢校尚書右僕射集十卷今存詩一首

和重陽錫宴御製詩

四方無事去宸豫杪秋來八水寒光起千山霽色開

周墀

周墀字德升汝南人擢進士第辟湖南巡官入為監察御史集賢殿學士李宗閔鎮山南表行軍司馬閔歲召還以考功員外郎兼起居舍人事知制誥武宗即位改工部侍郎出為義成節度使尋以兵部侍郎召判度支進同中書門下平章事俄罷為劍南西川節度使詩二首

賀王僕射放榜

文場三化魯儒生三十餘年振重名曾忝木雞誇羽翼又陪金馬入蓬瀛自注墀初年木雞賦及第常陪僕射守職內庭雖欣月桂居先折更羨春蘭最後榮欲到龍門看風雨關防不許暫離營

酬李常侍景讓立秋日奉詔祭嶽見寄

秋祠靈嶽奉尊罍風過深林古柏開蓮掌月高珪幣列金天雨露鬼神陪質明三獻雖終禮祈壽千年別上杯豈是瑣才能祀事洪農太守主張來

李景讓

李景讓字後已愷之孫大中中歷御史大夫西川節度使終太子少保分司東都謚曰孝詩一首

寄華州周侍郎墀立秋日奉詔祭嶽詩

關河豁靜曉雲開承詔秋祠太守來山霽蓮花添翠黛路陰桐葉少塵埃朱轡入廟威儀肅玉佩昇壇步武回往歲今朝幾時事謝君非重我非才

句

成都十萬戶拋若一鴻毛見北夢瑣言

鄭顥

鄭顥字奉正宰相綱之孫登進士第官起居郎尚宣宗女萬壽公主拜駙馬都尉歷禮部侍郎大中末檢校禮部尚書河南尹詩一首

續夢中十韻并序

去年壽昌節赴麟德殿上壽迴憩於長興里第昏然晝寢夢與十數人納涼於別館館宇蕭灑相與聯句

子為數聯同游甚稱賞既寤不全記諸聯唯有十字云石門霧露白玉殿莓苔青用杜甫句私怪語不祥
書之於楹不敢言於人不數日上不豫廢朝會及宮車上僊方悟其事追惟顧過續石門之句為十韻云
間歲流虹節歸軒出禁扁奔波陶畏景蕭灑夢殊庭境象非曾到崇嚴昔未經日斜烏斂翼風動鶴飄翎異
苑人爭集涼臺筆不停石門霧露白玉殿莓苔青若匪災先兆何緣思入冥御爐虛仗馬華蓋負云亭白日成
千古金滕閱九齡小臣哀絕筆湖上泣青萍

劉綺莊

劉綺莊昆陵人初為崑山尉宣宗時官州刺史集十卷今存詩二首

揚州送人

桂檝木蘭舟楓江竹箭流故人從此去望遠不勝愁落日低帆影歸風引櫂謳思君折楊柳淚盡武昌樓

置酒

酒熟人須飲春還鬢已秋願逢千日醉得這百年愁卒周姬旦棲棲魯孔丘平生能幾日不及且遨遊

張固

張固大中中嘗為桂管觀察使詩二首

重陽宴東觀山亭和從事盧順之

亂山青翠郡城東爽節憑高一望通交友會時絲管合羽觴飛處笑言同金英耀彩晴雲外玉樹凝霜暮雨中
高詠已勞潘岳思醉歡慙道自車公

獨秀山

孤峰不與眾山儔直入青雲勢未休會得乾坤融結意擎天一柱在南州

劉臯

劉臯宣宗時鹽州刺史為監軍楊玄价所殺詩一首

長門怨

營營孤思通寂寂長門夜一作夕妾妬亦知非一作君君恩那不借一作惜攜琴就玉階調悲聲未諧將心寄一作託明月流影入

君懷

李質

李質字公幹襄陽人擢進士第大中時官至江西觀察使詩一首

宿日觀東房詩

曾入桃溪路仙源信少雙洞霞飄素練薛壁畫陰窗古木愁一作疑撐月危峰欲隨江自吟空向寂誰共倒秋缸

南卓

南卓字昭嗣初為拾遺因諫出宰松滋大中時為黔南經略使詩一首

贈副戎

翱翔曾在玉京天墮落江南路幾千從事不須輕縣宰滿身猶帶御爐煙

李訥

李訥字敦正趙郡人大中時為浙東觀察使終兵部尚書太子太傅詩一首

命妓盛小叢歌餞崔侍御還闕

繡衣奔命去情多南國佳人斂翠娥曾向教坊聽國樂為君重唱盛叢歌

崔元範

崔元範大中時以監察御史為浙東幕府詩一首

李尚書命妓歌餞有作奉酬

羊公留宴峴山亭洛浦高歌五夜情獨向柏臺為老吏可憐林木響餘聲

楊知至

楊知至字幾之汝士之子登進士第初為浙東團練判官後以北部郎中知制誥終戶部侍郎詩二首

和李尚書命妓歌餞崔侍御

燕趙能歌有幾人為花回雪似含顰聲隨御史西歸去誰伴文翁怨九春

覆落後呈同年

由來梁鴈與冥鴻不合翩翩向碧空
寒谷謾勞鄒氏律長天獨過宋都風
此時泣玉情雖異他日銜環事亦同
二月春光正搖蕩無因得醉杏園中

李明遠

李明遠大中中監察御史詩一首

送韋觀謫潘州

北鳥飛不到南人誰去遊
天涯浮瘴水嶺外向潘州
草木春秋暮後秣日夜愁
定知遷客淚應只對君流

蕭績

蕭績大中時望江縣令詩一首

前望江麴令頌德

政績雖殊道且同無辭買石紀前功
誰論重德光青史過里猶歌臥轍風

盧順之

盧順之字子謨范陽人祀之孫大中時桂管從事詩一首

重陽東觀席上贈侍郎張固

渡江旌旆動魚龍令節開筵上碧峰
翡翠巢低巖桂小茱萸房濕露香濃
白雲郊外無塵事黃菊筵中盡醉容
好是謝公高興處夕陽歸騎出疎松

李善夷

李善夷與李羣玉同時謫宦澧陽江南集十卷今存詩二首

責漢水辭 并序

春秋僖公四年齊桓公合諸侯之師盟于召陵責楚之苞茅不入寡君之罪也敢不供給昭王南征之不服君其問諸水濱按昭王南征至漢舟人膠其舟王遂溺死杜預曰當時漢水未屬楚杜之注其為謬哉且楚實殷之始封楚苦縣瀨鄉在漢水東北六百餘里則漢水於西周之際豈未屬楚乎又詩云隄彼殷武奮伐荆楚深入其阻寡荆之旅鄭玄注云深入方城之阻也方城今在漢水北三百里豈昭王時未屬

楚乎屈完以齊桓所問之大不敢他對但請自問於水濱之人言我不之知也漢實屬楚久矣夫山林川澤天子祀之必有其神楚人膠其船而禍其君神不能福神之罪也余過漢見其波濤混漾而責其水詞曰漢之廣兮風波四起雖有風波不如蹄涔之水不為下國而傾天子漢之深兮其隄莫量雖云其量不如行潦之汪行潦之汪不為下國而溺天王漢之美者曰魴吾雖饑不食其魴恐污吾之饑腸

大隄曲

酒旗相望大隄頭隄下連牆隄上樓日暮行人爭渡急聲幽軋滿中流

盧澂

盧澂浙東處士詩二首

金燈

疎莖秋擁翠幽豔夕添紅有月長燈在無煙燼火同香濃初受露勢庫不知風應笑金臺上先隨曉漏終

和李尚書命妓餞崔侍御

烏臺上客紫髯公共捧天書靜境中桃朵不辭歌白苧耶溪暮雨起樵風

趙牧

趙牧大中咸通間人詩一首

對酒

雲翁耕扶桑種黍養日烏手按六十花甲子循環落落如弄珠長繩繫日未是愚有翁臨鏡捋白鬚飢魂弔骨吟古書馮唐八十無高車人生如雲在須臾何乃自苦人一作七尺軀裂衣換酒且為娛勸君朝飲一瓢夜飲一壺祀天崩雷騰騰桀一作封非堯一作舜是何足憑桐君桂父豈勝我醉裏白龍多上昇菖蒲花開魚尾定金丹始可延君命

襄誠

襄誠間喜人晉公度之從子官歷職方郎中太子中允詩五首

南歌子詞三首

不是廚中弗爭知箇裏心井邊銀釧落展轉恨還深不信長相憶擡頭問取天風吹荷葉動無夜不搖蓮

簪蠟為紅燭情知不自由細絲斜結網爭奈眼相鉤

新添聲楊柳枝詞

思量大是惡姻緣只得相看不得憐願作琵琶槽那畔得他一作美人長抱在曾前
獨房蓮子沒人看偷折蓮時命也拚若有所由來借問但道偷蓮是下官

于興宗

于興宗大中時御史中丞守綿州後為洋州節度詩二首

夏杪登越王樓臨涪江望雪山寄朝中知友

巴西西北樓堪望亦堪愁山亂江迴遠川清樹欲秋晴明中雪嶺煙靄下漁舟寫寄朝天客知余恨獨遊初在左第時作

此詩和者李朋楊中輩皆朝中之友也

東陽涵碧亭全華志興宗寶曆初令東陽砌此亭

高低竹雜松積翠復留風路劇陰溪裏寒生暑氣中

李朋

李朋刑部員外郎詩一首

奉酬綿州中丞以江山小圖遠垂賜及兼寄詩

巴江與雪山并邑共迴環圖寫丹青內分明煙靄間移君名郡興助我小齋閑日想登臨處高蹤不可攀

楊牢

楊牢字松年弘農人父從田弘正死於趙軍牢走常山二千里號伏叛壘求屍歸葬銜哀雨血時稱孝童年十

八登大中二年進士第最有詩名詩二首

奉酬于中丞登越王樓見寄之什

劍外書來日驚忙自折封丹青得山水強健慰心胸事少勝諸郡江迴見幾重寧悲久作別且似一相逢詩合
焚香詠愁應賴酒濃庾樓寒更憶腸斷雪千峰

贈舍弟

秦雲蜀浪兩堪愁，爾養晨昏我遠遊。千里客心難寄夢，兩行鄉淚為君流。早驅風雨知龍聖，餓食魚蝦覺虎羞。袖裏鎔銀光似水，丈夫不合等閑休。

句

蝦蟆欲喫月，保護常教圓。心明外不察，月向懷中圓。羅幃若不卷，誰道中無人。牢性情急，累居幕府，主人多不容。同列有護之者，與之詩見語林。

魁形下方天，頂亞二十四寸窗。中月牢年六歲，母俾就學，誤入人家，乃父友也。方彈基戲以局為題，命俾賦之，牢應聲而作，見紀事。

李績

李績趙郡人，嘗為柳公綽幕僚，終曹州刺史。詩一首。

和綿州于中丞登越王樓見寄時為同州刺史

早年登此樓，退想不勝愁。地遠二千里，時將四十秋。績相從東川，奏舉過綿州，刺史章洪卓尚書攜登此樓，於今三十七年矣。遭逢多失路，華皓任虛舟。詩酒

雖堪使，何因得共遊。

李汶儒

李汶儒太和五年登第，官翰林學士。詩一首。

和綿州于中丞登越王樓作

珍重巴西守，殷勤寄遠情。劔峰當戶碧，詩韻滿樓清。日照涪川閣，煙籠雪嶠明。微黃看即及，莫歎滯江城。

田章

田章開成四年進士第。詩一首。

和于中丞夏杪登越王樓望雪山見寄

志乖多感物，臨眺更增愁。暑候雖云夏，江聲已似秋。雪遙難辨木，村近好維舟。莫恨歸朝晚，朝簪擬勝遊。

薛蒙

薛蒙考功郎。詩一首。

和綿州于中丞登越王樓作

左綿江上樓五馬此銷愁暑退千山雪風來萬木秋
迴迴猶刺郡繫滯似維舟即有微黃日名川莫厭遊

李鄴

李鄴戶部郎詩一首

和綿州于中丞登越王樓作

長聽巴西事看圖勝所聞江樓明返照雪嶺亂晴雲
景象詩情在幽奇筆跡分使君徒說好不祇怨離羣

于瓌

于瓌字正德教之子大中七年進士第一人詩二首

和綿州于中丞登越王樓作二首時為校書郎

樓因藩邸號川勢似依樓顯敞含清暑嵐一作風光入素秋
山宜姑射貌江泛李膺舟郢曲思朋執輕紗畫勝遊

極目郡城樓浮雲拂檻愁政成多暇日詩思動先秋
遠霽千巖雪隨波一葉舟昔曾窺粉繪今願許陪遊

王巖

王巖大中時布衣詩一首

和于中丞登越王樓

雉堞臨朱檻登茲便散愁蟬聲怨炎夏山色報新秋
江轉穿雲樹心閑隨葉舟仲宜徒有歎謝守幾追遊

劉睽一作睽

劉睽大中時鄉貢進士詩一首

題越王樓寄獻中丞使君

朱軒迥壓碧煙州昔歲賢王是勝遊山簇劔峰朝關遠
水如巴字遠城流人間物象分千里天上笙歌醉五侯

今日登臨無限意同霑惠化自銷愁

李渥

李渥大中時鄉貢進士後登第詩一首

秋日登越王樓獻于中丞

于瓌 王巖 劉睽 李渥

越王曾牧劔南州因向城隅建此樓橫玉遠開千嶠雪暗雷下聽一江流畫簷先弄朝陽色朱檻低臨衆木秋
徒學仲宣聊四望且將詞賦好依劉

劉璐

劉璐嘗刺蜀州代于興宗為綿州刺史詩一首

洋州于中丞頃牧左綿題詩越王樓上朝賢繼和輒課四韻

隔政代君侯多慚跡令猷山光來戶牖江鳥滿汀洲雅韻徵朝客清詞寫郡樓至今謠未已注意在洋州

盧楠一作楠

盧楠弘文館學士詩一首

和于中丞登越王樓作

圖畫越王樓開緘慰別愁山光涵雪冷水色帶江秋雲島孤征鴈煙帆一葉舟
驚風舒霽景如伴謝公遊

李體仁

李體仁續之子也官至江州刺史詩一首

飛鴻響遠音

漠漠微霜夕翩翩出渚鴻清聲流迥野高韻入寥空舊質經寒塞殘音響遠風
縈雲猶類網避月尚疑弓弱羽雖能振丹霄竟未通欲知多怨思聽取暮煙中

韓琮

韓琮字成一作代封初為陳許節度判官後歷中書舍人湖南觀察使詩一卷

春愁

金烏長飛玉兔走青鬢長青古無有秦娥十六語如弦未解貪花惜楊柳吳魚嶺鴈無消息水誓一作誓蘭情別來
久勸君年少莫遊春煖風遲日濃於酒

牡丹一作詠牡丹未開者

殘花何處藏盡在牡丹房嫩藥包金粉重葩結繡囊雲凝巫峽一作山夢簾閉一作開景陽粧應恨年華促遲遲待日長
興平縣野中得落星石移置縣齋

題商山店

商山驛路幾經過未到仙娥見謝娥紅錦機頭拋皓腕綠雲鬟下送橫波佯嗔阿母留賓客暗爲王孫換綺羅
碧澗門前一條水豈知平地有天河

風

競持飄忽意何窮爲盛爲衰半不同偃草喜逢新雨後鳴條愁一作誰聽曉霜中涼飛玉管來秦甸暗裏花枝入楚
宮莫見東風便無定滿帆還有濟川功

雲

深一作輕惹離情一作愁霧落暉如車如蓋早依依山頭觸石應常在天際從龍自不歸莫向隙窗籠夜月好來仙洞濕
行衣春風淡蕩無心後見說襄王夢亦稀

露

長隨聖澤墮堯天濯遍幽蘭葉葉鮮纔喜輕塵銷陌上已愁新月到塔前文騰要地成非久珠綴秋荷偶得圓
幾處花枝抱離恨曉風殘月正潸然

霞

應是行雲未擬歸變成春態媚晴暉深如綺色斜分閣碎似花光散滿衣天際欲銷重慘淡鏡中閑照正依稀
曉來何處低臨水無限鴛鴦妬不飛

頽亭

頽上新亭瞰一川幾重舊址故一作收幽關寒聲北下當軒水翠影西來撲檻山遠目靜隨孤鶴去高情常共白雲
閒知君久負巢由志早晚相忘寂寞間

詠馬

曾經伯樂識長鳴不似龍行不敢行金埒未登嘶若是鹽車猶駕瘦何驚難逢王濟知音癖欲就燕昭買駿名
早晚飛黃引同皂碧雲天上作鸞鳴

題圭峰下長孫家林亭

趙國林亭二百年綠苔如毯葛如煙開期竹色搖霜看醉惜松聲枕月眠出樹圭峰寒壓坐入籬沙瀨碧流天
明知富貴非身物莫為金章墮地仙

牡丹

桃時杏日不爭濃葉帳一作陰成始放紅曉豔遠分金掌露暮香深惹玉堂風名移蘭杜千年後貴擅笙歌百醉
中如夢如仙忽零落暮霞何處綠屏空

雨

陰雲拂地散絲輕長得為霖濟物名夜浦漲歸天輕閣春風灑入御溝平軒車幾處歸頻濕羅綺何人去欲生
一作不及流他荷葉上似珠無數轉分明

京一作西即事

秋草河蘭起陣雲涼州唯向管弦聞豺狼毳幕三千帳貔虎金戈一作十萬軍候騎北來驚有說成樓西望悔為
文昭陽亦待平安火誰握旌旗不見勲

公子行

紫袖長衫色銀蟬一作半臂花帶裝一作盤水玉鞍繡坐雲霞別殿承恩澤飛龍賜渥注控羅青裏一作響鑊象碧熏
一作重葩意氣傾一作歌舞闌珊走鈿車袖障雲縹緲釵轉鳳欹斜珠卷迎歸箔雕一作籠晃醉紗唯無難夜日不得似

仙家

秋晚信州推院親友或責無書即事寄答

官信安仁拙書非叔夜慵謬馳驄馬傳難附鯉魚封萬里勞何補千年運泰逢不量橫草力虛慕入雲蹤繫水
空澄鑑持鉛亦礪鋒月寒深夜桂霜凜近秋松憲摘無逃魏窵申得夢馮問狸將挾虎穢蓋敢虞蜂商吹移砧
調春華改鏡容歸期方一作晚積愁思暮山重仙鼠猶驚燕莎雞欲變蛩唯應碧湘浦雲落及芙蓉

晚春江晴寄友人

晚日低霞綺晴山遠畫眉春青一作音青河畔草不是望鄉時

涼州詞

樹發花如錦鶯啼柳若絲更游歡宴地悲見別離時

莫春滌水送別

綠暗紅稀出鳳城暮雲樓閣一作官閣古今情行人莫聽官前水流盡年光是此聲

駱谷晚望

秦川如畫渭一作如如絲去國還家一作鄉一望時公子王孫莫來好嶺花多是斷腸枝

二月二日遊洛源

舊苑新晴草似苔人還香一作鄉在踏青迴一作開今朝此地成惆悵已後逢春更莫來

柳

折柳歌中得翠條遠移金殿種青霄上陽宮女含一作吞聲送不忿一作忍先歸舞細一作學腰

楊柳枝

梁苑隋堤事已空萬條猶舞舊春風那堪更想千年後誰見楊花入漢宮

楊柳枝詞

枝鬪纖腰葉鬪眉春來無處不如絲霸陵原一作橋上多離別少有長條拂地垂

王傳

王傳大中三年登第辟山南觀察判官加授監察御史詩一首

和襄陽徐相公商賀徐副使加章綬

朱紫聯輝照日新芳菲全屬斷金人華筵重處宗盟地白雪飛時郢曲春仙府色饒攀桂侶蓮花光讓握蘭身

自憐亦是廣門客吟想恩榮氣益振

盧鄴

盧鄴大中四年登第為浙東觀察副使詩一首

和李尚書命妓餞崔侍御

何郎載酒別賢侯更吐歌珠宴庾樓莫道江南不同醉即陪舟楫上京游

陸肱

陸肱大中九年登進士第咸通六年自前振武從事試平判入等後牧南康郡詩一首

松

雪霜知勁質今古占嘉名斷砌盤根遠疎林偃蓋清鶴樓何代色僧老四時聲鬱鬱心彌久煙高萬井生

崔澹

崔澹字知之博陵人父璵兄弟八人並顯貴時謂崔氏八龍大中十三年登第終吏部侍郎詩一首

贈王福娘一作贈美人

怪得清風送異香娉婷仙子曳霓裳惟應錯認偷桃客曼倩曾為漢侍郎

莫宣卿

莫宣卿字仲節封州人大中間舉第一官台州別駕詩三首

荅問讀書居

書屋倚麒麟不同牛馬路林頭萬卷書溪上五龍渡井汲冽寒泉桂花香玉露茅簷無外物只見青雲護

百官乘月早朝聽殘漏

建禮儼朝冠重門耿夜闌碧空蟾魄度清禁漏聲殘候曉車與合凌霜劍佩寒星河猶皎皎銀箭尚珊珊杳靄祥光起霏微瑞氣攢忻逢聖明代長願接鸞鷟

賦得水懷珠

長川含媚色波底孕靈珠素魄生蘋末圓規照水隅淪漣冰彩動蕩漾瑞光鋪迥夜一作夜迥星同貫清秋一作秋清岸不枯江妃思在掌海客亦忘軀合浦當還日恩威信已敷

句

我本南山鳳豈同凡鳥羣見封川志

封彦卿

封彦卿蔭人大中進士第咸通中累官中書舍人坐于琮貶司戶詩一首

和李尚書命妓餞崔侍御

蓮府纔為綠水賓舊注唐果之在王倫幕府以芙蓉泛綠水故有此句忽乘驄馬入咸秦為君唱作西歌調日暮偏傷去住人

李節

李節登大中進士第嘗為河東節度盧鈞巡官詩三首

贈釋疏言遠道林寺詩有序

會昌季年武宗大翦釋氏巾其徒且數萬人民隸其居容貌於土木者沈諸水言詞於紙素者烈諸火分命御史乘駟走天下察敢隱匿者罪之由是天下名祠珍宇毀撤如掃天子建號之初雪釋氏之不可廢也詔徐復之而自湖已南遠人畏法不能酌朝廷之體前時焚撤書像殆無遺者故雖明命復許創立莫能得其書道林寺湘川之勝游也有釋疏言警辨有謀獨曰太原府國家舊都多釋祠我聞其帥司空范陽公天下仁人我第往求釋氏遺文以惠湘川之人宜其聽我而助成之矣即杖而北游既上謁軍門范陽公果諾之因四求散逸不成蘊帙者至釋祠而不見焚而副刺者又命講正以補繕缺漏者未幾凡得釋經五千四十八卷以大中九年秋八月輦自河東而歸於湘焉喜釋氏之助世既言之矣向非我君洞察理源其何能復立之即既立之且亡其書非有疏言識遠而誠堅孰克洪之耶吾嘉疏言奉君之令演釋之宗不憚寒暑之勤德及遠人為叙其事且贈以詩

湘川信信兮俗獷且佞利殺業偷兮吏莫之馴緊釋氏兮易暴使仁釋何在兮釋在斯文

湘水滔滔兮四望何依爰狄騰擊兮雲樹飛飛月沈浦兮煙暝山牆席卷兮櫓牀閑偃仰兮嘯詠鼓長江兮何時還

時還

湘川超忽兮落日睨睨松覆秋亭兮蘭被春花上人去兮幾千里何日同遊兮湘川水

韋蟾

韋蟾字隱珪下杜人大中登進士第初爲徐商掌書記咸通末終尚書左丞詩十首

和柯古窮居苦日喜雨

貞機澹少思雅尚防多僻攬葛猶不畏勞形同處瘠頭焦詎是焚背汗寧關炙方欣見潤礎那虞悲鑿石道與古人期情難物外適幾懷朱邸綬頗曠金門籍清奧已蕭蕭陳柯將械械玉律詩調正瓊卮酒腸窄衣桁槩中單浴牀拋下綵黎侯寓於衛六義非凡格

岳麓道林寺

石門迥接蒼梧野愁色陰深二妃寡廣殿崔嵬萬壑間長廊詰曲千巖下靜聽林飛念佛鳥細看壁畫馱經馬暖日斜明蟬竦梁濕烟散羸鴛鴦瓦北方部落檀一作泥香塑西國文書貝葉寫壞欄迸竹醉好題窄路垂藤困堪把沈衰筆力鬪雄壯宋杜詞源兩風雅他方居士來施齋彼岸上人投結夏悲我未離擾擾徒勸我休學悠悠者何時得與劉遺民同入東林遠公社

上元

一作奉
和山燈三首

新正圓月夜九重看燈時累塔嫌沙細成文訝筆遞歸牛疑燧落過鴈悞書遲生惜蘭膏燼還爲隔歲期舉燭光纔起揮毫勢競分點時驚墜石挑處接崩雲辭異秦丞相銘非寶冠軍唯愁殘焰落逢玉亦俱焚多寶神光動生金瑞色浮照人低入郭伴月夜當樓熏穴應無取焚林固有求夜闌陪玉帳不見九枝畱

梅

高樹臨溪豔低枝隔竹繁何須是桃李然後欲忘言擬折魂先斷須看眼更昏誰知南陌草却解望王孫

送盧潘尚書之靈武

賀蘭山下果園成塞北江南舊有名水木萬家朱戶暗弓刀千隊鐵衣鳴心源落落堪爲將膽氣堂堂合用兵却使六番諸子弟馬前不信是書生

題僧壁

一竹橫簷挂淨巾竈無煙火地無塵剃頭未必知心法要且閑於名利人

贈商山僧

商嶺東西路欲分兩間茅屋一溪雲師言耳重知師意人是人非不欲聞

長樂驛詔李湯給事題名

渭水秦川拂^{一作}眼明希仁^{一作}笑何事寡詩情只應學得虞姬壻書字纔能記姓名

句

爭揮鈞弋手競聳路搖身傷頰詎關舞捧心非効嘖襄陽風光亭夜宴有妓醉殿賦見記事

盧渥

盧渥字子章范陽人大中進士第歷中書舍人陝府觀察使終檢校司徒詩二首

賦得壽星見

玄象今何應時和政亦平祥為一人壽色映九霄明皎潔垂銀漢光芒近斗城舍規同月滿表瑞得天清甘露盈條降非煙向日生無如此嘉祉率土荷秋成

題嘉祥驛

交親榮餞洛城空乘鉞戎裝上將同星使自天丹詔下雕鞍照地數程中馬嘶靜谷聲偏響旆映晴山色更紅到後定知人易化滿街棠樹有遺風

郭夔^{一作}董

郭夔大中時江南進士詩一首

九華山

巖翠凌雲出迥然崑崙萬丈倚秋天暮風飄送當軒色曉霧斜飛入檻煙簾捲倚屏雙影聚鏡開朱戶九條懸畫圖何必家家有自有畫圖來目前

柳珪

柳珪公綽之孫大中中擢進士杜悰表為西川幕府後以藍田尉直弘文館遷右拾遺終衛尉少卿詩一首

送莫仲節狀元歸省

青驄聚送謫仙人南國榮親不及君
柳子味從今日近鷓鴣聲向舊山聞
孤後夜叫三湘月匹馬時侵五嶺雲
想到故鄉應臘過藥欄猶有異花薰

鄭嵎

鄭嵎字實先大中五年進士第詩一首

津陽門詩

津陽門者華清宮之外闕南局禁闕北走京道開成中嵎常得羣書下帷於石甕僧院而甚聞宮中陳迹焉今年冬自號而來暮及山下因解鞍謀餐求客旅邸而主翁年且艾自言世事明皇夜闌酒餘復為嵎道承平故實翼日於馬上輒裁刻俚叟之話為長句七言詩凡一千四百字成一百韻止以門題為之目云耳

津陽門北臨通遠雪風獵獵飄酒旗泥寒款段蹶不進疲童退問前何為酒家顧客催解裝案前羅列樽與卮青錢瑣屑安足數白醪軟美甘如飴開壚引滿相獻酬枯腸渴肺忘朝飢愁憂似見出門去漸覺春色入四肢主翁移客挑華燈雙肩隱膝烏帽歎笑云鮎老不為禮飄蕭雪鬢雙垂頤問余何往凌寒曠顧翁枯朽郎豈知翁曾豪盛客不見我自為君陳昔時時平親衛號羽林我纔十五為孤兒射熊搏虎衆莫敵彎弧出入隨飲飛

城路傳聲校獵渭水滑羽林六軍各出射籠山絡野張豈維彫弓繡韜不知數翻身滅没皆蛾眉赤鷹黃鸝雲中來妖狐狡兔無所依人煩馬殆禽獸盡百里腥膻禾黍稀中王有高麗赤鷹坡王有北山黃鸝遠翻奇姿特異他等上愛之每文體必置於前日為決勝兒暖山度臘東風微宮娃賜浴長湯池刻成玉蓮噴香液漱迴煙浪深逶迤宮內除供奉兩湯池內外更有湯十六所長湯每賜諸嬪御其修廣與諸湯不

三國爭光輝繞牀呼盧恣博張燈達晝相謾欺相君侈擬縱驕橫日從秦號多游嬉朱衫馬前未滿足更驅

武卒羅旌旗揚國忠為宰相帶劍南節度使常與素發畫輪寶軸從天來雲中笑語聲融怡鳴鞭後騎何躩躩官粧襟袖皆

仙姿青門紫陌多春風風中數日殘春遺驪駒吐沫一奮迅路人擁篲爭珠璣此下更重敘其事八姨新起合歡堂

翔鴉賀燕無由窺萬金酬工不冒去矜能恃巧猶嗟咨魏國創一堂價費萬金堂成工人償債之外更邀賞仗之直復受終羅五千段工者望而不顧國異之問其由上曰某生平之能彈於此矣苟不知信願得蝶蟻

張光鑿帷發國夜明林買於堂中光燭一室西瑞光樓南皆紫禁梨園仙宴臨花枝迎娘歌喉玉碎窳蠻兒舞帶金葦鞋瑞

三郎紫笛弄煙月怨如別鶴呼羈雌玉奴琵琶龍香撥倚歌促酒聲嬌悲上皇善吹笛當寶一紫玉

禁庭術士多幻化上前較勝紛相持羅公如意奪顏色三藏袈

裝成散絲上頌崇羅公遠揚祀尤信金剛三藏上嘗幸功德院將謂七聖殿忽然背痒公遠折竹枝化作七寶如意以進上大喜頓謂金剛曰上人能致此乎

夜半月中去二十六宮愁不歸月中秘樂天半間下瑞玉石和頃篔簹宸聰聽覽未終曲却到人間迷是非引上入

花萼樓南大合樂八音九奏鸞來儀都盧尋撞誠羅齋公孫劍伎方神奇馬知舞徹下牀榻人惜曲終更羽衣

甘言狡計愈嬌癡上每坐及宴會必令採山坐於御座側而以金雞障隔之賜其笑語太具又以爲子時極極戲而加之亦詔令上路建甲第

樓通走馬如飛翬大開內府恣供給玉缶金筐銀篋箕時於觀仁里南陌爲採山建甲第令中貴人督其事仍謂之曰御善爲部署採山

異謀潛熾促歸去臨軒賜帶盈十圍採山肥博過人腹垂而忠臣張公識逆狀日日切諫上弗疑張曲江先識其必反逆狀數

石勒而誤疑採山耳湯成召浴果不至潼關已溢漁陽師御街一夕無禁鼓玉輅順動西南馳其年賜柑子使回泣訴採山反狀云臣

九門回望塵空多六龍夜馭兵衛疲縣官無人具軍頓行宮徹屋屠雲螭時採山草履無御

馬寬驛前駕不發宰相射殺冤者誰長眉鬢髮作疑血空有君王潛涕洟青泥坂上到三蜀金堤城邊

止九旂移文泣祭昔臣墓度曲悲歌秋雁辭賀至蜀詔中貴人馳斧張曲江墓悔不納其諫又過劍閣下望山川忽憶不調辭云山川滿目淚沾衣當貴能幾時不見只今分水上唯有年年秋雁飛上泣然流涕顧問左右曰此謀人詩

武卒羅旌旗揚國忠為宰相帶劍南節度使常與素發畫輪寶軸從天來雲中笑語聲融怡鳴鞭後騎何躩躩官粧襟袖皆

從臣對曰此李端詩復檢明年尚父上捷書洗清觀關收封畿兩君相見望賢頓君臣鼓舞皆獻敬望賢宮在咸陽之東數里

泣曰李端真可謂才子也上皇自放傳國置於上上獻敬拜受左右皆泣曰不圖今日復觀兩君相見之禮駕將入關遠門上皇疑先後入門不決

楊真妃花膚雪豔不復見空有香囊和淚滋時肅宗詔令改葬太真高力士知其所在鬼坡驛西北十餘步當時乘輿初過無復備周身之

佩之鑾輿却入華清宮滿山紅實垂相思飛霜殿前月悄悄迎春亭下風颼颼飛霜殿即寢殿而白傅長恨歌以長生殿為寢殿

雪衣女失玉籠在長生鹿瘦銅牌垂象牀塵凝罨颯被畫檐蟲網頗梨碑太真養白鸚鵡西國所貢辨惠多辭上尤

鹿惟山人王冕識之曰此漢時鹿也上異之令左右周視之乃於角際雪毛中得銅牌子刻之曰宜春苑中白鹿上由是愈愛之移於北山目之曰仙客上止華清

院入金市但見銅壺飄翠帷開元到今踰十紀當初事跡皆殘隳竹花唯養棲梧風水藻周游巢葉龜會昌御

字斥內典去留二教分黃緇慶山汗踏石甕毀紅樓綠閣皆支離奇松怪柏為樵蘇童山督谷亡嶮熾煙中壁

碎摩詰畫雲間字失玄宗詩持國寺本名慶山寺德宗始改其額寺有綠額樓道而上天后朝以禁臣取宮中制度結構之石甕寺開元中以剝造華

一旦飛埃埋素規石魚巖下有天絲石其形如魚以貯飛泉故上以石甕為寺名寺僧於上層飛樓中懸鐘韓家燭臺倚林杪千枝燦若山

霞摘昔年光彩奪天月昨日銷鎔當路岐韓家燭臺高八十尺置於山上每至上龍宮御榜高可惜火焚牛挽臨崎峴

孔雀松殘赤琥珀鴛鴦瓦碎青琉璃寺額唐宗在藩邸中所題也標於危樓之上世傳孔雀松下有赤茯苓今我前程能幾許徒有餘

息筋力羸逢君話此空灑涕却憶歡娛無見期主翁莫泣聽我語寧勞感舊休吁嘻河清海宴不難覩我皇已

上昇平基涅中土地昔湮沒昨夜收復無瘡痍戎王北走棄青塚虜馬西奔空月支兩逢堯年豈易偶願翁願

養豐膚肌平明酒醒便分首今夕一樽翁莫違

崔櫓一作

崔櫓大中時舉進士一作廣明中進士仕為棣州司馬無機集四卷今存詩十六首

春白一本此下有長安二字即事

一百五日又欲來梨花梅花參差開行人自笑不歸去瘦馬獨吟真可哀杏酪漸香鄰舍粥榆煙將變舊爐灰

鄭嵎 崔櫓

五古

畫橋春煖清歌夜。官信愁腸日九迴。

春晚岳陽言懷二首

煙花零落過清明。異國光陰老客情。雲夢夕陽愁裏色。洞庭春浪坐來聲。天邊一與舊山別。江上幾看芳草生。獨倚闌干意難寫。暮笳鳴咽調孤城。

過蠻溪渡

綠楊如髮雨如煙。立馬危橋獨喚船。山口斷雲迷舊路。渡頭芳草憶前身。身隨遠道徒悲梗。詩賣明時不直錢。歸去楚臺還有計。釣船春雨日高眠。

岸梅

含情含怨一枝枝。斜壓漁家短短籬。惹袖尚餘香半日。向人如訴雨多時。初開偏稱一作雕梁畫未落先愁玉笛吹。行客見來無去意。解帆煙浦爲題詩。

重陽日次荆南路經武寧驛

茱萸冷吹溪口香。菊花倒遶山脚黃。家山去此強百里。弟妹待我醉重陽。風健早鴻高曉景。露清圓碧照秋光。莫看時節年年好。暗送搔頭逐手霜。

述懷

白首成何事。無歡可替悲。空餘酒中興。猶似少年時。

三月晦日送客

野酌亂無巡。送君兼送春。明年春色至。莫作未歸人。

華清宮三首

草遮回磴絕鳴鑿。雲樹深深碧殿寒。明月自來還自去。更無人倚玉欄干。障掩金雞蓄禍機。翠華西拂蜀雲飛。珠簾一閉朝元閣。不見人歸見燕歸。

門橫金鎖悄無人，落日秋聲渭水濱。紅葉下山寒寂寂，濕雲如夢雨如塵。

題雲夢亭

薄煙如夢雨如塵，霜景晴來卻勝春。好住池西紅葉樹，何年今日伴何人。

有酒失於處州陸郎中，肱以詩謝之。一作酒後謝陸處州

醉時顛蹶醒時羞，麴蘖推人不自由。巨耐一雙窮相眼，不堪花卉在前頭。

聞笛一作華清宮

銀河漾漾月暉暉，樓礙星邊織女機。橫玉叫雲天似水，滿空霜逐一聲飛。

山路見花

曉紅初一作輕拆露香新，獨立空山冷笑人。一作春意自知無主惜，恣風吹逐馬蹄塵。

暮春對花

病香無力被風欺，多在青苔少在枝。馬上行人莫回首，斷君腸是欲殘時。

句

強半瘦因前夜雪，數枝愁向晚天來。梅花以下並見雜言無人解把無塵袖，盛取殘香盡日憐。蓮花一番春雨吹巢冷，半朶

山花咽背香山謠雲生柱礎降龍地，露洗林巒放鶴天。菱葉乍翻人採後，荇花初沒舸行時。見池上詩史

李羣玉

李羣玉字文山，澧州人。性曠逸，赴舉一上而止。惟以吟詠自適，襄休觀察湖南，延致之。及為相，以詩論薦授弘文館校書郎。未幾乞假歸，卒。集三卷，後集五卷，今編詩三卷。

烏夜號一作啼

層波隔夢渚一作時，一望青楓林。有鳥在其間，達曉自悲吟。是時月黑天四野，煙雨深如聞。生離哭其聲，痛人心悄悄。夜正長，空山響。哀音遠，客不可聽。坐愁華髮侵，既非蜀帝魂，恐是桓一作桓山禽。四子各分散，母聲猶至今。

昇仙操

羸女去秦宮。瓊筵一作飛生碧空鳳臺閉。煙霧鸞吹飄。天風復聞周太子。亦遇浮丘公。鼓簧發天一作仙弄。輕舉紫霞中。濁世不久駐。清都路何窮。一去霄漢上。世人那得逢。

雨夜呈長官

遠客坐長夜。雨聲孤寺秋。請量東海水。看取淺深愁。愁窮重於山。終年壓人頭。朱顏與芳景。暗赴東波流。鱗翼思風水。青雲方阻修。孤燈冷素豔。蟲響寒房幽。借問陶淵明。何物說忘憂。無因一醅酒。高枕萬情休。

小弟艤南遊近書來一作近來書

湘南客帆稀。遊子寡消息。經時停尺素。望盡雲邊翼。笑言頻一作思夢寐。獨立想容色。落景無來人。修江入天白。停倚門念。瑟瑟風雨夕。何處泊扁舟。迢遞湍波側。秋歸舊窗竹。永夜一淒寂。吟爾鵲鴿篇。中宵慰相憶。

贈方處士

白衣方外人。高閑溪中鶴。無心戀稻梁。但以林一作雲泉樂。赤霄終得意。天池俟飛躍。歲晏入帝鄉。期君在寥廓。

秋怨一作悲

瑟瑟涼海氣。西來送愁容。金風死綠蕙。玉露生寒松。所思在溟一作冥碧。無因一相逢。登樓睇去翼。目盡滄波重。虛窗度流螢。斜月啼幽蛩。疎紅落殘艷。冷水凋芙蓉。歲暮空太息。年華逐遺踪。凝情耿不寐。攬涕起疎慵。

感春

春情不可狀。豔豔令人醉。暮水綠楊愁。深窗落花思。吳宮新暖日。海燕雙飛至。秋一作愁思逐煙光。空濛滿天地。

山中秋夕

抱琴出南樓。氣爽浮雲滅。松風吹一作吟天簫。竹路踏碎月。後山鶴唳定。前浦荷香發。境寂良一作長夜深了。與人間別。

將遊羅浮登廣陵楞伽臺別羽客

清遠登高臺。晃朗縱覽歷。濯泉喚仙風。於此盪靈魄。冷光邀一作激遠目。百里見海色。送雲歸蓬壺。望鶴滅秋碧。波瀾收日氣。天自一作上回澄寂。百越落掌中。十洲點空白。身居飛鳥上。口詠玄元籍。飄如出塵籠。想望吹簫客。冥冥人間世。歌笑不足惜。竭來羅浮巔。披雲煉瓊液。謝公雲岑興。可以躡高跡。吾將抱瑤琴。絕境縱所適。

盧溪道中

曉發潺湲亭。夜宿潺湲水。風篁掃石瀨。琴聲九十里。光奔覺來眼。寒落夢中耳。曾向三峽行。巴江亦如此。

湖中古愁三首

涼風西海來。直渡洞庭水。脩脩木葉下。白浪連天起。蘼蕪委皓雪。百草一時死。摧殘負志人。感歎何窮已。昔我覆雲夢。窮秋經汨羅。靈均竟不返。怨氣成微波。真桂開古祠。朦朧入幽蘿。落日瀟湘上。淒涼吟九歌。南雲哭重華。水死悲二女。天邊九點黛。白骨迷處所。朦朧波上瑟。清夜降北渚。萬古一雙魂。飄飄在煙雨。

別秋佩

翠竹不著花。鳳雛長忍飢。未開丹霄翮。空把碧梧枝。聖人奏雲韶。祥鳳一來儀。文章耀白日。衆鳥莫敢窺。鬱抑一作不自言。凡鳥何由知。當看九千仞。飛出太平時。

古鏡

明月何處來。朦朧在人境。得非軒轅作。妙絕世莫竝。瑤匣開旭日。白雷走孤影。泓澄一尺天。徹底寒霜景。冰輝凜毛髮。使我肝膽冷。忽驚行深幽。面落九秋井。雲天入掌握。爽朗神魂淨。不必負局仙。金沙發光炯。陰沈蓄靈怪。可與天地永。恐為悲龍吟。飛去在俄頃。

我思何所在

我思何所在。乃在陽臺側。良宵相望時。空此明月色。歸魂泊湘雲。飄蕩去不得。覺來理舟楫。波浪春湖白。煙光浩楚秋。瑤草不忍摘。因書天末一作心。繫此雙飛翼。

送蕭綰之桂林

蘭香一作佩蘭人。弄蘭一作蘭江春。爾為蘭林秀。芳藻驚常倫。燦燦鳳池喬。一毛今再新。竹花不給口。憔悴清湘濱。一朝南溟飛。彩翮不可親。蒼梧雲水晚。離思空凝颯。我亦縱煙櫂。西浮彭蠡津。丈夫未虎變。落魄甘風塵。大禹惜寸陰。況我無才身。流光銷道路。以此生嗟辛。萬里濶分袂。相思杳難申。桂水秋更碧。寄書西上鱗。

感興四首

子雲吞白鳳。遂吐太玄書。幽微十萬字。枝葉何扶疎。婉孌猛虎口。甘言累其初。一觀美新作。斯瑕安可除。昔竊不死藥。奔空有一作嫦娥。盈盈天上豔。孤潔棲金波。織女了無語。長宵隔銀河。軋軋揮素手。幾時停玉梭。

洞房三五夕。金釭凝焰滅。美人抱雲和。斜倚紗窗月。沈吟想幽夢。闌思深不說。冷玉指寒含。顰待一作明發。
朝雁一作雁。銜邊秋。寒聲落燕代。先驚愁人耳。顏髮潛消改。疑雲蔽洛浦。夢寐勞光彩。天邊無書來。相思淚成海。

將之吳越留別坐中文酒諸侶

秋色滿水國。江湖興蕭然。氛埃斂八極。萬里淨澄鮮。洛浦縱孤權。吳門渺三千。迴一作隨衡陽雁。南入洞庭天。早
聞陸士龍。矯掌跨山川。非思鱸魚膾。且弄五湖船。暝泊遠浦霞。曉飯蘆洲煙。風流訪王謝。佳境恣洄沿。霜剪別
岸柳香枯。北池蓮歲華。坐搖落寂寂一作感流年。明朝即漂萍。離憾一作無由宣。相思空江上。何處金波圓。

大雲池泛舟第五句 缺三字

九月蓮花死。萍枯霜水清。船浮天光遠。櫂拂翠瀾輕。古木了無煙靄生游鱗。泳皎潔洞見。逍遙情漁父
一曲歌滄浪。遂知名未知。斯水上可以濯吾纓。

送友人之此下本 有正字峽

東吳有賦客。願識陽臺仙。彩毫飛白雲一作不滅。郢中篇楚水。五月浪輕舟。入暮煙巫雲多感夢。桂楫早回旋。
登宜春醉宿景星寺寄鄭判官兼簡空上人

曉發碧水陽。暝宿金山寺。松風灑寒雨。浙瀝醒餘醉。夜中香積飯。蔬粒俱一作精異。境寂滅塵愁。神高得詩思。皎
皎榮陽子。芳春富才義。漲海豁心源。冰壺見門地。碧霄有鳩一作序。未展聯行翅。俱一作笑一尺繩。三年絆騏驥。

摧藏擔簦客一作鬱抑胸襟事。名業爾一作未從。臨風嘿舒志一作一身渺一作雲嶺。中夜空涕泗。側枕對孤燈。衾寒不
成寐。糧薪極桂玉。大道生榛刺。耻息惡木陰。難書劔歌意。揚鞭入莽蒼。山驛凌煙翠。越鳥日南飛。芳音願相次。

江樓獨酌懷從叔

水國發爽氣。川光靜高秋。酣歌金尊醪。送此清風愁。楚色忽滿目。灘聲落西樓。雲翻天邊葉。月弄波上一作鉤。芳
意長一作搖落。蘅蘭謝汀洲。長吟碧雲合。悵望江之幽。

登章華樓

楚子故宮地。蒼然雲水一作秋。我來覽從一作後。事落景空生愁。伯業沒荆棘。雄圖成古丘。沈吟問鼎語。但見東波流。
征鴻引鄉心。一去何悠悠。晴湖碧雲晚。暝色空高樓。迢迢趨遠嶠。微茫入孤舟。空路不堪望。西風白浪稠。

洞庭入澧江寄巴丘故人

四月桑半枝吳蠶初弄絲江行好風日燕舞輕波時去事旋成夢來歡難預期唯憑東流水日夜寄相思

自澧浦東遊江表途出巴丘投負外從公虞

短翮後飛者前攀鸞鶴翔力微應萬里一作點矯首空蒼蒼誰昔探花源考槃西岳一作丘陽高風動商洛綺皓無馨香
一朝下蒲輪清輝照巖廊孤醒立衆醉古道何由昌經術震浮盪國風掃齊梁文襟即玄圃筆下成琳琅霞水
散吟嘯松筠奉琴觴冰壺避皎潔武庫羞一作差鋒鏑小子書代耕東髮頰自強艱哉水投石壯志空摧藏十年侶
龜魚垂頭在沅湘巴歌揜白雪鮑肆埋蘭芳騷雅道未喪一作消何憂名不彰飢寒束困厄默塞飛星霜百志不成
一東波擲年光塵生脫粟甑萬里違高堂中夜恨火來焚燒九回腸平明梁山淚綠枕露匡牀依泊洞庭波木
葉忽已黃哀礫擣秋色曉月啼寒蟄復此擢孤舟雲濤浩茫茫朱門待媒勢一作勢短褐誰揄揚仰羨野陂鳧無心
憂稻梁不如天邊雁南北皆成行男兒白日間變化未可量所希困辱地剪拂成騰驥咋筆話肝肺詠茲枯魚
章何由首西路目斷白雲鄉

洞庭驛樓雪夜讌集奉贈前湘州張員外第十二句下缺字

昔與張湘州閑登岳陽樓目窮衡巫表典盡荆吳秋擲筆落郢曲巴人不能酬是時簪裾會景物窮冥搜誤忝
瑋筵秀得陪文苑遊幾篇雲楮上風雨沈銀鈎
滄洲童兒待郭伋竹馬空遲留路指雲漢

津誰能吟四愁銀壺傲海雪青管羅名謳賤子迹未安謀身拙如鳩分隨煙霞老豈有風雲求不逐萬物化但
貽知己羞方窮一作力命說戰勝心悠悠不然蹲會稽鈎下三一作二五牛所期波濤助燁赫呈吞舟一本自童兒以下另為一首題作滄洲

送鄭子寬棄官東遊便歸女几

八月湖浸天揚帆入秋色岷峨雪氣來寒漲瀟湘碧子真真鴻志不逐籠下翼九女疊雲屏於焉恣栖息新詩
山水思靜入陶謝格一作室因一作因醉松花春追攀紫煙客相逢十年舊嘖笑等歡憾一飯玉露蔬一作錄中腸展堆積停
食不盡意傾一作帳可惜雲水一分飛離憂洞庭側迴車三鄉路仙菊正堪摘寄謝杜蘭香何年別張碩

長沙九日登東樓觀舞

南國有佳人輕盈綠腰舞華筵九秋暮飛袂拂雲雨翻如蘭茗翠一作綠如婉如一作若游龍舉越豔龍前溪吳姬停白紵

慢態不能窮繁姿曲向終低回蓮破一作破浪凌亂雪縈風墜珥時流盼修裾欲逸空唯愁捉不住飛去逐鷺瀉

龍山人惠石廩方及團茶

客有衡岳隱遺余石廩茶自云凌煙露采掇春山芽珪璧相歷疊積芳莫能加碾成黃金粉輕嫩如松花紅鑪爨霜枝越兒斟井華灘聲起魚眼滿鼎漂清霞凝澄坐曉燈病眼如蒙紗一甌拂昏寐襟鬲開煩拏顧渚與方山誰人留品差持甌默吟味搖膝空咨嗟

宿烏遠峽化一作北臺遇風雨

孤鶴長松顛獨宿萬巖雨龍湫在石脚引袂時一取驚風折喬木飛焰獵窗戶半夜霹靂聲高齋有人語

岳陽春晚

不覺春物老塊然湖上樓雲沙鷓鴣思風日沅湘愁去翼滅雲夢來帆指昭丘所嗟芳桂晚寂寞對汀洲

漢陽春晚

漢陽抱青山飛樓映湘渚白雲蔽黃鶴綠樹藏鸚鵡憑高送春日一作日流恨傷千古遐思一作想禰衡才令人怨黃祖

將離澧浦置酒野嶼奉懷沈正字昆弟三人聯登高第

春月一作日三改兔花枝成綠陰年光東流水浩歎傷羈心的桂煙煥晚鳩一作鳴江草深良圖一超忽萬恨空相尋

上國一作列翹楚才微甘陸沈無銜假貧女有淚沾牛衾衡岳三麒麟各振黃鐘音卿雲被文彩芳價一作頌詞林

夫子芸閣英養鱗湘水潯晴沙踏蘭菊隱几當青岑明月一作日洞庭上悠揚挂離襟停觴一搖筆聊寄生芻吟

湘中別成威閣黎

至哉彼上人冰霜凜規則遊心杳何境宴坐入冥默解空與密行名臘信崇德吐論駕秋濤龍宮發胸臆羣迷行大夜浩浩一昏黑赤水干丈深玄珠幾人得持栴提一作提溟漲至理安可測寧假喻芭蕉真成嗅蒼菊松聲掃白月霽夜來靜域清梵罷法筵天香滿衣襟一作襟何方濟了岸祗仗慈航力願與十八賢同棲翠蓮國

別尹鍊師

吾家五千言至道懸日月若非函谷一作關令誰注流沙說多君飛昇志機悟獨超拔學道玉笥山燒丹白雲穴南窮衡疑秀采藥歷幽絕夜卧瀑布風朝行碧巖雪洞宮四百日玉籍恣探閱徒以菌蟪姿緬攀修真訣塵籠罩

浮世遐思空飛越一罷棋酒歡離情滿寥泬願騎紫蓋鶴早向黃金闕城市不可留塵埃穢仙骨

飯僧

好讀天竺書為尋無生理焚香面金偈一室唯巾水交信方外言一作所交信方外二三空門子峻範照秋霜高標揜僧史
清晨潔蔬茗延請良有以一落喧譁競一作聲栖心願依止奔曦入半百冉冉頽濛汜雲沉名利心風輕一作輕是非齒
向一作尚為情愛縛未盡金仙旨以靜制猿心將虞營然起綸巾與藜杖此意真已矣他日雲壑間來尋幽一作幽居士

贈回雪

回雪舞縈盈縈盈若回雪腰支一把玉祗恐風吹折如能買一笑滿斗量明月安得金蓮花步步承羅襪

將之京國贈薛員外

黃葉下空館寂寥寒雨愁平居歲華晏絡緯啼林幽節物凋壯志咄嗟不能休空懷趙鞅歎歎變化良無由所思
杳何如側身仰一作望皇州蒼煙晦楚野寒浪埋昭丘趙壹賦命薄陳思多世憂翻然羨魚鳥暢矣山川遊薛公龍
泉姿其氣在斗牛南冠束秀一作秀髮白石勞悲謳圭衮照崇闕一作闕文儒嗣箕裘曠然方寸地霽海浮雲舟澧浦一
遺佩郢南再悲秋叫關路既阻浩蕩懷靈修莫奏武漢笛且一作是登仲宣樓亨通與否閉物理相沈浮天子坐宣
室夔龍奉謨一作謀猷行當賜環去豈作遺賢羞

送魏珪覲省

木落楚一作秋色深風高浪花白送君飛一葉鳥逝入空碧猗猗白華秀傷心倚門夕不知雲漲遙萬里看咫尺蕭
蕭青楓岸去揜江山一作上宅離觴有黃花節物助淒戚瀟湘入瀟桂一路縈水石煙蘿拂行舟玉瀨鏘枕席多君
林泉趣耽耽日成癖長嘯凌清暉襟情當雪一作雪滌登龍屈指內飛譽甚籍籍未折月中枝寧隨宋都鴟一作日余
吞聲地舉足傷瓦礫見爾一開顏温明乃珠璧春風到雲嶠把酒時相憶豈蕊花入船鷓鴣啼送客颺天與瘴
一作瘴海此去備公歷珍重春官英加餐數刀帛

始忝四座奏狀聞薦蒙恩授官旋進歌詩延英宣賜言懷紀事呈同館諸公二十四韻

兩鬢有二毛光陰流浪中形骸日土木志氣隨雲風冥默楚江畔蕭條林巷空幽鳥事翔翥斂翼依蒿蓬一飯
五放箸愀然念途窮孟門在步武所向何由通祗微一作微大易言物否不可終庶期白雪調一奏驚凡聾昨忝丞

相召揚鞭指冥鴻姓名挂丹詔文句飛天聰解薜龍鳳署懷鉛蘭桂叢聲名仰聞見煙漢陪高蹤我我羣玉山
肅肅紫殿東神飈泛鐘漏佳氣浮筠松自顧珉珠璞何緣侶圭琮羣賢垂重價省已增磨礪天子棲穆清三台
付夔龍九霄降雨露萬國望時雍巍巍致君期勛華將比崇承天四柱石巖若窺衡嵩日見帝道昇謀猷垂景
鍾寰瀛納壽域翔泳皆冲融百神儼云亭佇將告成功吾徒事文藻驥首歌登封

穆天子

穆滿恣逸志而輕天下君一朝得八駿逐日西溟濱寂漠一作寥崦嶮幽絕迹留空文三千闕一作開宮豔怨絕寧勝云

或言帝軒轅乘龍凌紫氛橋山葬弓劍一作昧竟難分不思五弦琴作歌詠南薰但聽西王母瑤池吟白雲

廣州重別方處士之封川久約同遊羅浮期素秋而行

楚國傲名客九州徧芳聲一作馨白衣謝簪紱雲卧重巖高長波飛素舸五月下南溟大笑相逢日天邊作酒星

一作七年一雲雨常恨輝容隔天末又分襟離憂鬢堪白願回凌一作陵潮檝且著登山屐共期羅浮秋與子醉海色

洞庭遇秋

塵愁老來顏久與江山一作上隔道遙澄湖上洗眼見秋色涼波弄輕權湖一作相月生遠碧未減遙客情西望杳何極

寄短書歌

骨肉萍蓬各天末十度附書九不達孤臺冷眼無來人楚水秦天莽空濶翔雁橫秋過洞庭西風落日浪崢嶸

三年音信凝顰外一曲哀歌白髮生

王內人琵琶引結曉翻以下缺

檀槽一曲黃鍾羽細撥紫雲金鳳語萬里胡天海塞秋分明彈出風沙愁三千宮嬪推第一斂黛傾鬟豔蘭室

羸女停吹降浦簫一作帝娥淨揜空波瑟瑟幕橫雲蠟燭光銀龍吐酒菊花香皓魄一作翻

醒起獨酌懷友

西風靜夜吹蓮塘芙蓉破紅金粉香摘花把酒弄秋芳吳雲楚水愁茫茫美人此夕不入夢獨宿高樓明月涼

競渡時在湖外偶為成章

雷奔電逝三千兒彩舟畫楫射初暉喧江雷鼓鱗甲動三十六龍銜一作街浪飛靈均昔日投湘死千古沈魂在湘

水綠一作草斜一作煙日暮時笛聲幽遠一作愁江鬼

新荷

田田八九葉散點綠池初嫩碧繞平水圓陰已蔽魚浮萍遮不令弱荷繞猶疎半在春波底芳心卷未舒

初月二首

灑灑流光淺娟娟汎露一作輕雲間龍爪落簾上玉鉤明桂樹枝猶小仙人影未成欲為千里別倚幌獨含情
疑舉立戶前細魄向娟娟破鏡徒相問刀頭恐隔年輕輕搖遠水脉脉下春煙別後春江上隨人何處圓

石猪一作猪

古岸陶為器高林盡一焚燄紅湘浦口煙濁洞庭雲迴野煤飛亂遙空爆響聞地形穿鑿勢恐到祝融墳

雲安

灘惡黃牛吼城孤白帝秋水寒巴字急歌迴竹枝愁樹暗一作荆王館雲昏蜀客舟瑤姬不可見行雨在高丘

石頭城

伯業隨流水寒蕪上古城長空橫海色斷岸落潮聲八極悲一作扶柱五湖來一作止傾東南天子氣掃地入函京

湖澗一作澗

楚色籠青草秋風一作洗洞庭夕霏生水寺初月盡一作雲汀權響來空澗漁歌發一作杳冥欲浮闌下艇一到斗牛星

失鶴

瑤臺煙霧外一去不回一作心一作清一作海蓬壺遠秋風碧落深隨翎留片雪雅操入孤琴豈一作是籠中物雲蘿

莫更一作尋

臘夜雪霽一作月彩交光開閣臨軒竟睡不得命家一作僕吹笙數曲獨引一壺奉寄江陵副使杜中丞

月華臨霽雪皓彩射貂裘桂酒寒無醉銀笙凍不流懷哉梁苑客思作剡溪遊竟夕吟瓊樹川途恨一作阻修

長沙陪裴大夫登北樓

巖嶂隨高步琴尊奉勝遊金風吹綠簾湘一作水入朱樓朗抱雲開月高情鶴見秋登臨多暇日非為賦消憂

登蒲澗寺後二巖三首

五仙騎五羊何代降茲鄉澗有堯年
韭山餘禹日糧樓臺籠海色草樹發一作美天香浩一作吟嘯一作笑波一作秋光一作連波裏浮溟
興甚長

行盡崎嶇路驚從汗漫遊青天豁眼快一作容碧海醒心秋便欲尋河漢因之犯斗牛
九霄身自致一作到何必過一作問浮

丘一作揚帆赴飛鳥一濟日邊舟

南溟吞越絕絕望碧鴻濛龍渡潮聲裏雷喧雨氣中趙佗丘壘滅馬援鼓鞞空
遐想魚鵬化開襟九萬風

早鴻

木落波浪動南飛聞夜鴻參差天漢霧嘹唳月明風野水蓮莖折寒泥稻穗空
無令一行侶相失五湖中

旅泊

搖落江天裏飄零倚客舟短篇纔遣悶小醺不供愁沙雨潮痕細林風月影稠
書空閑度日深擁破貂裘

半醉

處俗常如病看花亦似秋若無時復酒寧遣鎮長愁漸覺身非我都迷健與周
何煩五色藥尊下即丹一作丹丘

晝寐一作發

筠桂晚蕭疎任人嘲宰予鳥驚林下夢風展枕前書正作莊生蝶誰知惠子魚
人間無樂事直擬到華胥

晚蓮

露冷芳意盡稀疎空碧荷殘香隨暮雨枯葉隨寒波楚客罷奇服吳姬停一作倚櫂歌
涉江無可寄幽恨竟如何

將之番禺留別湖南府幕

本乏煙霞一作志那隨鷺鷥遊一枝仍未定數粒欲何求溟漲道途遠荆吳雲一作暮雪愁會登梅嶺翠
南翫入炎洲

宵民

大雅無憂怨宵民有愛憎魯侯天不遇臧氏爾何能慘慘心如虺營營舌似蠅
誰於銷骨地一鑿玉壺冰

吾道

吾道成微哂時情付絕言風兮衰已盡犬也吠何繁輕重憂衡曲妍媸慮鏡昏
方忻耳目淨誰到翟公門

與三山人夜話一作與僕陽夏侯
吳三山人夜話

靜談雲鶴一作趣高會兩三賢酒思彈琴夜茶芳向火天兔裘堆膝暖鳩杖倚牀偏各賦池籠窄相看意浩然

春寒

撥火垂簾夕將暄向冷天悶斟壺酒暖愁聽雨聲眠處世心悠一作爾干時思一作索然春光看已半明日又藏煙

廣江驛餞筵留別

別筵欲盡秋一醉海西樓夜雨寒潮水孤鐘萬里舟酒飛鸚鵡重歌送鷓鴣愁惆悵三年客難期此處遊

桑落洲

九江寒露夕微浪北風生浦嶼漁人火蒹葭鳧雁聲頽雲晦廬岳微鼓辨溢城遠憶天邊弟曾從此路行

杜門

且詠閑居賦飛翔去未能春風花嶼酒秋雨竹溪鐘世路變陵谷時情驗友朋達生書一卷名利付春冰

池州封員外郡齋雙鶴丹頂霜翎仙態浮曠罷政之日因呈此章

瀟灑二白鶴對之高興清寒溪侶雲水朱閣伴琴笙頽墓稻梁惠超遙江海情應攜帝鄉去仙闕看飛鳴

經費拾遺所居呈封員外

雲臥竟不起少微空隕光唯應孔北海為立鄭公鄉舊館苔蘚合幽齋松菊荒空餘書帶草日日上階長

送秦鍊師

紫府靜沈沈松軒思別琴水流寧有意雲汎本無心錦洞桃花遠青山竹葉深不因時賣藥何路更相尋

湘陰縣送遷客北歸

不須留意茲重遣世人疑瘴染面如藥愁熏頭似絲黃梅住兩外青草過湖時今日開湯網冥飛亦未遲

九日陪崔大夫燕清河亭

玉醴浮金菊雲亭敞玳筵晴一作山低畫浦斜雁遠書天謝眺離都日殷公出守年不知瑤水燕誰和一作白雲篇

近見去年聖
製黃菊聯句

送房處士閑遊

採一作主藥陶貞白尋山許遠遊刀圭藏妙用巖洞契冥搜花月一作三江水琴尊一葉舟羨君隨野鶴一作性長揖稻梁愁

贈花

酒為看花醞花須趁酒紅莫一作真令芳樹晚使我綠尊空金谷園無主桃一作仙源路不通縱非乘露折一作酒長短盡隨風

洞庭風雨二首

面南一片黑俄起北風顛浪潑巴陵樹雷燒鹿角田一作草魚龍方簸蕩雲雨正喧聞想藉君山日秦皇怒赫然

巨浸吞湘一作沉澧西風忽怒號水將天共黑雲與浪爭高羽化思乘鯉山漂欲一作長打鰲陽烏猶曝翅真一作直恐濕蟠桃

臨水薔薇

堪愛一作恨復堪傷無情不久長浪搖千臉笑一作淚風舞一叢芳一作身似濯文君錦如窺一作帝漢女妝所思雲雨外何處寄

馨香

中秋維舟君山看月二首一本作長律一首

汗漫鋪澄碧朦朧吐玉盤雨師清滓穢川后掃波瀾氣射絲星滅光籠八表寒來從雲漲迴路上碧霄寬

熠燿遊何處蟾蜍食漸殘權翻銀浪急林映白虹攢練彩連河曉冰暉壓樹乾夜深高不動天下仰頭看

桂州經佳人故居琪樹一本無琪樹二字

種樹人何在攀枝空歎嗟人無重見日樹有每年花滿一作舊院雀一作燕聲莫半庭春景一作色斜東風不知恨徧地落餘霞

贈元紱

相逢在總角與子即同心隱石那知玉披沙始一作喜遇金蘭秋香不死松晚翠方深各保芳堅性寧憂霜霰侵

中秋廣江驛示韋益

莫惜三更坐難消萬里情同看一片月俱在廣州城波逐金波滿魂隨夜鵲一作鷓支頤鄉思斷無語到雞鳴

九日越臺

旭日高山上秋天大海隅黃花羅糗糒絳實簇茱萸病久歡情薄鄉遙客思孤無心同落帽天際望歸途

中秋越臺看月

海雨洗塵一作煙埃月從空碧來水光籠草樹練影挂樓臺皓曜迷鯨目晶熒失蚌胎宵分凭檻望應合見蓬萊

長沙開元寺昔與故長林許侍御題松竹一作石聯句

墻陰數行字懷舊憐傷情薛荔侵年月莓苔壓姓名逝川前後水浮世短長生獨立秋風暮疑舉隔郢城

傷友

玉棺來九天鳧鳥掩窮泉蕪沒池塘嶼一作與淒涼翰墨筵短期存大夢舊好委浮煙我有幽蘭曲因君遂絕弦

法性寺六祖戒壇

初地無階級餘基數尺低天香開茉莉梵樹落菩提一作俗生真性青蓮出淤泥何人得心法衣鉢在曹溪

東湖二首

晚景微雨歇逍遙湖上亭波闊魚弄餌樹靜鳥遺翎性野難依俗詩玄自入冥何繇遂瀟灑高枕對雲汀

雨氣消殘暑蒼蒼月欲升林間風捲簾閣下水搖燈迴野垂銀鏡層巒挂玉繩重期浮小楫來摘半湖菱

湖閣曉晴寄呈從翁二首

嶺日開寒霧湖光蕩霽華風鳥搖逕一作經柳水蜨戀幽花蜀國地西極吳門天一涯輕舟欄下去點點入湘霞

高秋憑遠檻萬里看新晴重霧披天急千雲觸石輕湖山四五點湘雁兩三聲遙想潘園裏琴尊興轉清

同張明府遊漢水亭

草色綠溪晚梅香生殼文雲天斂餘霽水木籠微曛垂釣坐方一作芳嶼幽禽時一聞何當五柳下酌醴吟庭筠

七月十五夜看月

朦朧南溟月泓湧出雲濤下射長鯨眼遙分玉兔毫勢來星斗動路越青冥高竟夕瞻光彩昂頭把白醪

北風

病髮乾垂枕臨風強起梳蜨飛魂尚弱蟻鬪體猶虛瘦骨呻吟後羸容几杖初庭幽行藥靜涼暑一作暑翠筠疎

遊玉芝觀

尋仙向玉清獨倚雪初晴木落寒郊迴煙開疊嶂明片雲盤鶴影孤磬雜松聲且共探玄理歸途月未生

中秋夜南樓寄友人

海月出銀白一作浪湖光射高樓明吟無添酒賤價買清秋氣冷魚龍寂輪高星漢幽他鄉此夜客對景一作酌餞多愁

三月五日陪裴大夫汎長沙東湖

一作張又新詩

上已餘風景芳辰集遠坳綵舟浮滉蕩繡轂下娉婷林榭回蔥蒨笙歌轉杳冥湖光迷翡翠草色醉蜻蜓鳥弄桐花日魚翻穀雨萍從今留勝會誰肯一作看畫蘭亭

適

靜養千年壽重泉自隱居不應隨跛鼈寧肯滯凡魚靈腹唯玄露芳巢必翠蕖揚花一作先輸蚌蛤弄月恨蟾蜍曳尾辭泥後支牀得水初冠山期不小鑄印事寧虛有志酬毛寶無心畏豫且他時清洛汭會薦帝堯書

○長沙春望寄洛陽故人

清明別一作前後雨晴時極浦空顰一望眉湖畔春山煙黯黯一作點雲中遠樹黑一作墨離離依微水戍聞疎鼓掩映河橋見酒旗風暖草長愁自一作似醉行吟無處寄相思

○金塘路中

山連一作川楚越復吳秦蓬梗何年是住身黃葉黃花古城路秋風秋雨別家人冰霜想一作怯度商於一作村凍桂玉愁居帝里貧十口繫心拋不得每回回首即長顰

○自遣

翻覆升沈百歲中前途一半已成空浮生暫寄夢中夢世事如聞風裏風修竹萬竿資閒寂一作落古書千卷要窮通一壺濁酒暄和景誰會陶然失馬翁

○送于少監自廣州還紫邏

鳴皋一作馬山水似麻源謝監東還憶故一作舊園海嶠煙霞輕一作輪逸翰洛川花木待回軒宦情薄去詩千首世事閑來酒一尊明日中書見顏范一作範始一作如應通籍入金門

○石門韋明府為致東陽潭石鯽一作鱸鱸

錦鱗銜餌一作釣出清漣暖日江亭動鱸筵疊雪亂飛消著底散絲籜灑拂刀前太湖浪說朱衣鮒漢浦休誇縮項鱸雋味品流知第一更勞霜橘助芳鮮

規公業在淨名得甚深義僕近獲顧長康月宮真影對戴安道所畫文殊走筆此篇以屈瞻禮

五濁之世塵冥冥達觀棲心于此經但用須彌藏芥子安知牛跡笑東溟生公吐辯真無敵顧氏傳神實有靈
今日淨開方丈室一飛白足到茅亭

玉真觀

高情帝女慕乘鸞紺髮初簪玉葉冠公主玉葉冠時人莫計其價秋月無雲生碧落素葉寒一作露露出清瀾層城煙霧將歸遠浮世
塵埃久住一作難一自一作日簫聲飛去後洞宮深掩一作洞碧瑤壇深空探

辱綿州于中丞書信

一絨垂露到雲林中有孫陽念驥心萬木自凋山不動百川皆一作空旱海一作水長深風標想見瑤臺鶴詩韻如聞淥
水琴他日縱陪池上酌已應難到暝猿吟湯疾漸加酒戶日減

送崔使君蕭山禱雨甘澤遽降

謝公一拜敬亭祠五馬旋歸下散絲不假土龍呈天矯自然石燕起參差預聽禾稼如雲語應有空濛似霧時
一作詩已向為霖報消息潁川徵詔是前期

重經巴丘追感開成初陪故員外從前詩酒遊泛

昔年高接李膺歡日汎仙舟醉碧瀾詩句亂隨青草發一作落酒腸俱逐洞庭寬浮生聚散雲相似往事微茫一作冥夢
一般今日片帆城下去一作過秋風回首淚闌干

湘陰江亭却寄友人

湘岸初晴淑景暹風光正是客愁時幽花暮落騷人浦芳草春深帝子祠往事隔年如過夢舊遊回首謾勞一作追
思煙波自此扁舟去小酌文園一作酌香未期酒聯文

哭郴州王使君

銀章朱紱照雲馳六換魚書惠化崇瑤樹忽傾滄海裏一作蒼醉鄉翻在夜臺中東山妓逐飛花散北海尊隨逝
水空曾是綺羅筵上客一來長慟向春風

九日巴丘楊公臺上讌集一本無上字

淒淒霜日上高臺水國秋深客思哀萬疊銀山寒浪起一作去一行斜字早鴻來誰家擣練孤城暮何處題衣遠信

回江漢路長身不定菊花三笑旅萍開

○奉和張舍人送秦鍊師歸岑公山

仙翁歸臥翠微岑一作一夜西風月峽深一作松逕一作定知芳草合玉書應念素塵侵閑雲不繫東西影野鶴寧知一作去住心蘭浦蒼蒼春欲暮落花流水怨一作離琴一作樓

○送陶少府赴選

陶君官興本蕭疎長傍青山碧水居久向三茅窮藝術仍傳五柳舊琴書迹同飛鳥棲高樹心似閑雲在太虛自是葛洪求藥價不關梅福戀簪裾

○寄張枯枯亦未面頰寄聲相問

越水吳山任興行五湖雲月挂高情不遊都邑稱平子只向江東作步兵昔歲芳聲到童稚老來一作佳句徧公卿如一作君氣力波瀾地留取陰何沈范名

寄長沙許侍御

三一作年文會許追隨和徧南朝一作雜體詩未把一作彩毫還郭璞乞留殘錦與丘遲竹齋琴酒歡成夢水寺煙霞賞一作對誰今日秋風滿湘浦祇應一作搔首詠瓊枝

○望月懷友一作寄人

浮雲卷盡看一作月腫隴直出滄溟上碧空盈手水一作光寒不濕流天素彩一作靜無風酒花蕩漾金尊裏擢影飄飄玉浪中川路正長難可越美人千里思何窮

○和吳中丞悼笙妓

麗質仙姿煙逐風鳳皇聲斷吹臺一作空多情草色怨還綠無主杏花春自紅隨珥尚存芳樹下餘香漸減一作玉堂中唯應去抱雲和管從此長歸阿母宮

薛侍御處乞鞵

越客南來誇桂麀良工用意巧縫成看時共說茱萸皺著處嫌無鸚鵡鳴百里奚身悲甚似五羊皮價敢全輕日於文苑陪高步贏得芳塵接武名

九子坡一作坂聞鷓鴣

落照蒼茫秋草明。鷓鴣啼處遠人行。正穿詰一作居曲崎嶇路更聽鉤輅格磔聲。曾泊桂江深岸雨亦于梅嶺阻歸程。此時為爾腸干斷。乞放一作定是今宵白髮生。

涼公從叔春祭廣利王廟

龍驤伐鼓下長川。直濟雲濤古廟前。海客斂威驚火旆。天吳收浪避樓船。陰靈向一作迴作南溟主祀典。高齊五岳肩從此。華夷封域靜潛熏。玉燭奉堯年。

長沙紫極宮雨夜愁坐

獨坐高齋寒擁衾。洞宮臺殿宿沈沈。春銓含思靜相伴。夜雨滴愁更向深。窮達未知他日事。是非皆到此時心。羈棲摧一作信剪平生志。抱膝時為梁甫吟。

送人隱居一作盧逸人隱居

碁局茅亭幽澗濱。竹寒江靜遠無人。邛梅尚斂風前笑。沙草初偷雪後春。鵬鷗喻中消日月。滄浪歌裏放心神。平生自有煙霞志。久欲拋身狎隱淪。

江樓閑望懷關中一作內親故一作知

搖落江天欲盡秋。遠鴻高送一行愁。音書寂絕秦雲外。身世蹉跎楚水頭。年貌暗隨黃葉去。時情深付碧波流。風淒日冷江湖一作湘北晚。駐目寒空獨倚樓。

請告南歸留別同館一作中元

一點鐙前獨坐身。西風初動帝城砧。不勝庾信鄉關思。遂作陶潛歸去吟。書閣乍離情黯黯。彤庭迴望蕭沈沈。應憐一別瀛洲侶。萬里單飛雲外深。

仙明洲口號

長愛沙洲水竹居。暮江春樹綠陰初。浪翻新月金波淺。風損輕雲玉葉疎。半浦夜歌聞盪槩。一星幽火照叉魚。二年此處尋佳句。景物常輸楚客書。

送蕭十二校書赴郢州婚姻

蓬萊^{一作}才子即蕭郎，綵服青書^{一作}春。卜鳳皇玉珮，定催紅粉色。錦衾應惹翠雲^{一作}香，馬穿暮雨荆山遠。人宿寒燈，
郢夢長領取，和鳴好風景。古樂府有鳳歸故鄉石城花月送歸鄉。

送隱者歸羅浮

春山^{一作}杳杳日遲遲，路入雲峰白犬隨。兩卷素書留貰酒，一柯樵斧坐看棋。蓬萊道士飛霞履^{一作}清遠仙人，
寄好詩。自此塵寰音信斷，山川風月永相思。

飲王中丞^{時有除拜}

登仙望絕李膺舟，從此青蠅點遂稠。半夜劒^{一作}吹牛斗動，二年門掩雀羅愁。張儀會展平生舌，韓信那慙跨下，
羞他日。圖勳畫麟閣，定呈肝膽始應休。

哭小女凝^{一作}兒

平生未省夢熊羆，稚女如花陸^{一作}曉枝。條蔓縱橫輸葛藟，子孫蕃育羨螽斯。方同王衍鍾情切，猶念商瞿有慶，
遲負爾五年。恩愛淚眼中，惟有涸泉知。一作眼中惟涸泉更無知

醉後贈馮姬

黃昏歌舞促瓊筵，銀燭臺西見小蓮。二寸橫波回慢水，一雙纖手語香弦。桂形淺拂梁家黛，爪字初分碧玉年，
願託襄王雲雨夢，陽臺今夜降神仙。

廣州陪涼公從叔越臺燕集

一逕松梢踏石梯，步窮身在白雲西。日銜赤浪金車没，天拂滄波翠幕^{一作}低。高鳥散^{一作}飛驚大旆，長風萬里卷，
秋擊玉鉤挂海筌。歌合珠履三千半，似泥。

留別馬使君

俱來海上歎煙波，君佩銀魚我觸羅。蜀^{一作}國才微甘放蕩，專城年少豈蹉跎。應憐旅夢千重思，共愴離心一曲，
歌。唯有管弦知客意，分明吹出感恩多。

將欲南行陪崔八謫海榴亭

朝譙華堂暮未休，幾人偏得謝公留。風傳鼓角霜侵戟，雲卷笙歌月上樓。賓館盡開徐孺榻，客帆空戀李膺舟，
全唐詩

謾誇書劍無歸處。水遠山長步步愁。

湖寺清明夜遣懷

柳暗花香愁不眠。獨凭危檻思凄然。野雲將雨渡微月。沙鳥帶聲飛遠天。久向飢寒拋弟妹。每因時節憶團圓。飴飴冷酒明年在。未定萍蓬何處邊。

九日

年年羞見菊花开。十度悲秋上楚臺。半嶺殘陽銜樹落。一行斜雁向人來。行雲永絕襄王夢。野水偏傷宋玉懷。一作絲管關關歸客盡。黃昏獨自詠詩迴。

同鄭相并歌姬小飲戲贈

一作杜丞相贈建中贈美人

裙拖六幅湘江水。鬢聳巫山一段雲。風格一作只應天上有。歌聲豈合世間聞。胸前瑞雪銜斜照。眼底桃花酒半醺。不是相如憐賦客。爭一作教容易見文君。

秣陵懷古

野花黃葉舊吳宮。六代豪華燭散風。龍虎勢衰佳氣歇。鳳皇名在故臺空。市朝遷變秋蕪綠。墳塚一作高低落照紅。霸業鼎圖人去盡。獨來惆悵水雲中。

黃陵廟

小姑一作孤洲北浦雲邊。二女容華一作媚粧自一作儼然。野廟向江春寂寂。古碑無字草芊芊。風迴日一作暮吹芳芷。月落一作山深哭杜鵑。猶似含顰望巡狩。九疑愁斷一作隔湘川。

送唐侍御福建省兄

桂枝攀盡賈家一作才。霄漢春風棣萼開。世掌一作綸言傳大筆。官分鴻序壓霜臺。閩山翠卉迎飛旆。越水清紋散落梅。到日池塘春草綠。謝公應夢惠一作連來。

送秦鍊師歸岑公山

紫泥飛詔下金鑾。列象分明世仰觀。北省諫書藏舊草。南宮郎署握新蘭。春歸鳳詔恩波暖。曉入鴛行瑞氣寒。偏是此生棲息者。滿衣零淚一時乾。

潯陽觀水

朝宗漢水接陽臺，哈呀填坑吼作雷。莫見九江平穩去，還從三峽嶮巖來。南經夢澤寬浮日，西出岷山劣泛盃。直至滄溟涵貯盡，深沈不動浸昭回。

謫仙吟贈趙道士

汗漫東遊黃鶴雛，縉雲仙子住清都。三元麟鳳推高座，六甲風雷闕小壺。日月暗資靈壽藥，山河直擬一作常世化生符。若為失意居蓬島，鼈足塵飛桑樹枯。

長沙陪裴大夫夜讌

東山夜讌酒成河，銀燭熒煌照綺羅。四面雨聲籠笑語，滿堂香氣泛笙歌。冷冷玉漏初三滴，澹澹金觴已半醅。共向柏臺窺雅量，澄陂萬頃見天和。

寶劍

雷煥豐城掘劍池，年深事遠跡依稀。泥沙難掩衝天氣，風雨終思發匣時。夜電尚搖池底影，秋蓮空吐鏑邊輝。自從星坼中台後，化作雙龍去不歸。

人日梅花病中作

去年今日湘南一作西寺，獨把寒梅愁斷腸。今年此日江邊宅，臥見瓊枝低壓牆。半落半開臨野岸，圓情圓思醉韶光。玉鱗寂寂飛斜月，素豔亭亭對一作帶夕陽。已被兒童苦攀折，更遭風雨一作雪損馨香。洛陽桃李漸撩亂，回首行宮春景長。

靜夜相思

山空天籟寂，水榭延輕一作清涼。浪定一浦月，藕花閑自香。

桂州經佳人故居

桂水依舊綠，佳人本一作今不還。祇應隨暮雨，飛入九疑山。
放魚

早覓爲龍去江湖莫漫一作浪遊須知香餌下觸口是鈎

蓮葉

根是泥中玉心承露下珠在君塘下一作上種埋沒任春蒲

客愁二首

客愁看柳色日日逐春深一作春深蕩漾一作蕩漾春風起誰知歷亂心
客愁看柳色日日逐春長憑送湘流水綿綿入帝鄉

洞庭乾二首

借問蓬萊水誰逢清淺年傷心雲夢澤歲歲作桑田
朱宮紫貝闕一旦作沙洲八月還平在魚蝦不用愁

病起別主人

益媿千金少情將一飯殊恨無泉客淚盡泣感恩珠

火爐前坐

孤燈照不寐風雨滿西林多少關心事書一作畫灰到夜深

古詞

一合相思淚臨江灑素秋碧波如會意却與向西流

嘲賣藥翁

斷盡春山土辛勤賣藥翁莫拋破笠子留作敗一作販天公

傷小女癡一作兒

哭爾春日短支頤長歎嗟不如半死樹猶吐一枝一作半花

青鷄

獨立蒹葭雨低飛浦嶼風須知毛色下一作異莫入鷺鷥叢

池塘晚景

風荷珠露傾驚起睡鴉鵲月落池塘靜金刀剪一聲

投從叔

可惜出羣蹄毛焦久臥泥孫陽如不顧驥驥向誰嘶

惱自澄

常聞天女會玉指散天花莫遣春風裏紅芳點袈裟

讀賈誼傳

卑濕長沙地空拋出世才已齊生死理服鳥莫為災

寄人

寄語雙蓮子須知用意深莫嫌一點苦便擬棄蓮心

寄韋秀才

荆臺蘭渚客寥落共舍情空館相思夜孤燈照雨聲

春日寄友

一作春日南臺
初晴望寄友

晴氣熏櫻藥丰濛雪滿林請君三斗酒醉臥白羅岑

題竹

一頃含秋綠森一作春風十萬竿氣吹朱夏轉聲掃碧霄寒

懷初公

不見休上人空傷碧雲思何處開寶書秋風海光寺

龍安寺佳人阿最歌八首

團團明月面冉冉柳枝腰未入鴛鴦被心長似火燒

見面知何益聞名憶轉深拳學荷葉子未得展蓮心

欲摘不得摘如看波上花若教親玉樹情願作蕪葑

門路穿茶焙一作房門映竹煙會須隨鹿女乞火到窗前

不是求心印都緣愛綠珠何須同泰寺然後始為奴

既為金界客任改淨人名願掃琉璃地燒香過一生

素腕撩金索輕紅約翠紗不如欄下水終日見桃花

第一龍宮女相憐是阿誰好魚輸懶盡一作白鴛鎮長飢

野鴨

鷓鴣借毛衣喧呼鷹隼稀雲披菱藻地任汝作羣飛

題二妃廟

黃陵廟前春已空
子規啼血滴松風
不知精爽歸何處
疑是行雲秋色中

寄友二首

野水晴山雪後時
獨行邛落一作路更相思
無因一向溪頭一作橋醉
處處寒梅映酒旗

花落輕寒酒熟遲
醉眠不及落花期
愁人相一作想憶春山暮
煙樹蒼蒼播一作撥穀時

桃源

我到瞿真一作童上升處
山川四一作西望使人愁
紫雲白鶴去不返
唯有桃花一作源溪水流

題王侍御宅

門向滄江碧岫開
地多鷗鷺少塵埃
綠陰十里灘聲裏
閑自一作去一作即王家看竹來

聞湘南從叔朝覲

長沙地窄卻回時
舟楫駸駸向鳳池
為報湘川神女道
莫教雲雨濕旌旗

漢陽太白樓

江上層一作晴樓翠靄間
滿簾春水滿窗山
青楓綠草將愁去
遠入吳雲暝不還

送客

沅水羅文海燕回
柳條牽恨到荆臺
定知行路春愁裏
故郢城邊見落梅

醴陵道中

別酒離亭十里強
半醒半醉引愁長
無端一作人寂寂春山路
雪打溪梅狼籍香

校書叔遺暑服

翠雲一作芸箱裏疊櫛櫛
一作櫛楚葛湘紗淨似空
便著清江明月夜
輕涼與桂一作致一身風

贈魏三十七

名珪字玉淨無瑕
美譽芳聲有數車
莫放燄光高二丈
來年燒殺杏園花

酬崔表仁一作臣

昨日朱門一見君，忽驚野鶴在雞羣。不應長喙橫汗水，早晚歸飛碧落雲。

旅遊番禺獻涼公

帝鄉羣侶杳難尋，獨立滄洲歲暮心。野鶴棲飛一作飛棲無遠近，稻梁多處是一作則思深。

長沙元門寺張璪員外壁畫

片石長松倚素楹，憐然雲壑見高情。世人只愛凡花鳥，無處不知梁廣名。

請告出春明門一本無請告二字

本不將心挂名利，亦無情意在樊籠。鹿裘藜杖且歸去，富貴榮華春夢中。

引水行

一條寒玉走秋泉，引出深蘿洞口煙。十里暗流聲不斷，行人頭上過潺湲。

移松竹

龍髯鳳尾亂飈颿，一作颿帶霧停風一畝秋。待取滿庭蒼翠合，酒尊書案閉門休。

歎靈鷲寺山櫻

水蝶巖蜂俱不知，露紅疑豔數千枝。山深春晚無人賞，即是杜鵑催落時。

黃陵廟一作李連新

黃陵廟前莎草春，黃陵女兒茜裙新。輕舟短一作小櫂一作楫唱一作隨歌去，水遠山長愁殺人。

北亭

斜雨飛絲織曉空，疎簾半捲野亭風。荷花向盡秋光晚，零落殘紅綠沼中。

送客往泮陽

春與春愁逐日長，遠人天畔遠思鄉。蘋生水綠不歸去，孤負東溪七里莊。

寄友人鹿胎冠子

數一作散點疎星紫錦斑，仙家新樣剪三山。宜與謝公松下戴，淨簪雲髮翠微間。

江南

鱗鱗別浦起微波
汎汎輕舟桃葉歌
斜雪北風何處宿
江南一路酒旗多

荅友人寄新茗

滿火芳香碾麴塵
吳甌湘水綠花新
媿君千里分滋味
寄與春風酒渴人

峽山寺上方

滿院泉聲水一作山殿涼
疎一作殿簾微雨野松香
東峰下視南溟月
笑踏金波看海光

秋登涪陽城一作樓二首

萬戶砧聲水國秋
涼風吹起故鄉愁
行人望遠偏傷思
白浪青楓滿北樓

穿針樓上閉秋煙
織女佳期又隔年
斜笛一作漢夜深吹不落
一條銀漢一作浪挂秋天

釣魚

七尺青竿一丈絲
菰蒲一作蔞葉裏逐風吹
幾回舉手拋芳餌
驚起沙灘水鴨兒

酬魏三十七

靜裏一作裏寒香觸思初
開緘忽見二瓊瑤
一吟麗句風流極
沒得弘文李校書

贈琵琶妓

我見鴛鴦飛水上
君還望月苦相思
一雙裙帶同心結
早寄黃鸝孤鴈兒

落帆後賦得二絕

平湖茫茫春日落
危檣獨映沙洲泊
上岸閑尋細草行
古查飛起黃金鷓

水浮秋煙沙曉雪
皎潔無風鏡影徹一作影
海客雲帆未挂時
相與綠江拾明月

贈人

曾留宋玉舊衣裳
惹得巫山夢裏香
雲雨無情難管領
任他別嫁楚襄王

贈妓人

誰家少女字千金
省向人間逐一作解處尋
今日分明花裏見
一雙紅臉動春心

山榴

洞中春氣蒙籠暄尚有紅英千樹籜可憐夾水錦步障羞數石家金谷園

鷓鴣

錦羽相呼暮沙曲波上雙聲夏哀玉霞明川靜極望中一時飛滅青山綠

沅江漁者

倚櫂汀洲沙日晚江鮮野菜桃花飯長歌一曲煙靄深歸去滄江一作綠波遠

題金山寺石堂

白波四面照樓臺日夜潮聲繞寺迴千葉紅蓮高會處幾曾龍女獻珠來

戲贈魏十四

蘭浦秋來煙雨深幾多情思在琴心知君調得東家子早晚和鳴入錦衾

和人贈別

頻黛低紅別怨多深亭一作芳恨滿橫波聲中唱出纏綿意淚落燈前一曲歌

宿巫山廟二首

寂寞高堂別楚君玉人天上逐行雲停舟十二峰巒下幽佩仙香半夜聞

廟閉春山曉月光波聲回合樹蒼蒼自從一別襄王夢雲雨空飛巫峽長

傷柘枝妓

曾見雙鸞舞鏡中聯飛接影對春風今來獨在花筵散一作月滿秋天一半空

題櫻桃

春初攜酒此花間幾度臨風倒玉山今日葉深一作黃滿樹再來惆悵不能攀

惱從兄

芳草萋萋新燕飛芷汀南望鴈書稀武陵洞裏尋春客已被桃花迷不歸

紫極宮齋後

紫府空歌碧落寒曉星寥亮月光殘一羣白鶴高飛上一作唯有松風吹石壇

春晚

思鄉之客空疑頓一作天邊欲盡未盡春獨攀江樹深不語芳草落花愁殺人

喜渾吉見訪

公子春衫桂水香遠衝飛一作雪過書堂貧家冷落難消日唯有松筠滿院涼

索曲送酒

簾外春風正落梅須求狂藥解愁回煩君玉指輕攏撚慢撥鴛鴦送一栢

山驛梅花

生在幽崖獨無主溪蘿澗鳥為儔侶行人陌上不留情愁香空謝深山雨

重陽日上渚宮楊尚書

落帽臺邊菊半黃行人惆悵對重陽荊州一見桓宣武為趁悲秋入帝鄉

書院二小松

一雙幽色出凡塵數粒秋煙二尺鱗從此靜聽聞細韻琴聲長伴讀書人

勸人廬山讀書

憐君少雋利如鋒氣爽神清刻骨聰片玉若磨唯轉瑩莫辭雲水入廬峰

言懷

白鶴高飛不逐羣嵇康琴酒鮑昭文此身未有棲歸處天下人一作間一片雲

聞笛

冉冉生山草何異截而吹之動天地望鄉臺上望鄉時不獨落梅兼落淚

曉燕一作

金波西傾銀漢落綠樹含煙倚朱閣曉華臙一作曉聞調笙一點殘燈隔羅幕

將遊荊州投魏中丞

貧埋病歷老嶮坑拂拭菱花不喜看又恐無人肯青眼事須憑仗小還丹

二辛夷

狂吟亂舞雙白鶴霜翎玉羽紛紛落空庭向晚春雨微却斂寒香抱瑤萼

題龍潭西齋

寂寞幽齋暝煙起滿徑西風落松子遠公一去幾率宮唯有面一作門前虎溪水

中秋寄南海梁侍御

一本無梁字

海靜天高景氣殊鯨睛失彩蚌潛珠不知今夜越臺上望見瀛洲方丈無

戲贈姬人

一本此下有賦尖字韻四字一作張姑與杜牧聯句詩

骰子巡拋裏手拈無因得見玉纖纖但知謔道金釵落圖向人前露指尖

大庾山嶺別友人

篋簞無子鴛雛飢毛彩凋摧不得歸誰念火雲千嶂裏低身猶傍鷓鴣飛

石門戍

到此空思吳隱之潮痕草蔓上幽碑人來皆望珠璣去誰詠貪泉四句詩

文殊院避暑

赤日黃埃滿世間松聲入耳即心閑願尋五百仙人去一世清涼住雪山

南莊春晚二首

連雲草映一條陂瀉瀉雙雙帶水飛南邨小路桃花落細雨斜風獨自歸

草暖沙長望去舟微茫煙浪向巴丘沅江一作湘寂寂春歸盡水綠蘋香人自愁

湘妃廟

少將風月怨平湖見盡扶桑水到枯相約杏花壇上去畫欄紅紫闌樗蒲

賈島

賈島字浪一作開仙范陽人初為浮屠名無本來東都時洛陽令禁僧午後不得出島為詩自傷韓愈憐之因教其

為文遂去浮屠舉進士詩思入僻當其苦吟雖逢公卿貴人不之覺也累舉不中第文宗時坐飛謗貶長江主簿會昌初以普州司倉參軍遷司戶未受命卒有長江集十卷小集三卷今編詩四卷

古意

碌碌復碌碌百年雙轉轂志士終一作中夜心良馬白日足俱為不等閑誰是知音一作若目眼中兩行淚曾弔三獻玉

一作別來兩淚盡隨向荆山哭

望山

南山三十里不見踰一旬冒雨時立望望之如朋親虬龍一掬波洗蕩千萬春日日雨不斷愁殺望山人天事不可長勁風來如奔陰霆一作露一以掃浩翠寫國門長安百萬家家張屏新誰家最好山我願為其鄰

北嶽廟

天地有五嶽恒嶽居其北巖巒疊萬重詭怪浩難測人來不敢入祠宇白日黑有時起霖雨一灑天地德神兮安在哉永康我王國

朝飢

市中有樵山此一作北舍朝無煙井底有甘泉釜中乃空然我要見白日雪來塞青天坐一作立聞西牀琴凍折兩三弦飢莫詣他門古人有拙言

哭盧仝

賢人無官死不親者亦悲空令古鬼哭更得新鄰比平生四十年惟著白布衣天子未辟召地府誰來追長安有交友託孤遠棄移塚側誌石短文字行參差無錢買松栽自生蒿草枝在日贈我文淚流把讀時從茲加敬重深藏恐失遺

劍客一作通劍

十年磨一劍霜刃未曾試今日把似一作示君誰為一作有不平事

口號

中夜忽自起汲此百尺泉林木含白露星斗在青天

寄遠

別腸多鬱紆豈能肥肌膚始知相結密不及一作若相結疎疎別恨應少密離一作別恨難祛門前南流一作去水中有北飛魚魚飛向北海可以寄遠書一本無此句多此情復何如不惜寄遠書故人今在無一作羊山岩況此數尺身阻彼萬里途自非日月光難以知子軀

齋中

耽靜非謬一作為為本性實疎索齋中一就枕不覺白日落低扉礙軒轡寡德謝接一作然諾叢菊在墻陰秋窮未開萼所餐一作食類病馬動影似移嶽欲駐迫逃衰豈殊辭綆縛已見飽時雨應豐蔬與藥

感秋

商氣颯已來歲華又虛擲朝雲藏奇峰暮雨灑疎滴幾蜩嘿一作存飛涼葉數蛩思陰壁落日空館中歸心遠山碧昔人多秋感今人何異昔四序馳百年玄髮坐成白喧喧徇聲利擾擾同轍迹儻無世上懷去偃松下石

翫月

寒月破東北賈生立西南西南立倚何立倚青青杉近月有數星星名未詳諳但愛杉倚月我倚杉為三月乃不上杉上杉難相參眇眇子細視晴瞳桂枝劇日常有熱疾久視無煩炎以手捫衣裳零露已濡霑久立雙足凍時向股脛淹立久病足折兀然黏膠粘他人應已睡轉喜此景恬此景亦胡及而我苦淫耽無異市井人見金不知廉不知此夜中幾人同無厭待得上頂一作頂看未擬歸枕函強步望寢齋步步情不堪步到竹叢西東望如隔簾却坐竹叢外清思刮幽潛量知愛月人身願化為蟾

辭二知己

一雙千歲鶴立別孤翔鴻波島忽已暮海雨寒濛濛離人聞美彈亦與哀彈同况茲切切弄繞彼行行躬雲飛北嶽碧火息一作思西山紅何以代遠誠折芳臘雪中

義雀行和朱評事

玄鳥雄雌俱春雷驚蟄餘口銜黃河泥空一作去即翔天隅一夕皆莫歸曉曉遺衆雛雙雀抱仁義哺食勞劬一作忘勞劬雛既遷逝一作飛飛雲間聲相呼燕雀雖微類感媿誠不殊一作思雀雖揚不殊禽賢難自彰幸得主人書

宿懸泉驛

曉行瀝水樓暮到懸泉驛林月值雲遮山燈照愁寂

辯士

辯士多毀訾不聞談已非猛虎恣殺暴未嘗齧妻兒此理天所感一作感所感一作感當問誰求食飼雞禽吐出美言詞善哉君子人揚光掩瑕玼

不欺

上不欺星辰下不欺鬼神知心兩如此然後何所陳食魚味在鮮食蓼味在辛掘井須到流結交須到頭此語誠不謬敵君三萬秋

絕句

海底有明月圓於天上輪得之一寸光可買千里春

寓興

莫居暗室中開目閉目同莫趨碧霄路容飛不容步暗室未可居碧霄未可趨勸君跨仙鶴一作仙鶴日下雲為衢

遊仙

借得孤鶴騎高近金烏飛擲河洗老一作老貌照月生光輝天中鶴路直天盡鶴一息歸來不騎鶴身自有羽翼若人無仙骨芝朮徒一作徒煩食

枕上吟

夜長憶白日枕上吟千詩何當苦寒氣忽被東風吹水開魚龍別天波殊路岐

雙魚謠

天河隨雙魴飛我一作我庭中央掌握尺餘雪劈開腸有璜見令饒舌短烹遶鄰舍香一得古詩字與玉含異藏

易水懷古

荆卿重虛死節烈書前史我歎方寸心誰論一時事至今易水橋寒風兮蕭蕭易水流得盡荆卿名不消一作消

早起

北客入西京一作涼北鴈再離北秋寢獨前與天梭星落織耽翫餘恬爽顧盼輕病力旅途少顏盡明鏡勸仙食出門路縱橫張家路最直昨夜夢見書張家廳上壁

客喜

客喜非實喜客悲非實悲百迴信到家未當身一歸未歸長嗟愁嗟愁填中懷開口吐愁聲還却入耳來常恐淚滴一作兩滴多自損兩目輝鬢邊雖有絲不堪織寒衣

延壽里精舍寓居

旅託避華館荒樓遂愚慵短庭無籛植珍果春亦濃側廬廢一作廢高樞織魄時臥逢耳目乃鄜井肺肝即巖峰汲泉飲酌餘見我閑靜容霜蹊猶舒英寒蝶斷來踪雙履與誰逐一作欲尋青瘦筇

贈智朗禪師

上人分明見玉兔潭底沒上人光慘貌古來恨峭發涕辭孔顏廟笑訪禪寂室步隨青山影坐學白塔骨解聽無弄琴不禮有身佛欲問師何之忽與我相別率賦贈遠言言慙非子曰

送沈秀才下第東歸

曲言惡者誰悅耳如彈絲直言好者誰刺耳如長錐沈生才俊秀心腸無邪欺君子忌苟合擇交如求師毀出疾夫口騰入禮部闈下第子不恥遺才人恥之東歸家室遠掉轡時參差浙雲近吳見汴柳接楚垂明年春光別回首不復疑

酬樓上人

夜久城館閑情幽出一作只在山新月有微輝朗一作亦朗空庭間處世雖一作不識機伊余多掩關松姿度臘見籬藥知春還靜覽冰雪詞厚為酬贈顏東林有躑躅脫屣期共攀

冬月長安雨中見終南雪

秋節新已盡雨一作林疎露山雪西峰稍覺明殘滴猶未絕氣侵瀑布水一作水凍著白雲穴今朝瀟灑鴈何夕瀟湘月想彼石房人對雪扉不閉必結

寄孟協律

我有平古泣不泣向路歧揮淚灑暮天滴著一作桂樹枝別後冬節至離心北風吹坐孤雪扉夕一作泉落石橋時
不驚猛虎嘯難辱君子詞欲酬空覺老無以堪遠持岑巖倚角窗一作王屋戀清思

和劉涵

京官始云滿野人依舊開閉扉一畝居中有古風還市井日已午幽窗夢南山喬木覆北齋有鳥鳴其間前日
遠嶽僧來時與開關新題驚我瘦窺鏡見醜顏陶情惜清澹此意復一作誰一作攀

明月山懷獨孤崇魚塚

明月長在目明月長在心復在目何得稀去尋試望明月人孟夏樹蔽岑想彼嘆此懷樂喧忘幽林一作鄉
本北嶽外悔一作恨東夷深願縮地脈還豈待天恩臨非不渴隱秀一作却嫌他事侵或云岳樓鐘來繞草堂吟當
從令尹後再往步柏林

投張太祝

風骨高更老向春初陽葩冷冷月下韻一一落海涯有子不敢和一聽千嘆嗟身臥東北泥魂挂西南霞手把
一枝栗往輕覺程賒水天朔方色暖日蒿根花達一作閑幽棲山遣尋種藥家欲買雙瓊瑤慙無一木瓜

詠韓氏二子

千巖一尺壁八月十五夕清露隨桂花白鳥舞虛碧

送別

丈夫未得意一作行行且低眉素琴彈復彈會有知音知

攜新文詣張籍韓愈途中成

袖有新成詩欲見張韓老青竹未生翼一步萬里道仰望青冥天雲雪壓我腦失却終南山惆悵滿懷抱安得
西北風身願變蓬草地祇聞此語突出驚我倒

上谷送客遊江湖

莫歎迢迢分何殊咫尺別江樓到夜登還見南臺月

重酬姚少府

隙月斜枕旁諷詠夏貽什如今何時節蟲虺亦已蟄答遲禮涉傲抱疾思加澀僕本胡為者銜肩貢客集茫然
九州內譬如一錐立欺暗少此懷自明曾瀝泣量無趨勇士誠欲戈矛戢原閣期躋攀潭舫偶俱入深齋竹木
合一作畢夕風雨急俸利沐均分價稱煩噓喻百篇見刪罷一命嗟未及滄浪愚將還知音激所習

投孟郊

月中有孤芳天下聆薰風江南有高唱海北初來通容飄清冷餘自蘊襟抱中止息乃流溢推尋却冥濛我知
雪山子謁一作彼偈句空必竟獲所寶爾焉遂深衷錄之孤燈前猶恨百首終一吟動狂機萬疾辭頑躬生平面
未交永夕夢輒同敘詰一作誰君師詎言無吾宗余求履其跡君曰可但攻啜波腸易一作飽捐險神難從前歲曾
入洛差池阻從龍萍家復從一作趙雲思長縈縈一作嵩海一作每可詰長途追再一作窮願傾肺腸事盡入焦梧桐

代邊將

持戈簇邊日戰罷浮雲收露草泣寒霽夜泉鳴隴頭三尺握中鐵氣衝星斗牛報國不拘貴憤將平虜讐

寄劉棲楚

趨走與偃臥去就自殊分當窗一重樹上有萬里雲離披不相顧髮髯類人羣友生去更遠來書絕如焚蟬吟
我為聽我歌蟬豈聞歲暮僕旋歸晤言桂氛氲

寄丘儒

地近輕數見地遠重一面一面如何重重甚珍寶片自經失歡笑幾度騰霜霰此心鎮懸懸天象固一作迴轉長
安秋風高子在東甸縣儀形信寂蔑風雨豈乖間憑人報消息何易憑筆硯俱不盡我心終須對君宴

送陳商

古道長荆棘新岐路交橫君於荒榛中尋得古轍行足踏聖人路貌端禪士形我曾接夜談似聽講一經聯翩
曾數舉昨登高第名釜底絕煙火曉行皇帝京上客遠府遊主人須目一作明青雲別青山何日復可一作升一作并

送張校書季霞

從京去容州馬在船上多一作容州幾千里直傍青天涯掌記試校書未稱高詞華義往一作不可屈出家如入家
城市七月初熱與夏未差餞君到野地秋涼滿山坡一作南境異北候風起無塵沙秦吟宿楚澤海酒落桂花暫

醉即還醒彼土生桂茶

寄友人

同人半年別一別寂來音賴有別時文相思時一吟我常倦投跡君亦知此衿筆硯且勿棄蘇張曾陸沈但存舌在口當冀身遂心君看明月夜松桂寒森森

答王參

寸晷不相待四時互一作如競客思先覺秋蟲聲告知暝霜松積舊翠露月圓一作如鏡詩負屬景同琴孤坐堂聽相期黃菊節別約紅桃徑每把式微篇臨風一長詠

延康吟

寄居延壽里為與延康鄰不愛延康里愛此里中人人非十年故人非九族親人有不朽語得之煙山春

戲贈友人

一日不作詩心源如廢井筆硯為轆轤吟詠作縻一作縵朝來重汲引依舊得清泠書贈同懷人詞中多苦辛

寓興

真集道方至貌殊妬還多山泉入城池自然生渾波今時出古言在衆翻為訛有琴含正韻知音者如何一生足感激世言一作忽嗟峨不得市井味思響一作吾巖阿浮華豈我事日月徒蹉跎曠哉潁陽風千載無其他

懷鄭從志

西風吹陰雲一作雨雪一作半夜收忽憶天涯人起看斗與牛故人別二年我意如百秋音信兩杳杳誰云昔綢繆

平明一封書寄向一作東北舟一作翩翩春歸鳥會自為匹儔

易州登龍興寺樓望郡北高峰

郡北最高峰巉巖絕雲路朝來上樓望稍覺得幽趣朦朧碧煙裏羣嶺若相附何時一登陟萬物皆下顧

送鄭山人遊江湖

南遊衡嶽上東往天台裏足躡華頂峰一作目觀滄海水

就峰公宿

河出鳥宿後螢火白露中上人坐不倚共我論量空殘月華噲噲遠水響玲瓏爾時無了夢一作茲宵方未窮

劉景陽東齋

松陰連竹影中有蕪苔井清風此地多白日空自永景陽公幹孫詩句得真景勸我不須歸月出東齋靜

對菊

九日不出門十日見黃菊灼灼尚籙英美人無消息

送集文上人遊方

來從道陵井雙木一作溪邊會分首芳草時遠意青天外此遊詣幾嶽嵩華衡恒泰

題岸上人郡內閑居

靜向方寸求不居山一作嶂幽池開菡萏香門閉莓苔秋金玉重四句批糠輕九流鑪煙上喬木鐘磬下危樓手

種一株松貞心與師儔

遊子

遊子喜鄉遠非吾憶歸處誰知奔他山自欲早旋車朝賞暮已足圖歸願無餘當期附鵬翼未偶方躊躇

寄山中王參

我看嶽西雲君看嶽北月長懷燕城南相送十一作千里別別來千餘日日日憶不歇遠寄一紙書數字論白髮

送汲鵬

淮南臥理後復逢君姓汲文采非尋常志願期卓立深江東泛舟夕陽眺原隰夏夜言詩會往往追不及

寄令狐相公

一作赴長江道中

策杖一作馳山驛逢人問梓州長江那可一作到行客替生愁

哭柏巖和尚

苔覆石床新師曾占一作幾春寫留行道影焚却坐禪身塔院關松雪一作經房鎖隙塵自嫌雙淚下不是解空人

山中道士

頭髮梳千下休糧帶瘦容養雛成大一作鶴種子作高松白石通宵衰寒泉盡日春不曾離隱處那得世人逢
就可公宿

旅遊

十里尋幽寺寒流數派分僧同雪夜坐鴈向草堂開靜語終燈燭餘生許囑雲由來多抱疾聲不達明君
此心非一事書札若為傳舊國別多日故人無少年空巢霜葉落疎牖水螢穿留得林僧宿中宵坐默然

送鄒明府遊靈武

曾宰西畿縣三年馬不肥債多平一作憑劍與官滿載書歸邊雪藏行徑林風透臥衣靈州聽曉角客館未開扉

題皇甫荀藍田廳

任官經一年縣與玉峰連竹籠拾山果瓦瓶擔石泉客歸秋雨後印鎖暮鐘前久別丹陽浦時時夢釣船

贈王將軍

宿衛爐煙近除書墨未乾馬曾金鏃中身有寶刀瘢父子同時捷君王畫陣看何當為外帥白日出長安

下第一本有別
人二字

下第只一作空囊一作囊如何住一作裴帝鄉杏園啼百舌誰醉在花傍一作鶯聲寒食
後人醉曲江傍淚落故山遠病來春草長知音逢

一作豈易一作豈孤棹負一作三相

寄賀蘭朋吉

往往東林下花香似火焚故園從小別夜雨近秋闌野菜連寒水枯株簇古墳泛舟同遠客尋寺入幽雲斜日

扉多掩荒田徑細分相思蟬幾處偶坐蝶成羣會宿曾論道登高省議文苦吟遙可想邊葉向紛紛

憶吳處士

半夜長安雨燈前越客吟孤舟行一月萬水與千岑鳥與夏雲起汀洲芳草深何當折松葉拂石剡溪陰

哭孟郊

身死一作聲名在多應萬古傳寡妻無子息破宅帶林泉塚近登山道詩隨過海船故人相弔後斜日下寒天

送崔定

未知遊子意何不避炎蒸幾日到漢水新蟬鳴杜陵秋江待得月夜語一作恨無僧巴峽吟過否連天十二層

寄白閣默公

已知歸白閣山遠晚一作晴看石室人心靜水潭月影殘微雲分片滅古木落薪乾後一作夜誰聞磬西峰絕頂寒

雨後宿劉司馬池上

盤溪秋漱玉此地漲清澄蘆葦聲兼雨芡荷香遠燈岸頭秦古道亭面漢荒陵靜想泉根本幽崖落幾層

送朱可久歸越中

石頭城下泊北固暝鐘初汀鷺潮衝一作起船窗月過一作虛吳山侵越衆隋柳入唐疎日欲躬調膳辟來何府書

送田卓入華山

幽深足一作暮蟬驚覺石床眠瀑布五千仞草堂瀑布邊壇松涓滴露嶽月次寥天鶴過君須看上頭應有仙

送董正字常州覲省

相逐一行鴻何時出磧中江流翻白浪木葉落青楓輕檝浮吳國繁霜下楚空春來懽侍阻正字在東宮

酬姚少府

梅一作海樹與山木俱應搖落初柴門掩寒雨蟲響出秋蔬枯槁彰清鏡辱愚友道書刊文非不朽君子自相於

送無可上人

圭峰霽色新送此草堂人塵尾同離寺蛩鳴暫別親一作秦獨行潭底影數息樹邊身終有煙霞約天台作近鄰

送李騎曹

歸騎雙旌遠懽生此別中蕭關分磧路嘶馬背寒鴻朔色晴天北河源落日東賀蘭山頂草時動捲帆一作旂風

送烏行中一本有還字石淙一作別業

寒水長繩汲丁冷數滴翻草通石淙脈硯帶海潮痕嶽色何曾遠蟬聲尚未繁勞思當此夕苗稼在西原

送覺興上人歸中條山兼謁河中李司空

又憶西巖寺秦原草白時山尋樵徑上人到雪房遲暮磬一作潭泉凍荒林野燒一作火移聞師新譯偈說擬對旌麾

寄無可上人

僻寺多高樹涼天憶重遊磬過溝水盡月入草堂秋穴蟻苔痕靜藏蟬柏葉稠名山思徧往早晚到嵩丘

南池

蕭條微雨絕荒岸抱清源入舫山侵塞分泉稻一作接村秋聲依樹色月影在蒲根淹泊方難遂他宵關夢魂

寄龍池寺貞空二上人

受請終南住俱妨去石橋林中秋信絕峰頂夜禪遙寒草煙藏虎高松月照鵬霜天期到寺寺置即前朝

送貞空二上人

林下中餐後天涯欲去時衡陽過有伴夢澤出應遲石磬疎寒韻銅瓶結夜澌殷勤訝此別且未定歸期

送裴校書

拜官從祕省署職在藩維多故長疎索高秋達別離天寒泗上醉夜靜岳陽碁使府臨南海帆飛到不遲

昇道一作精舍南臺對月寄姚合

月向南臺見秋霖洗滌餘出逢危葉落靜看一作衆峰疎冷露常一作時有禪窗此夜虛相思聊悵望潤氣徧衣初一作

即事

索莫對孤一作燈陰雲積幾層自嗟憐一作十上誰肯待三徵心被通人見文叨大匠稱悲秋秦塞草懷古漢家陵

城靜高崖樹漏多幽沼水過聲沙鳥鷺絕行石菴僧豈謂一作舊廬在誰言歸未曾

黃子陂上韓吏部

石樓云一作一別二十三春相逐升堂者幾為埋骨人涕流聞度一作瘴病起喜一作還秦曾是令一作勤道非惟卹

在迤疎衣蕉縷細爽味茗芽新鐘絕滴殘雨螢多無近鄰溪潭承到數位秩見辭頻若箇山招一作隱機忘任此身

投李益

四十歸燕字干一作年外始吟已將書北嶽不用比南金

弔孟協律

才行古人齊生前品位低葬時貧賣馬達一作日哭惟妻孤塚北印外空齋中嶽西集詩應萬首物象徧曾題

送人適越

高城滿夕陽何事欲霑裳遷客蓬蒿暮遊人道路長晴湖勝鏡碧寒柳似金黃若有相思夢殷勤載八行

送僧遊衡嶽
心知衡嶽路不怕去人稀船裏猶鳴磬溪頭自曝衣有家從小別無寺不言歸料得逢寒住當禪雪滿扉

送路一本有某從軍三字

別我就蓬蒿日斜飛伯勞龍門流水急嵩岳片雲高歎命無知己梳頭落白毛從軍當此去風起廣陵濤

洛陽道中寄弟

趣走迫流年慙經此路一作地偏密雲埋二室積雪度三川生類梗萍泛悲無金石堅翻鴻有歸翼極目仰聯翩

登江亭晚望

浩渺浸雲根煙嵐沒遠村鳥歸沙有跡帆過浪無痕望水知柔性看山欲倦魂縱情猶未已迴馬欲黃昏

送耿處士

一瓶離別酒未盡即言行萬水千山路孤舟幾月程川原秋色靜蘆葦晚風鳴迢遞不歸客人傳虛隱名

過唐校書書齋

池滿風吹竹時時得爽神聲齊雜鳥語畫卷老僧真月出行幾步花開到四鄰江湖心自切未可挂頭巾

送杜秀才東遊

東遊誰見待盡室寄長安別後一作夜葉頰落去程一作登途山已寒大河風色度曠野燒煙殘匣有青銅鏡時將照鬢看

送天台僧

遠夢歸華頂扁舟背岳陽寒蔬修淨食夜浪動禪床鴈過孤峰曉一作晚猿啼一樹霜身心無別念餘習在詩章一作文

懷紫閣隱者

寂寥思隱者孤燭坐秋霖梨栗獲喜熟雲山僧說深寄書應不到結伴擬同尋廢寢方終夕迢迢一作澆澆紫閣心

兩夜同厲玄懷皇甫荀

桐竹遶庭匝兩多風更吹還如舊山夜臥聽瀑泉時磧鴈來期近秋鐘到夢遲溝西吟苦客中夕話兼思

秋暮

北門楊柳葉不覺已續紛值鶴因臨水迎僧忽背雲白鬚相並出清一作淚兩行分默默空朝夕苦吟誰喜聞

哭胡遇

天壽知齊理何曾免歎嗟祭迴一作收朔雪弔後一作折寒花野水秋吟一作斷空山暮影一作斜弟兄相識徧猶一作得

到一作君家

送丹師歸閩中

波濤路杳然衰柳洛陽蟬行李經雷電禪前漱島泉歸林久別寺過越未離船自說從今去身應老海邊

送安南惟鑒法師

講經春殿裏花遠御林飛南海幾迴渡一作舊山臨老歸潮搖蠻草落月溼島松微一作觸風香插一作空水既如彼一作路迢迢

往來消息稀

題李凝幽居

閑居少鄰並草徑入荒園鳥宿池邊一作樹僧敲月下門過橋分野色移石動雲根暫去還來此幽期不負言

送韓湘

挂席從古一作路長風起廣津楚城花未發上苑蝶來新半沒湖波月初生島草春孤霞臨石鏡極浦映村神細

響吟乾葦餘馨動遠蘋欲憑將一札寄與沃州人

寄董武

雖同一城裏少省得從容門掩園林僻日高巾幘慵孤鴻來半夜積雪在諸峰正憶毘陵客聲聲隔水鐘

宿贊上人房

堦前多是竹閑地擬栽松朱點草書疏雪平麻履蹤御溝寒夜雨宮寺靜時鐘此時一作無他事來尋一作不厭重

訪李甘原居

原西居處靜門對曲江開石縫銜枯草查根上淨一作苔翠微泉夜落紫閣烏時來仍憶尋淇岸同行採蕨回

題山寺井

沈沈百尺餘功就豈斯須汲早僧出定鑿新蟲自無藏源重嶂底澄翳大空隅此地如經劫涼潭會共枯

僻居無可上人相訪

自從居此地少有事相關積雨荒鄰圃秋池照遠山硯中枯葉落枕上斷雲閑野客將禪子依依偏往還

送李餘及第歸蜀

知音伸久屈覲省去光輝津渡逢清夜途程盡翠微雲當綿竹疊鳥離錦江飛肯寄書來否原居出亦一作甚稀

荒齋

草合徑微微終南對掩扉晚涼疎雨絕初曉達山一作罕稀落葉無青地閑身著白衣朴愚猶一作由本性不是學忘機

夜喜賀蘭三見訪

漏鐘仍夜淺時節欲秋分泉聒棲松鶴風除翳月雲踏苔行引輿枕石臥論文即此尋常靜來多祇是君

題青龍寺鏡公房

一夕曾留宿終南搖落時孤燈岡一作龍舍掩殘磬雪風吹樹老因寒折泉深出井暹疎慵豈有事多失上方期

送陳判官赴綏一作天德

將軍邀入幕東帶便離家身暖蕉衣窄天寒磧日斜火燒岡斷草一作草風卷雪平一作和沙絲竹豐州有春來祇欠花

送唐環歸敷水莊

毛女峰當戶日高頭未梳地侵山影掃葉帶露痕書松徑僧尋藥一作藥沙泉鶴見魚一川風景好一作人恨不有吾廬

原東居喜唐溫琪頻至

曲江春草生紫閣雪分明汲井嘗泉味聽鐘問寺名墨研秋日雨茶試老僧鐺地近勞頻訪烏紗出送迎

送馱法師

度歲不相見嚴冬始一作始出關孤煙寒色樹高雪夕陽山瀑布寺應到牡丹房甚閑一作案南朝遺跡在此去幾時還

寄錢庶子

曲江春水滿北岸掩一作掩柴關祇有僧鄰舍全無物映山樹陰終日掃藥債一作債隔年還猶記聽琴夜寒燈竹屋間

原上秋居

關西一作山又落木心事復如何歲月辭山久秋霖入夜多鳥從井口出人自洛一作岳陽過倚杖聊閑望田家未翦禾

夏夜

原寺偏鄰近開門物景澄磬通多葉罽月離片雲稜寄宿山中鳥相尋海畔僧唯愁秋色至乍可在炎蒸

冬夜

羈旅復經冬瓢空盞亦空淚流寒枕上跡絕舊山一作中凌結浮萍水雪和衰柳風曙光雞未報嘹唳兩三鴻

送厲宗上人

擁策背岷峨終南雨雪和漱泉秋鶴至禪樹夜猿過高頂白雲盡前山黃葉多曾吟廬嶽上月動九江波

寄李存穆

聞道船中病似憂親弟兄信來從水路身去到柴城久別長鬚鬢相思書姓名忽然消息絕頻夢却還京

贈無懷禪師

身從劫劫修果以此生周禪定石床暖月移山樹秋捧盂觀宿飯敲磬過清流不掩玄關路教人問白一作頭

寄武功姚主簿

居枕江沱北情懸渭曲西數宵曾夢見幾處得書披驛路穿荒坂公田帶淤泥靜基功奧妙閑作韻清淒鋤草

留叢藥尋山上石梯客迴河水漲風起夕陽低空地苔連井孤村火隔溪卷簾黃葉落鎖印子規啼隴色澄秋

月邊聲入戰聲會須過縣去况是屢招攜

題劉華書齋

白石床無塵青松樹一作有鱗一鶯啼帶雨兩樹合一作從春荒榭苔膠砌幽叢果墮榛偶來疎或數當暑夕勝晨

露滴星河水巢重草木薪終南同往意趙北獨遊身渡葉司天漏鶯發達地人機清公幹族一作也莫臥漳濱

送盧秀才遊潞府

雨餘滋潤在風不起塵沙邊日寡文思送君吟月華過山干相府臨水宿僧家能賦焉長屈芳一作春宴杏花

送南康姚明府

銅章美少年小邑在南天版籍多遷客封疆接洞田靜江鳴野鼓發纜帶村煙却笑陶元亮何須憶醉眠

送友人棄官遊江左

羨君休作尉萬事且全身寰海多虞日江湖獨往人姓名何處變鷗鳥幾時親別後吳中使應須訪子真

雨中懷友人

對雨思君子嘗茶近竹幽儒家鄰古寺不到又逢秋

寄達

家住錦水上身征遼海邊十書九不到一到忽經年

南齋

獨自南齋臥神閑景亦空有山來枕上無事到心中簾卷侵床月屏遮入座風望春春未至應在海門東

早春題友人湖上新居二首

一作項斯詩

近得雲中路一作門長侵早開到時猶有雪行處已無苔勸酒客初醉留茶僧未來每逢晴暖日惟見乞花栽

門不當官道行人到亦稀故從餐後出多是夜深歸開篋收詩卷掃牀移臥衣幾時同買宅相送一作近有柴扉

送雍陶入蜀

江山事若諳那肯滯雲南草色分危磴杉陰近古潭日斜襄谷鳥夏淺雋州蠶吾自疑雙鬢相逢更不堪

張郎中過原東居

年長惟添嬾經旬止掩關高人餐藥後下馬此林間對坐天將暮同來客亦閑幾時能重至水味似深山

荅王建

一本無建字 祕書

人皆聞蟋蟀我獨恨一作蹉跎白髮無心鑷青山去意多信來漳浦岸期負洞庭波時掃高槐影朝迴或恐過

送李餘往湖南

昔去候溫涼秋山滿楚鄉今來從辟命春物徧潯陽岳石挂海雪野楓堆渚檣若尋吾祖宅寂寞在瀟湘

偶作

野步隨吾意那知是與非稔年時雨足閏月暮蟬稀獨樹依岡老遙峰出草微園林自有主宿鳥且同歸

過雍秀才居

夏木鳥巢邊終南嶺色鮮就涼安坐石煮茗汲鄰泉鐘達清霄半蛸稀暑雨前幽齋如葺罷約我一來眠

寄顧非熊

知君歸有處山水亦難齊猶去瀟湘遠不聞猿狖啼穴通茆嶺下潮滿石頭一作城西獨立生遙思秋原日漸低

送神邈法師

柳絮落濛濛西州道路中相逢一作留春忽盡獨去講初終行疾遙山雨眠遲後夜風繞房三兩樹迴日一作去葉應紅

送慈恩寺霄韻法師謁太原李司空

何故謁司空雲山知幾重積遙來鴈盡雪急去僧逢清磬先寒角禪燈徹曉烽一作峯舊房開片石倚著最高松

送知興上人

久住巴興寺如今始拂衣欲臨秋水別不向故園一作山歸錫挂天涯樹房開一作開嶽頂扉下看千一作萬里曉霜海日生微

送惠雅法師歸玉泉

祇到一作向瀟湘水洞庭湖未遊飲泉看月別下峽聽猿愁一作尋講不停雷雨吟當一作曾近海流降霜歸楚夕星冷玉泉秋

憶江上吳處士

閩國揚帆去蟾蜍虧一作還復團秋風生渭水落葉滿長安此地聚會夕當時雷雨寒蘭橈殊未返消息海雲端

題張一作章博士新居

青楓何不種林在洞庭村應為三湘遠難移萬里根斗牛初過伏菟苜欲香門一作斗移亭北舊一作謝即湖山隱新廬葺

此原

石一作石門陂留辭從叔暮

幽鳥飛不遠此行千里間寒衝陂水霧醉下菊花山有恥長為客無成又入關何時臨澗柳吾黨共來攀

送朱兵曹迴越

星彩練中見澄江豈有泥潮生垂釣罷楚盡去檣西磧鳥辭沙至山颺隔水啼會稽半侵海濤白禹祠溪

懷博陵故人

孤城易水頭不忘舊交遊雪壓園基石風吹飲酒樓路遙千萬里人別十三秋吟苦相思處天寒水急流

夕思

秋宵已難曙漏向二更分我憶山水坐蟲當寂寞聞洞庭風落木天姥月離雲會自東浮去將何欲致君

寄河中楊少尹

非惟咎曩時投刺詣門遲悵望三秋後參差萬里期禹留疏鑿跡舜在寂寥祠此到一作致杳難共迴風逐所思

孟融逸人

孟君臨水居不食水中魚衣褐唯麤帛筐箱祇素書樹林幽鳥戀世界此心疎擬棹孤舟去何峰又結廬

晚晴見終南諸峰

秦分一作下積多峰連巴勢不窮半旬藏雨裏此日到窗中圓魄將昇兔高空一作虛欲叫鴻故山思不見碣石沈寥東

宿池上

泉來從絕壑亭敞在中流竹密無空岸松長可絆舟蟪蛄潭上夜河漢島前秋異夕一作日期深漲攜琴却此遊

喜姚郎中自杭州迴

路多楓樹林累日泊清陰來去泛流水脩然適此心一披江上作三起月中吟東省期司諫雲門悔不尋

送鄭長史之嶺南一本題作送鄭史

雲林頗重疊岑渚復幽奇汨水斜陽岸騷人正則祠蒼梧多蟋蟀白露溼江蘼擢第榮南去晨昏近九疑

送李溟謁宥州李權使君

英雄典宥州迢遞苦吟遊風宿驪山下月斜灞水流去時初落葉回日定非一作無秋太守攜才子看鵬百尺樓

永福湖和楊鄭州

積水還平岸春來引鄭溪舊渠通郭下新堰絕湖西嵩少分明對瀟湘濶狹齊客遊隨庶子孤嶼草萋萋

題長江一本有屬字

言心俱好靜解署落暉空歸吏封宵鑰行蛇入古桐長江頻雨後明月衆星中若任遷人去西溪一作浮與剡通

泥陽館

客愁何併起暮送故人回廢館秋螢出空城寒雨來夕陽飄白露樹影掃青苔獨坐離容慘孤燈照不開

送徐員外赴河中

原野正蕭瑟中間分散情吏從甘扈罷詔許朔方行邊日一作月沈殘角河關截夜城雲居閑獨往長老出房迎

送賀蘭上人

野僧來別我略坐傍泉沙遠道擎空鉢深山蹋落花無師禪自解有格句堪誇此去非緣事孤雲不定家

送令狐綯一本無綯字相公

梁園趨戟節海草幾枯春風水難遭便差池未振鱗姓名猶語及門館阻何因苦擬修文卷重擊獻匠人吟看青島處朝退赤輝晨根愛杉栽活枝憐雪霰新綴篇嗟調逸不和揣才貧早晚還霖雨滂沱洗月輪握苗方滅裂成器待陶鈞因坂思迴顧迷邦輒問津數行望外札絕句握中珍是日榮遊汴當時怯往陳鴻春垂漢爵頑病臥漳濱嶽整五千仞雲惟一片身故山離一作心未死秋水宿經旬下第能無恧高科恐有神罷耕田料廢省釣岸應榛慷慨知音在誰能淚墮巾

寄滄州李尚書

滄溟深絕濶西岸郭東門弋者羅夷鳥杼人思嶠援威稜高臘列煦育極春溫陂淀封疆內葦葭壁壘根搖鞞邊地脈愁箭虎狼魂水縣賣紗市鹽田煮海村枝條分御葉家世食唐恩武可縱橫講功從戰伐論天涯生月片嶼頂湧泉源非是泥池物方因一作應雷雨尊沈謀藏未露隣境帖無喧青塚驕回鶻蕭關陷吐蕃何時霖歲旱早晚雪邦寬迢遰瞻旌纛浮陽寄詠言

逢舊識

幾歲阻干戈今朝勸酒歌羨君無白髮走馬過黃河舊宅兵燒盡新宮日奏一作奉多妖星還有角數尺鐵重磨

崇聖寺斌公房

近來惟一食樹下掩禪扉落日寒山磬多年壞衲衣白鬚長更剃青鬚遠還歸仍說遊南嶽經行是息機

送李傅侍郎一作御劔南行營

走馬從邊事新恩受外臺勇看雙節出期破八蠻回許國家無戀盤江棧不推移軍刁斗逐報捷劔門開角咽獼猴叫鼙鼓霹靂來去年新甸邑猶滯佐時才

別徐明府一作南

抱琴非本意生事偶相縈口尚袁安節身無子賤名地寒春雪盛山淺夕風輕百戰餘荒野千夫漸耦一作耕一杯宜獨夜孤客戀交情明日疲驂去蕭條過古城

岐下送友人歸襄陽

蹉跎隨汎梗羈旅到西州舉翮籠中鳥知心海上鷗山光分首一作手暮草色向家秋若更登高峴看碑定淚流

送友人遊蜀

萬岑深積翠路向此中難欲暮多羈思因高莫遠看卓家人寂寞揚子業凋殘唯有岷江水悠悠帶月寒

送鄭少府

江岸一相見空令惜此分夕一作途陽行帶月酌水少留君野地初一作多燒草荒山過雪雲明年還調集蟬可在家聞

子規一作項斯詩

遊魂自相叫寧復記前身飛過隣家月聲連一作聲野路一作寺春夢邊催曉急愁處送風頻自有落花血相和兩滴新

送僧歸天台

辭秦經越過歸寺海西峯石磴雙流水山門九里松曾聞清禁漏却聽赤城鐘妙宇一作宇研磨講應齊智者蹤

讓紉曹上樂使君

戰戰復兢兢猶如履薄冰雖然叨一掾還似說三乘瓶汲南溪水書來北嶽僧慈惠兼抱疾權紀不相應

贈友人

五字詩成卷清新韻具一作得借不同狂客醉自伴律僧齋春別和花樹秋辭帶月淮却歸登第日名近榜頭排

送雍陶及第歸成都寧親一作親

不唯詩著籍兼又賦知名議論於題稱春秋對問精半應陰隲與全賴有司平歸去峯一作巖巒眾別來松桂生漲

江流水品一作占當道白雲坑勿以攻文捷一作健而將學劍輕製衣新濯錦開醞舊燒罌同日昇科士誰同膝下榮

謝令狐綯一本無綯字相公賜衣九事

長江飛鳥外主簿跨驢歸逐客寒前夜元戎子厚衣雪來松更綠霜降月彌輝即日一作調殷鼎朝分是與非

送金州鑿周上人

地一作池必尋天目溪仍住若耶帆隨風便發月不要雲遮極浦浮霜雁迴潮落海查我嶠省春上立雪指流沙

送譚遠上人

下視白雲時山房蓋一作挂樹皮垂一作雪枝松落子側一作佛頂鶴聽棋清淨從沙劫中終未日敲金光明本行同侍出我嶠

新年

嗟以龍鍾身一作貌如何歲復新石門思隱久銅鏡強窺頻花發新移樹心知故國春誰能平此恨豈是北宗人

送僧

出家從州歲解論造玄門不惜揮談柄誰能聽至言中時山果熟後夏竹陰繁此去逢何日我嶠曉復昏

送姚杭州

白雲峯下城日夕白雲生人老江波一作魚釣田侵海樹耕吳山鍾入越蓮葉吹搖旌詩異石門思壽來向越一作送迎

一作關上迎

夜集田卿宅

朗詠高齋下如將古調彈翻鴻向桂水來雪渡桑乾滴滴玉漏曙脩脩竹籟殘曩年曾宿此亦值五陵寒

寄山友一作中長孫棲嶠

此時氣蕭颯一作琴琴院可應關鶴似君無事風吹雨遍山松生青石上泉落白雲間有徑連高一作萬頂心期相與還

訓厲玄

我來從北鄙子省步一作度西陵白髮初相識秋山擬共登鄰居帝城兩會宿御溝冰未報見一作君貽作耿然中夜興

送劉式洛中親省

晴峯三十六侍立上春臺同宿別離恨共看星月迴野鶯臨苑語河櫂歷江來便寄相思札緘封花下開

送空公往金州

七百里山水手中柳栗巖松生師坐石潭滌祖傳孟長擬老獄嶠又聞思海湖惠能同俗姓不是嶺南盧

贈紹明上人

未住青雲一作龍室中秋獨往年上方嵩若一作古寺下視雨和一作如烟祖豈無言去心因斷臂傳不知能已後更有幾燈然

贈弘泉上人

洗足下藍嶺古師精進同心知溪卉長居此玉林空西殿宵燈磬東林曙雨風舊峯鄰太白石座雨苔濛

送宣皎上人遊太白

剃髮鬢無雪去年三十三山過春草寺磬度落花潭得句才鄰約論宗意在南峯靈疑懶下蒼翠太虛參

病起

高一作高丘歸未得空自責遲迴身事豈能遂蘭花又已開病令新作少雨阻故人來燈下南華卷袂愁當酒杯

送殷侍御赴同州

馮翊蒲西一作連郡沙岡擁地形中條全離嶽清渭半和湮夜暮一作入眠明月秋深一作新至洞庭猶來交辟士一作由交事別

一作事偃林局

送沈鶴

家楚塔於秦攜妻去養親陸行千里外風卷一帆新夜泊疏山雨秋吟搗藥輪蕪城登眺作一作後才動廣陵人

秋夜仰懷錢孟二公琴客會

月色四時好秋光君一作吾子知南山昨夜雨為我寫一作寄清規獨鶴聳寒骨高杉韻細颺仙家縹緲弄髮鬢此中期

贈李金州

綺里祠前後山程踐白雲沂流隨大旆登岸見全軍曉角吹人夢秋風卷雁羣霧開方露日漢水底一作與沙分

酬姚合一本無校書

因貧行遠道一作道遠得見舊交遊美酒易傾盡好詩難卒酬公堂朝共到私第夜相留不覺入關晚別來林木秋

送獨孤馬二秀才居明月山讀書

濯志俱高潔儒科慕冉顏家辭臨水郡兩到讀書山棲鳥椶花上聲鐘磬一作機閣間寂寥窗戶外時見一舟還

病蟬

病蟬飛不得向我掌中行拆翼猶能薄酸吟尚極清露華凝在腹塵點誤侵睛黃雀并一作兼鳥一作鳥俱懷害爾情

青門里作

燕存鴻已過海內幾人愁欲問南宗理將歸北嶽修若無攀桂分祇是臥雲休泉樹一為別依稀三十秋

盧秀才南臺

居在青門里臺當千萬岑下因岡助勢上有樹交陰陵遠根纔近一作空長畔可尋新晴登嘯處一作驚起宿枝禽

寄李輅侍郎

終過盟津書分明夢不虛人從清渭別地隔太行餘賓幕誰嫌靜公門但晏如樞輅乾霹靂斜漢溼蟾蜍追琢垂今後敦龐得古初井臺憐操築漳岸想丕疏亦冀鏗珉珮終當直石渠此身多抱疾幽里近營居憶漱蘇門澗經浮楚澤瀦松栽侵古影葦斷尚芹菹語嘿曾延接心源離滓淤誰言姓琴氏獨跨角生魚

寄令狐絢一本無絢字相公

驢駿勝羸馬東川路匪賒一絨論賈誼三蜀寄嚴家澄徹霜江水分明露石沙話言聲及政棧閣谷離斜自著衣偏暖誰憂雪六花裊裳留潤襪防患與通茶山館中宵起星河殘月華雙僮前日雇數口向天涯良樂知騏驥張雷驗鎔鄒謙光賢將相別紙聖龍蛇豈有斯言玷應無白壁瑕不妨圓鬼裏人亦指蝦蟆

再投李益常侍

何處初投刺當時赴尹京淹留花柳一作變然諾肺腸傾避暑蟬移樹高眠一作雁過城人家嵩嶽色公府洛河聲聯句逢秋盡嘗茶見月生新衣裁白苧思從曲江行

積雪

昔一作屬時霖滯今逢臘雪多南猜飄桂渚北訝雨交河盡滅平蕪色彌重古木柯空中離白氣島外下滄波隱者迷樵道朝人令玉珂夕繁仍畫密漏間復鐘和想積高嵩頂新秋皎一作月過

過楊一作道士居

先生修道處茆屋遠羃氣叩齒坐明月搢頤望白雲精神含藥色衣服帶霞紋無話一作瀛洲路多年別少君

贈僧

亂山秋木穴裏有靈蛇藏鐵錫挂臨一作海一作石樓聞異香出塵頭未白入定衲疑霜莫話五湖事令人心欲狂

送友人遊塞

飄蓬多塞下君見益潸然迥曠沙銜日長河水接天夜泉行客火曉戍向京煙少結相思恨佳期芳草前

思遊邊友人

凝愁對孤燭昨日飲離杯一作下故人去天中新雁來連沙秋草薄帶雪暮山開苑北紅塵道何時見遠迴

秋暮寄友人

寥落關河暮霜風樹葉低遠天垂地外寒日下峯一作山西有志煙霞切無家歲月迷清宵話白閣已負十一作數年樓

寄令狐綯一本無綯字相公

官高頻一作頻教授老免把犁鋤一主長江印三封東省書不無濠上思唯食園中蔬夢幻將泡影浮生事只如

和孟逸人林下道情

四氣一作時相陶鑄中庸道豈銷夏雲生此日春色盡今朝陋巷貧無悶毘耶疾未調已栽天一作蓬末柏合抱豈非遙

宿姚少府北齋

石溪同夜泛復此北齋期鳥絕吏歸後蛩鳴客臥時鑣城涼雨細開印曙鐘遲憶此漳川岸如今是別離

雪晴晚望

倚杖望晴雪溪雲幾萬重樵人歸白屋寒日下危峯野火燒岡草斷煙生石一作古松却回山寺路聞打暮天鐘

送崔嶠遊瀟湘

功烈尚書孫琢磨風雅言渡河山鑿處陟峴漢灘喧夢想吟天目宵同話石門楓林葉欲下極浦月清敞

寄朱錫珪

遠泊與誰同來從古木中長江人釣月曠野火燒風夢澤吞楚大閩山阨一作隱海叢此時橋底水濤起屈原通

馬戴居華山因寄

玉女洗頭盆孤高不可言瀑流蓮嶽頂河注華山根絕雀林藏鶻無人境有後秋蟾纔過雨石上古松門

寄胡遇

一自殘春別經炎復到涼螢從枯樹出蛩入破堦藏落葉書勝紙閑砧坐當牀東門因送客相訪也何妨

○送李戎扶侍往壽安
二千餘里路一半是波濤未曉著衣起出城逢日高關山多寇盜扶侍帶弓刀臨別不揮淚誰知心鬱陶

送孫逸人

衣屨猶同俗妻兒亦宛然不餐能累月無病一作疾已多年是藥皆諳性令人漸信仙杖頭書數卷荷入翠微煙

寄華山僧

遙知白石室松柏隱朦朧月落看心次雲生閉目中五更鐘隔嶽萬尺水懸空苔蘚嵌巖所依稀有徑通

送李登少府

伊陽耽酒尉朗詠醉醒新應見嵩山裏明年躑躅春一千尋樹直三十六峯鄰流水潺潺處堅貞玉澗珉

易州過郝逸人居

每逢詞翰客邀我共尋君果見閑居賦未曾流俗聞也知鄰市井宛似出鷲一作塵氛却笑巢由輩何須隱白雲

訓鄆縣李廓少府見寄

稍憐公事退復遇夕陽時北朔霜凝竹南山水入籬吟懷滄海侶空問白雲師恨不相從去心惟野鶴知

淨業寺與前鄆縣李廓少府同宿

來從城上峯京寺暮相逢往往語復默微微雨灑松家貧初罷吏年長畏閑蚤前日猶拘束披衣起曉鐘

送南卓歸京

殘春別鏡陂罷郡未霜鬢行李逢炎暑山泉滿路歧雲藏巢鶴樹風觸鸛鶯枝三省同虛位雙旌帶去思入城

宵夢後待漏月沈時長策并忠告從容寫玉墀一作地

臥疾走筆訓韓愈書問

一臥三四旬數書惟獨一作書君願為出海月不作歸山雲身上衣頻寄一作寄甌中物亦分欲知強健否病鶴未離羣

長孫霞李溟自紫閣白閣二峯見訪

寂寞吾廬貧同來二閣人所論唯野事招作一作訪住雲鄰古寺期秋宿平林散早春激流今已矣巢許豈堯臣

送惟一遊清涼寺

去有巡臺侶荒溪衆樹分瓶殘秦地水錫入晉山雲秋月離喧見寒泉出定聞人間臨欲別旬日雨紛紛
鄭尚書新開涪江二首

岸鑿青山破江開白浪寒日沈源出海春至草生灘梓匠防波溢蓬仙畏水乾從今疏決後任雨滯峯巒
不侵南畝務已拔北江流涪水方移岸潯陽有到舟潭澄初搗藥波動乍垂鈎山可疏三里從知一作歷億秋

寄喬侍郎

大寧猶未到曾渡北浮橋曉出爬船寺手擎紫栗條差池不相見悵望至今朝近日營家計繩懸一小瓢

送去華法師

在越居何寺東南水路歸秋江洗一鉢寒日曬三衣默聽鴻聲盡行看葉影飛囊中無寶貨船戶夜扁稀

送蔡京

躍蹄歸魯日帶漏別秦星易折芳條桂難窮邃義經登封多秦嶽巡狩徧滄溟家在何林下梁山翠滿庭

慈恩寺上座院

未委衡山色何如對塔峯曩宵曾宿此今夕值秋濃羽族棲煙竹寒流帶月鐘井甘源起異泉湧清苔封

題朱慶餘所居

天寒吟竟曉古屋瓦生松寄信船一隻隔鄉山萬重樹來沙岸鳥窗度雪樓鐘每憶江中興更看城上峯

送黃知一作新歸安南

池亭沈飲徧非獨曲江花地遠路穿海春歸冬到家火山難下雪瘴土不生茶知決移一作來計相逢期尚賒

贈胡禪師

自是根機鈍非關夏臘深秋來江上寺夜坐嶺南一作心井鑿山含月風吹磬出林祖師攜一作隻履去路杳難尋

元日女道士受籙

元日更新夜齋身稱淨衣數星連斗出萬里斷雲飛霜下磬聲在月高壇影微立聽師語了左肘繫符歸

重與彭兵曹

故人在城裏休寄海邊書漸去老不遠別來情豈踈硯冰催臘日山雀到貧居每一作有平戎計一作官家一作別教

贈莊上人

不語焚香坐心知道已成流年衰此世定力見他生暮雪餘春冷寒燈續晝明尋常五侯至敢望下塔迎

落第東歸逢僧伯陽

相逢須語笑人世別離頻曉至一作長侵月思鄉動隔春見僧心暫靜從俗事多迤宇宙詩名小山河客路新翠
桐猶入雙清鏡未辭塵逸足思奔驥隨羣且退鱗宴垂紅杏寺愁在綠楊津老病難為樂開者賴故人

皇甫主簿期遊山不及赴

休官匹馬在新意入山中更住應難遂前一作相期恨不同集蟬苔樹僻留客雨堂空深夜誰相訪惟當清淨翁

宿成湘林下

相訪夕陽時千株木未衰石泉流出一一作出谷山雨滴棲鷗漏向燈聽數酒因客寢遲今宵不盡興更有月明期

喜雍陶至

今朝笑語同幾日百憂中烏度劒門靜蠻歸瀘水空步霜吟菊畔待月坐林東且莫孤此興勿論窮與通

酬胡遇

麗句傳人口科名立可圖移居見山燒買樹帶巢鳥遊遠風濤急吟清雪月孤却思初識面仍未有多鬚

宿慈恩寺郁公房

病身來寄宿自掃一牀開反照臨江磬新秋過雨山竹陰移冷月荷氣帶禪關獨住一作往天台意方從內請還

送褚山人歸日本一作東

懸帆待秋水一作色去入杳冥間東海幾年別中華此日還岸邊生白髮波盡露青山隔水相思在無書也是閑

寄韓湘

過嶺行多少潮州漲一作滿川花開南去後水凍北歸前望鷺吟登閣聽後淚滴船相思堪面話一作語不著尺書傳

雨夜寄馬戴

芳林杏花樹花落子西東今夕曲江雨寒催朔北風鄉書滄海絕隱路翠微通寂寂相思際一作孤孤一作紅缸殘漏中

喜無可上人遊山回

一食復何如尋山無定居相逢新夏滿不見半年餘聽話龍潭雪休傳鳥道書別來還似舊白髮日高梳

寄毘陵徹公

身依吳寺老黃葉幾迴看早講林霜在孤禪隙月殘井通潮浪遠鐘與角聲寒已有南遊一作約誰言禮謁難

送韋瓊校書

賓佐兼歸覲此行江漢心別離從闕下道路向山陰孤嶼消寒沫空城滴夜霖若邪溪畔寺秋色共誰尋

寄劉侍御

衣多苔蘚痕猶擬更趨門一作自夏雖無病經秋不過原積泉留依鳥一作雁一作疊岫一作嶼一作隔巴後琴月西齋集如今豈復言

送穆少府知眉州

劔門倚青漢君昔未曾過日暮行人少山深異鳥多一作啼和峽雨棧盡到江波一路白雲裏飛泉灑薜蘿

二月晦日留別郭一作中友人

立馬柳花裏別君當酒酣春風漸向北雲一作雁不飛南明曉日初一今年月又三鞭羸去暮色遠嶽起煙嵐

送李校書赴吉期

筮算重重吉良期詎可遷不同牛女夜是配鳳凰年佩玉春風裏題章蠟燭前詩書與箴訓夫哲又妻賢

宿孤館

落日投村戍愁生爲客途寒一作山晴後綠秋一作月夜來一作孤橘樹千株在漁家一半無自知風水靜舟繫岸邊蘆

哭宗密禪師

鳥道雪岑巔師亡誰去禪几塵增滅後樹色改生前層塔當松吹殘蹤傍野泉唯嗟聽經虎時到壞菴邊

宿山寺

衆岫聳寒色精廬向此分流星透疎木走月逆行雲絕頂人來少高松鶴不羣一僧年八十世事未曾聞

送友人如邊

去日重陽後前程菊正芳行車輾秋嶽落葉墜寒霜雲入漢天白風高磧色黃蒲輪待恐晚求薦向諸方

題竹谷上人院

禪庭高鳥道迴望極川原樵徑連峯頂石泉通竹根木深猶積雪山淺未聞猿欲別塵中苦願師貽一言

京北原作

登原見城闕策蹇思炎天日午路中客槐花風處蟬遠山秦木一作樹上清渭漢陵前何事居人世皆從一作因名利牽

寄江上人

紫閣舊房在新家中嶽東煙波千里隔消息一朝通寒日汀洲路秋晴島嶼風分明杜陵葉別後兩一作兩經紅

送僧歸太白山

堅冰連夏處太白接青天雲塞石房路峯明兩外巔夜禪臨虎穴寒漱撒龍泉後會不期日相逢應信緣

暮過山村

數里聞寒水山家少四鄰怪禽啼曠野落日恐行人初月未終夕邊烽不過秦蕭條桑柘外煙火漸相親

鷺鷥

求魚未得食沙岸往來行島月獨棲影暮天寒過聲墮巢因木折失侶遇弦驚頻向煙霄望吾知爾去程

內道場僧弘紹

麟德燃香請長安春幾回夜閑一作寒同像寂晝定為吾開講罷松根老經浮海水來六年雙足履只步院中苔

蔣亭和蔡湘州

蔣宅為亭榭蔡城東郭門潭連秦相井松老漢朝根已積蒼苔徧何曾舊徑存高齋無事後時復一攜尊

光州王建使君水亭作

楚水臨軒積澄鮮一畝餘柳根連岸盡荷葉出萍初極浦清相似幽禽到不虛夕陽庭際眺槐雨滴疎一作疎

留別光州王使君建一本無定字

杜陵千里外期在末秋歸既見林花落須防木葉飛楚從何地盡淮隔數峯微迴首餘霞失斜陽照客衣

宿姚合宅寄張司業籍一本無籍字

開宵因集會一作會柱史話先生身愛無一事心期往四明松枝影搖動石磬響寒清誰伴南齋宿月高霜滿城

哭張籍

精靈歸恍惚石磬韻曾聞。即日一作是前古誰人耕此墳。舊遊孤權一作遠故城。九江分本欲蓬瀛去。餐芝御白雲。

靈準上人院

掩扉當太白。臘數等松椿。禁漏來遙一作夜。山泉落近鄰。經聲終卷曉。草色幾芽春。海內知名士。交遊準上人。

寄柳舍人宗元一本無宗元二字

格與功俱造。何人意不降。一宵三夢柳。孤泊九秋江。擢第名重列。冲天字幾雙。誓為仙者僕。側執馭風幢。

送玄巖上人歸西蜀

玉壘山中寺。幽深勝槩多。藥成彭祖壽。頂受七輪摩。去臘催今夏。流光等逝波。會當依糞掃一作五嶽徧頭陀。

寄宋州田中丞

古郡近南徐。關河萬里餘。相思深夜後一作未。荅去秋一作書。自別知音少。難忘識面初。舊山期已久。門掩數畦蔬。

送朱休歸劔南

劔南歸受賀。太學賦聲雄。山路長江岸。朝陽十月中。芽新抽雪茗。枝重集楓卓。氏琴臺廢深。蕪想徑通。

寄長武朱尚書

不日即登壇。槍旗一萬竿。角吹邊月沒。鼓絕爆雷殘。中國今如此。西荒可取難。白衣思請謁。徒步在長安。

送皇甫侍御

曉鐘催早朝。自是一作獨自赴嘉招。舟泊湘江澗。田收楚澤遙。雁驚起衰草。後渴下寒條。來使黔南日。時應問寂寥。

郊居即事

住此園林久。其如未是家。葉書傳野意。簷溜煮胡茶。雨後逢行鷺。更深聽遠蛙。自然還往裏。多是愛煙霞。

夜集姚合宅期可公不至

公堂秋一作春。雨夜已。是念園林何事疾。病日重論山水心。孤燈明臘後。微雪下更深。釋子乖來約。泉西寒磬音。

喜李餘自蜀至

迢遞岷峽外。西南驛路高。幾程尋嶮棧。獨宿聽寒濤。白鳥飛還立。青猿斷更號。往來從此過。詞體近風騷。

王侍御南原莊

買得足雲地新栽藥數窠峰頭盤一徑原下注雙河春寺開眠久晴臺獨上多南齋宿雨後一作夜仍許重來麼一作過

送康秀才

俱為落第年相識落花前酒瀉兩三盞詩吟十數篇行岐逢塞雨嘶馬上津船樹影高堂下迴時應有蟬

送僧

此生披衲過在世得身閑日午遊都市天寒往華山言歸文字外意出有無間仙掌雲邊樹巢禽時出關

寄魏少府

來時乖面一作傷別終日使人愁易記卷中句難忘燈下談溼苔黏樹瘦瀑布濺房菴音信如相惠移居古井南

原居即事言懷贈孫員外

出入土門偏秋深石色泉徑通原上草地接水中蓮採菌依餘枿拾薪逢刈田鑿掃白髮斷兵阻尺書傳避路來華省抄詩上彩牋高齋久不到猶喜未經年

登樓

秋日登高望涼風吹海初山川明已久河漢沒無餘遠近涯寥曠一作麻高低中太虛賦因王閣筆思比謝遊疎

上樂使君救康成公一作陳陶續古詩

曾夢諸侯笑康成因議脫枷千根池裏藕一朵火中花

昆明池泛舟

一枝青竹榜泛泛綠萍裏不見釣魚人漸入秋塘水

送僧

大內曾持論天南化俗行舊房山雪在春草岳陽生曉了蓮經義堪任寶蓋迎王侯皆護法何寺講鐘鳴

送劉知新往襄陽

此別誠堪恨荆襄是舊遊眼光懸欲落心緒亂難收花木三層寺煙波五一作伍相樓因君兩地去長使夢悠悠

寄慈恩寺郁上人

中秋期夕望虛室省相容北斗生清漏南山出碧重露寒鳩宿竹鴻過月圓一作鐘此夜情應切衡陽舊住峯

送饒州張使君

終南雲雨連城闕去路西江白浪頭除上郡齋離昨日鄱陽農事勸今秋道心生向前朝寺文思來因靜夜樓借問泊帆干謁者誰人曾聽峽猿愁

觀冬設上東川楊尚書

匏革奏冬非獨樂軍城未曉啟重門何時却一作去入三台貴此日空知八座尊羅綺舞中一作時收雨點貔貅闌外卷雲根逐遷屬吏隨賓列撥一作去權扁舟不忘恩

巴興作

三年未省聞鴻叫九一作月何曾見草枯寒暑氣均思白社星辰位正憶皇都蘇卿持節終還漢葛相行師自渡瀘鄉味朔山林果別北歸期挂海帆孤

早蟬

早蟬孤抱芳槐葉噪向殘陽意度秋也任一一作聲催我老堪聽一作憐兩耳畏吟休得非下第無高韻須是青山隱白頭若問此心嗟嘆否天人不可怨而尤

投元郎中

一作秋在瀟湘歸未期卷中多是得名詩高臺聊望清秋色片水堪一作難留白鷺鷥省宿有時聞急雨朝迴盡日伴禪師舊文去歲曾將獻蒙與人來說始知

阮籍嘯臺

如聞長嘯春風裏荆棘叢邊訪舊蹤地接蘇門山近遠荒臺窅兀抵高峰

滕校書使院小池一本無上三字

小池誰見鑿時初走水南來十里餘樓上日斜吹暮角院中人出鎖遊魚

送陝府王建一本無建字司馬

司馬雖然聽曉鐘尚猶高枕恣疎慵請詩一作持僧過三門水賣藥人歸五老峰移舫綠陰一作深處息登樓涼夜此時逢杜陵惆悵臨相一作支餞未寢月前多履一作履蹤

○上谷旅夜

世難那堪恨旅遊龍鍾更是對窮秋故園千里數行淚鄰杵一聲終夜愁月到寒窗空皓晶風翻落葉更颼颼此心不向常人說倚識平津萬戶侯

寄無得頭陀

夏臘今應三十餘不離樹下塚間居貌堪良匠抽毫寫行稱高僧續傳書落澗水聲來達達當空月色自如如白衣只在青門裏心每相親跡且疎

崔卿池上雙白鷺

鷺雛相逐出深籠頂各有絲莖數同灑石多霜移足冷隔城遠樹挂巢空其如盡在灘聲外何似雙飛浦色中見此池潭一作塘卿自鑿清冷太液底潛通

送胡道士

短褐身披滿漬一作野苔靈溪深處觀門開却從城裏移一作攜琴去許到山中寄藥來臨水一作灑古壇秋醮罷一作後宿杉一作松幽一作寒鳥夜一作暮飛迴丹梯願逐真人上一作未遊彼日夕歸心白髮催一作師往如

○寄韓潮州愈

此心一作身曾與木蘭舟直到天南潮一作湖水頭隔嶺篇章來華岳出關書信過瀧流峰懸驛路殘雲斷海浸城根一作關老樹秋一夕瘴煙風卷盡月明初上浪西樓

○謝張籍王建

疎林荒宅古坡一作坡前久住還因太守憐漸老更思深處隱多閑數得上方眠鼠拋貧屋收田日鴈度寒江擬一作擬雪天身是一作龍鍾應是分水曹芸閣枉來篇

逢博陵故人彭兵曹

曲陽分散會京華見說三年住海涯別後解餐蓬藜子向前未識牡丹花偶逢日者教求祿終傍泉聲擬置家

蹋雪攜琴一作相就宿夜深開戶斗牛一作月一作斜

贈牛山人

二十年中餌茯苓致書一作半是老君經東都舊住商人宅南國新修道士亭鑿石養蜂休買蜜坐山秤藥不爭星古來隱者多能卜欲就先生問丙丁

送于中丞使回紇册立

君立天驕發使車册文字字著金書漸通一作青塚鄉山盡欲達皇情譯語初調角寒城邊色動下霜秋磧雁行疎旌旗來往幾多日應向途中見歲除

送劉侍御重使江西

時當苦熱遠行人石壁飛泉濺馬身又到鍾陵知務大還浮滄浦屬秋新早程猿叫雲深極宿館禽驚葉動頻前者已聞廉使薦兼言有畫靜邊塵

贈圓上人

誦經千紙得為僧麈尾持行不拂蠅古塔月高聞呪水新壇日午見燒燈一雙童子澆紅藥百八真珠貫綠繩且說近來心裏事仇讎相對似親朋

處州李使君改任遂州因寄贈

庭樹幾株陰入戶主人何在客聞蟬鑰開原上高樓鎖瓶汲池東古井泉趨靜野禽一作曾一作後到休吟鄰叟始安眠仙都山一作水誰能憶西去風濤書滿船

酬慈恩寺文郁上人

袈裟影入禁池清猶憶鄉山近赤城籬落罇間寒蟹過莓苔石上晚蛩行一作期登野閣閑應甚阻宿山一作房疾未平聞說又尋南岳去無端詩思忽然生

訪鑿玄師姪

維摩青石講初休緣訪親宗到普州我有軍持憑弟子岳陽溪裏汲寒流

夜坐

蟋蟀漸多秋不淺蟾蜍已沒夜應深三更兩鬢幾枝雪一念雙峰四祖心

送別

門外便伸千里別無車不得到河梁高樓直上百餘尺今日為君南望長

聞蟬感懷

新蟬忽發最高枝不覺立聽無限時正遇友人來告別一心一作聲分作兩般悲

夏夜上谷宿開元寺

詩成一夜月中題便臥松風到曙雞帶月時聞山鳥語郡城知近武陵溪

送于總持歸京

出家初隸何方寺上國西明御水東却見舊房塔下樹別來二十一春風

崔卿池上鶴

月中時叫葉紛紛不異洞庭霜夜聞翎羽如今從放長一作從今猶能飛起向一作上孤雲

登田中丞高亭

高亭林表迥嵯峨獨坐秋宵不寢一作寐多玉免一作晚玉人歌裏出白雲難似一作難白莫相和

友人婚楊氏催妝

不知今夕是何夕催促陽臺近鏡臺誰道芙蓉水中種青銅鏡裏一枝開

酬朱侍御望月見寄

他寢一作今夜此時吾不寢近秋三五日一作月逢晴一作時相思唯有霜臺月望盡孤光見却生一作遲

題韋雲叟草堂

新起此一作北堂開北窗當窗山隔一重江白茅草苦一作重重重密愛此一作秋秋天夜雨淙

和韓吏部泛南溪

溪裏晚從池岸出石泉秋急夜深聞木蘭船共山人上月映渡頭零落雲

方鏡

背如刀截機頭錦面似升量澗底泉銅雀臺南秋日後一作得照來照去已三年

訓姚合

黍穗豆苗侵古道晴原午後早秋時故人相憶僧一作曾來說楊柳無風蟬滿枝

送靈應上人

遍參尊宿遊方久名岳奇峰問此公五月半間看瀑布青城山裏白雲中

贈丘先生

常言喫藥全勝飯華岳松邊採茯苓不遣鬚鬚一莖白擬爲白日上昇人

渡桑乾

客舍并州已十霜歸心日夜憶咸陽無端更渡桑乾水却望并州是故鄉

夜期嘯客呂逸人不至

逸人期宿石林中遣我開扉對晚空不知何處嘯秋月閑著一作閑一作却松門一夜風

夜集烏行中所居

環爐促席復持杯松院雙扉向月開座上同聲半先達名山獨入此心來

贈梁浦秀才斑竹拄杖

揀得林中最細枝結根石上長身遲莫嫌滴瀝紅斑少恰似一作是湘妃淚盡時

尋石鑿寺上方

野寺入時春雪後崎嶇得到此房前老僧不出迎朝客已住上方三十年

早秋寄題天竺靈隱寺

峰前峰後寺新秋絕頂高窺見沃州人在定中聞蟋蟀鶴從一作曾棲處挂獼猴山鐘夜渡空江水汀月寒生古石

樓心憶懸一作挂帆身未遂謝公此地昔年遊

黎陽寄姚合

魏都城裏曾遊一作遊從熟才子齋中止泊多去日綠楊垂紫陌歸時白草夾一作映黃河新詩不覺千迴詠古鏡曾一作重經

幾度存磨惆悵心思滑臺北滿杯濃酒與愁和

送崔約秀才

歸寧鬢髯三千里月向船窗見幾宵野鼠獨偷高樹果前山漸見短禾苗更深柵鎖淮波疾葦動風生雨氣遙重入石頭城下寺南朝杉老未乾焦

詠懷

縱把書看未省勤一生計祇長貧可能在世無成事不覺離家作老人中嶽深林秋獨往南原多草夜無鄰經年抱疾誰來問野鳥相過啄木頻

夏日寄高洗馬

三十年來長在客兩三行淚忽然垂白衣蒼鬢經過嬾赤日朱門偃息遲花發應耽新熟酒草顛還寫早朝詩不緣馬死西州去畫角堪聽是曉吹

送周判官元範赴越

原下相逢便別離蟬鳴關路使迴時過淮漸有懸帆興到越應將墜葉期城上秋山生菊早驛西寒波落潮遲已曾幾遍隨旌旆去謁荒郊一作京大禹祠

送羅少府歸牛渚

作尉長安始三日一作三月忽思牛渚夢天台楚山遠色獨歸去灞水空流相送回霜覆鶴身松子落月分螢影石房開白雲多處應頻到寒澗泠泠漱一作發古苔

題童真上人

江上修持積歲年灘聲未擬住潺湲誓從五十身披衲便向三千界坐禪月峽青城那有滯天台廬岳豈無緣昨宵忽夢遊滄海萬里波濤在目前

贈溫觀主

一別羅浮竟未還觀深廡古院多關君來幾日行虛洞仙去空壇在達山胎息存思當黑處井華懸綆取朝間弊廬道室雖鄰近自樂冬陽炙背閑

賀麗少尹除太常少卿

太白山前終日見十旬假滿擬秋尋中峰絕頂非無路北闕除書阻一作入林朝謁此時開野屐宿齋何處止一作正

上邠寧邢司徒

箭頭破帖一作渾一作無敵杖底敲球遠有聲馬走千蹄朝萬乘地分三郡擁雙旌春風欲盡山花發曉角初吹客夢驚不是邢公來鎮此長安西北未能行

欲遊嵩岳留別李少尹益

一本無益字

孤策遲迴洛水湄孤禽嘹唳一作幸人知嵩岳望中常待我河梁欲上未題詩新秋愛月愁多雨古觀逢一作仙看盡棋微眇此來將敢問鳳凰何日定一作歸池

病鶻吟

俊鳥還投高處栖騰身戛戛下雲梯有時透霧凌空去無事隨風入草迷迅疾月邊捎玉兔遲迴日裏拂金雞不緣毛羽遭零落焉肯雄心向爾低

贈僧

從來多一作是遊山水省泊禪舟月下濤初過石橋年尚少久辭天柱臘應高青松帶雪懸銅錫白髮如霜落鐵刀常恐畫工一作援筆寫身長七尺有眉毫

贈一本有某字翰林

清重無一作過知內制從前禮絕外庭人看花在處多隨駕召宴無時不及一作身馬自賜來騎覺穩詩緣見徹語長一作新應憐獨向名場苦曾十餘年浪過一作春

頌德上賈常侍

邊臣說使朝天子發語轟然激夏雷高節羽書期獨傳分符絳郡滯長材啁啾鳥恐鷹鷂起流散人歸父母來自顧此身無所立恭談祖德朶頤開

田將軍書院

全唐詩

卷二十一

滿庭花木半新栽。石自平湖遠岸來。筍迸鄰家還長竹。地經山雨幾層苔。井當深夜泉微上。關入高秋戶盡開。行背曲江誰到此。琴書鎖著未朝迴。

投麗少尹

閉戶息機搔白首。中庭一樹有清陰。年年不改風塵趣。日日轉多泉石心。病起望山臺上立。覺來聽雨燭前吟。龐公相識元和歲。眷分依依直至今。

夏夜登南樓

水岸寒樓帶月躋。夏林初見岳陽溪。一點新螢報秋信。不知何處一作樹是菩提。

題青龍寺

碣石山人一軸詩。終南山北數人知。擬看青龍寺裏月。待無一點夜雲時。

贈李文通

營當萬勝岡頭下。誓立千年不朽功。天子手擎新鉞斧。諫官請贈李文通。

題號州三堂贈吳郎中

無窮草樹昔誰栽。新起臨湖白石臺。半岸泥沙孤鶴立。三堂風雨四門開。荷翻團露驚秋近。柳轉斜陽過水來。昨夜北樓堪朗詠。號城初鎖月裴回。

送僧

送僧

池上時時松雪落。焚香煙起見孤燈。靜夜憶誰來對坐。曲江南岸寺中僧。

三月晦日贈劉評事

三月正一作春當三十日。風一作春光別我苦吟身。共君今夜不須睡。未到曉鐘猶一作更遠是春。

送張道者

新歲抱琴何處去。洛陽三十六峰西。生來未識山人面。不得一聽烏夜啼。

題魚尊師院

老子堂前花萬樹。先生曾見幾迴春。夜煎白石平明喫。不擬教人哭此身。

宿村家亭子

一作宿杜司空東亭
一作題杜司空亭子

牀頭枕是溪中石井底泉通竹下池宿客未眠過夜半

一作當
半夜

獨聞山雨到來時

送稱上人

歸蜀擬從巫峽過何時得入舊房禪寺中來後誰身化起塔栽松向野田

楊祕書新居

城角新居鄰靜寺時從新閣上經樓南山泉入宮中去先向詩人門外流

聽樂山人彈易水

朱絲弦底燕泉急燕將雲孫白日彈嬴氏歸山陵已掘聲聲猶帶髮衝冠

經蘇秦墓

沙埋古篆折碑文六國興亡事繫一作計君今日淒涼無處說亂山秋盡有寒雲

題戴勝

星點花冠道士衣紫陽宮女化身飛能傳上界春消息若到蓬山莫放歸

題隱者居

雖有柴門常不關片雲孤木伴身閑猶嫌住久人知處見擬移家更上山

哭孟東野

蘭無香氣鶴無聲哭盡秋天月不明自從東野先生死側近雲山得散行

過京索先生墳

京索先生三尺墳秋風漠漠吐寒雲從來有恨君多哭今日何人更哭君

容思

促織聲尖尖似針更深刺著旅人心獨言獨語月明裏驚覺眠童與宿禽

鹽池院觀鹿

條峰五老勢相連此鹿來從若箇邊別有野麋人不見一生長飲白雲泉

黃鶴下太液池

高飛空外鶴下向禁中池岸印行蹤淺波搖立影危來從千里鳥舞拂萬年枝踉蹌孤風起裴回水沫移幽音
清露滴野性白雲隨太液無彈射靈禽翅不垂

代舊將

舊事說如夢誰當信老夫戰場幾處在部曲一人無落日收病一作疲馬晴天曬陣圖猶希聖朝用自鑷白鬚鬚

老將

膽壯亂鬚白金瘡蠹百骸旌旗猶入夢歌舞不開懷燕雀來鷹架塵埃滿箭韋自誇勲業重開府是官階

春行

去去行人迷塵隨馬不窮旅情斜日後春色早煙中流水穿空館閑花發故宮舊鄉千里思池上綠楊風

題鄭常侍廳前竹

綠竹臨詩酒嬋娟思不窮亂枝低積雪繁葉亞寒風蕭颯疑泉過紫迴有逕通侵庭根出土隔壁筍成叢疎影
紗窗外清音寶瑟中卷簾終日看敲枕幾秋同萬頃歌王子千竿伴阮公露光憐片片雨潤愛濛濛嶰谷蠻湖
北湘川瀟水東何如軒檻側蒼翠裏長空

早行

早起赴前程鄰雞尚未鳴主人燈下別羸馬暗中行躡石新霜滑穿林宿鳥驚連山鐘動後曙色漸分明

送人南歸

分手向天涯迢迢泛海波雖然南地遠見說北人多山暖花常發秋深鴈不過炎方饒勝事此去莫蹉跎

送人南遊

此別天涯遠孤舟泛海中夜行常認火帆去每因風蠻國人多富炎方語不同鴈飛難度嶺書信若爲通

送道者

獨向山中見今朝又別離一心無挂住萬里獨何之到處絕煙火逢人話古時此行無弟子白犬自相隨

風蟬

風蟬旦夕鳴伴葉送新聲故里客歸盡水邊身獨行噪軒高樹合驚枕暮山橫聽處無人見塵埃滿甌生

清明日園林寄友人

今日清明節園林勝事偏晴風吹柳絮新火起廚煙杜草開三運文章憶二賢幾時能命駕對酒落花前

上杜駙馬

玉山突兀壓乾坤出得朱門入戟門妻是九重天子女身為一品令公孫駕鸞殿裏參皇后龍鳳堂前賀至尊今日禮陽非久駐行爲霖雨拜新恩

蓮峰歌

錦礫潺湲玉溪水曉來微雨藤花紫冉冉山雞紅尾長一聲樵斧驚飛起松刺梳空石差一作空齒煙香一作空風軟人參蕊陽崖一夢伴雲根仙菌靈芝夢魂裏

壯士吟

壯士不曾悲悲一作去即無回期如何易水上未歌先淚垂

題興化園亭

破却千家作一池不栽桃李種薔薇薔薇花落秋風起荆棘滿庭君始知

竹

籬外清陰接藥欄曉風交夏碧琅玕子猷沒後知音少粉節霜筠漫歲寒

李斯井

井存上蔡南門外置此井時來相秦斷綆數尋垂古甃取將寒水是何人

題詩後

鳥吟成獨行潭底影數息樹邊身二句下註此一絕

二句三年得一吟雙淚流知音如不賞歸臥故山秋

送友人之南陵

莫歎徒勞向宦途不羣氣岸有誰如南陵暫掌仇香印北闕終行賈誼書好趁江山尋勝境莫辭韋杜別幽居少年躍馬同心使免得詩中道跨驢

尋人不遇一作寄人

聞說到揚州吹簫有舊游人來多不見莫是上迷樓

尋隱者不遇一作孫華訪羊尊師詩

松下問童子言師採藥去只在此山中雲深不知處

行次漢上

習家池沼草萋萋嵐樹光中信馬蹄漢主廟前湘水碧一聲風角夕陽低

馬嵬

長川幾處樹青青孤驛危樓對翠屏一自上皇惆悵後至今來往馬蹄腥

冬夜送人

平明走馬上村橋花落梅溪雪未消日短天寒愁送客楚山無限路迢迢

句

晴風吹柳絮新火起厨煙見事文類聚

長江風送客孤館雨留人見楊升華集

古岸崩將盡平沙長未休見吟寶雜錄

不如牛

與羊猶得日暮歸見紀事

溫庭筠

溫庭筠本名岐字飛卿太原人宰相彥博裔孫少敏悟才思豔麗韻格清拔工為詞章小賦與李商隱皆有名稱溫李然行無檢幅數舉進士不第思神速每入試押官韻作賦凡八义手而成時號溫八义徐商鎮襄陽為巡官不得志去歸江東後商知政事頗右之欲白用會商罷相揚收疾之貶方城尉再遷隋縣尉卒集二十八卷今編詩為九卷

雞鳴埭曲

南朝天子射雉時銀河耿耿星參差銅壺漏斷夢初覺寶馬塵高人未知魚躍蓮東蕩宮沼濛濛御柳懸棲鳥紅妝萬戶鏡中春碧樹一聲天下曉盤踞勢窮三百年朱方殺氣成愁煙彗星拂地浪連海戰鼓渡江塵漲天

繡龍畫雉填宮井野火風驅燒九鼎殿巢江燕砌生蒿十二金人霜炯炯芊綿平綠臺城基暖色春容一作空荒古
陂寧知玉樹後庭曲留待野棠如雪枝

織錦詞

丁東一作冬細漏侵瓊一作瑤瑟影轉高梧月初出簇簇金梭萬縷紅鴛鴦豔錦初成匹一作足錦中百結皆同心藥亂雲盤
相間深此意欲傳傳不得玫瑰作柱朱弦琴爲君裁破合歡被星斗迢迢一作家共千里象尺一作笛熏爐未覺秋碧池
已一作中有新蓮子

夜宴謠

長釵墜髮雙蜻蜓碧盡山斜開畫屏虬鬚一作公子五侯客一飲千鍾如建瓴鸞咽一作吒一作下竹亞二切唱圓無節着欵
湘煙袖迴雪清夜恩情四座同莫令清水東西別亭亭蠟淚香珠殘一作暗露曉一作風羅幕寒飄飄一作戟帶儼相
次二十四枝龍畫竿裂管繁弦共繁曲芳樽細浪傾春醪高樓客散杏花多脉脉新蟾如瞪目

蓮浦謠

鳴橈輒輒溪溶溶廢綠平煙吳苑東水清蓮媚兩相向鏡裏見愁愁更紅白馬金鞭一作鞍大堤上西江日夕多風
浪荷心有露似驪珠不是真圓亦搖蕩

郭處士擊甌歌

信粟金虬石潭古勺陂激一作灑幽脩語湘君寶馬上神雲碎佩葢鈴滿煙雨吾聞三十六宮花離離軟風吹春
星斗稀玉晨冷磬破昏夢天一作木露未乾香著衣蘭釵委墜垂雲髮小響丁當逐迴雪晴碧煙滋重疊山羅屏半
掩桃花月太平天子駐雲車龍鑑勃鬱雙蟠擎宮中近臣抱扇立侍女低鬟落翠花亂珠觸續正跳蕩傾頭不
覺金烏斜我亦爲君長歎息絨情遠寄愁無色莫霑香夢綠楊絲千里春風正無力

遐水謠

天兵九月渡遐水馬踏沙鳴驚雁一作雁一作起殺氣空高萬里情塞寒如箭傷一作雙眸子狼煙堡上霜漫漫枯葉號一作風
天地乾犀帶鼠裘無暖色清光炯於黃金鞍虜塵如霧昏一作亭障隴首年年漢飛將麟閣無名期未歸樓中思
婦徒相望

曉仙謠

玉妃喚月歸海宮。月色澹白涵春空。銀河欲轉星靨靨碧。一作雪浪疊山埋早紅。宮花有露如新淚。小苑叢叢一作入寒翠綺閣空。傳唱漏聲網軒未辨。凌雲字遙遙珠帳連。湘煙鶴扇一作羽如霜。金骨仙碧簫曲盡。彩霞動下視九州。皆悄然秦王女。騎紅尾鳳半一作來空。回首晨雞弄霧一作露蓋。狂塵億兆一作萬家世人猶作牽情夢。

錦城曲

蜀山攢黛留晴雪。簾笳蕨芽紫。九折江風吹巧剪。霞綃花上千枝。杜鵑血。杜鵑飛入巖下叢。夜叫思歸山月中。巴水漾情情不盡。文君織得春機紅。怨魄未歸芳草死。江頭學種相思子。樹成寄與望鄉人。白帝荒城一作城荒五千里。

生襟屏風歌

玉擘暗接昆侖井。井上無人金索冷。畫壁陰森九子堂。階前細一作碎月鋪花影。繡屏銀鴨香。菡濛天上夢歸花。繞叢宜男漫作後庭草。不似櫻桃千子紅。

嘲春風

春風何處好。別殿饒芳草。苒嫋轉鸞旗。菱蕤吹雉葆。揚芳歷九門。澹蕩入蘭蓀。爭奈白團扇。時時偷主恩。

舞衣曲

藕腸纖縷抽輕春。煙機漠漠嬌娥一作娥。頓金梭。浙瀝透空薄。剪落交刀一作絞。吹斷雲。張家公子夜聞雨。夜向蘭堂思楚舞。蟬衫麟帶壓愁香。偷得鶯簧一作鶯。鏤一作鏤金縷。管含蘭氣嬌語。悲胡槽。雪腕鴛鴦絲。芙蓉力弱應難定。楊柳風多不自持。迴嚔笑語西隱客。星斗寥寥波脉脉。不逐秦王卷象林。滿樓明月梨花白。

張靜婉採蓮歌

靜婉羊侃妓也。其容絕世。侃自為採蓮二曲。今樂府所存。失其故意。因歌以俟。採詩者。事具載梁史。

蘭膏墜髮紅玉春。燕釵拖頸拋盤雲。城邊一作西楊柳向嬌嬌。晚門前溝水波粼粼。麒麟公子朝天客。珂一作馬馬璫璫一作作。度春陌。掌中無力舞衣輕。剪斷鮫綃一作鮫。破春碧。抱月飄煙一尺腰。麝臍龍髓一作髓。憐嬌嬌一作憐。秋羅拂水一作衣。碎光動。露重花多香不銷。灘鵝交交一作交。塘水滿綠芒一作如。粟蓮莖短。一夜西風送雨來。粉痕零落愁紅淺。船頭折藕絲。暗牽藕根蓮子相留連。郎心似月月未一作易缺。十五十六清光圓。

湘宮人歌

池塘芳草濕夜半東風起生綠畫羅屏金壺貯春水黃粉楚宮人芳花一作方飛玉刻鱗娟娟照碁一作臺燭不語兩含嚙

黃曇子歌

參差綠蒲短一作春搖豔雲一作春塘滿紅激蕩融融鶯翁鷓鴣暖萋芊小成一作城路馬上修蛾嬾羅衫裏回一作向風點粉金鸚卵

感策歌李相妓人

蠟煙如霧新蟾滿門外平沙一作沙平草芽短黑頭丞相九天歸夜聽飛瓊吹胡管情遠氣調蘭蕙薰天香瑞彩含網

縵皓然纖指都揭血日暖碧霄無片雲含商咀徵雙幽咽軟穀疎羅共蕭屑不盡長圓疊翠一作彩愁柳風吹破澄

潭月鳴梭浙瀝金絲燕恨語殷勤隄頭水漢將營前萬里沙更深一一霜鴻起十二樓前花正繁交枝簇蒂連

壁門景陽宮女正愁絕莫使此聲催斷魂

照影曲

景陽妝罷瓊牕暖欲照澄明香步嬾橋上衣多抱彩雲金鱗一作鮮不動春塘滿黃印額山輕為塵翠鱗一作鮮紅穉俱

含嚙桃花百媚如欲語曾為一作謂無雙今兩身

拂舞詞一作公無渡河

黃河怒浪連天來大響砢砢一作砢如殷雷龍伯驅風不敢上百川噴雪高崔嵬二十三一作五弦何太哀請公勿一作莫渡

立徘徊下有狂蛟鋸為尾裂帆截櫂磨霜齒神椎鑿石塞神潭白馬趁趕赤塵起公乎躍馬揚玉鞭滅沒高蹄

日千里

太液池歌

腥鮮龍氣連清防花風漾漾吹細光疊瀾不定照天井倒影蕩搖一作漾晴翠長平碧淺春生綠塘雲容雨態連青

一作春蒼夜深銀漢通柏梁二十八宿朝玉堂

雉場歌

菱葉萋萋接煙曙一作樹雞鳴埭上梨花露彩仗鏘鏘已合圍繡翎白頸遙相妬雕尾扇張金縷高碎鈴素拂驪駒

豪綠場紅跡未一作來相接箭發銅一作狼牙傷彩毛麥隴桑陰小山晚六虬一作虬歸去疑笳遠城頭却望幾含情青一作春畝

春一作青燕連石一作古苑

雍臺歌

太子池南樓百尺入一作八窓新樹疎簾隔黃金鋪首畫鉤陳羽葆停幢一作臺拂交戟盤紆闌楯臨高臺帳殿一作帳臨流鸞扇開早鴈驚一作鳴細波起映花窗薄龍飛迴

吳苑行

錦雉雙飛梅結子平春遠綠牕中起吳江澹畫水連空三尺屏風隔千里小苑有門紅一作門扇開天絲舞蝶共一作俱徘徊綺戶雕楹長若此韶光歲歲如歸來

常林歡歌

宣城酒熟花覆橋沙晴綠鴨鳴咬咬一作交穠桑繞舍麥如尾幽軋鳴機雙燕巢馬聲特特荆門道蠻水揚光色如草錦薦金爐夢正長東家咿一作呢嚶雞鳴早

塞寒行

燕弓弦勁霜封瓦撲簌寒鵬睇平野一點黃塵起鴈喧白龍堆下千蹄馬河源怒濁一作濁風如刀剪斷朔雲天更高晚出榆關一作林逐征北驚沙飛迸衝貂一作征袍心許凌煙名不滅年年錦字傷離別彩毫一畫竟何榮空一作長使青樓淚一作泣成血

湖陰詞并序

王敦舉兵至湖陰明帝微行視其營伍由是樂府有湖陰曲而亡其辭因作而附之

祖龍黃鬚珊瑚鞭鐵驄金面青連錢虎鬚一作須拔劍欲成夢日壓賊營如血鮮海旗風急驚眠起甲重光搖照湖水蒼黃追騎塵外歸森索妖星陣前死五陵愁碧春萋萋霸川玉馬空中嘶羽書如電入青瑣雪腕如植催畫鞞白虬一作州天子金煌一作鎡高臨帝座迴龍章吳波不動楚山晚花壓闌干春晝長

蔣侯神歌

楚神鐵馬金鳴珂夜動蛟潭生素波商風刮水報西帝廟前古樹蟠白蛇吳王赤斧斫一作斫雲陣畫堂列壁叢一作叢霜刀巫娥傳意托悲絲鐸語琅琅理雙鬢湘煙刷翠湘山斜東方日出飛神鴉青雲自有黑龍子潘妃莫結丁

香花

漢皇迎春詞

春草芊芊晴掃一作拂煙宮城大錦紅殷一作於鮮海日初一作如融照仙掌淮王小隊一作墜纓鈴響獵獵東風燄赤一作展旗畫神
金甲葱龍網鉅公步輦迎句芒一作掃復道一作拂塵燕一作鷲隼一作隼長豹尾竿前趙飛燕柳風吹盡眉間黃碧草含情杏花
喜上林鶯轉遊絲起寶馬搖環萬騎歸恩光暗入簾櫳裏

蘭塘詞

塘水汪汪鳧唼喋憶上江南木蘭檝繡頭一作領金鬢蕩倒光團團嫩綠雞頭葉露凝荷卷珠淨圓紫菱刺短浮根
纏一作鮮小姑歸晚紅妝淺鏡裏芙蓉照水鮮東溝滴滴一作縵勞回首欲寄一杯瓊液酒知道無郎却有情長教月
照相思柳

晚歸曲

格格水禽飛帶波孤光斜起夕陽多湖西山淺似相笑菱刺惹衣攢黛蛾青絲繫船一作舟向江木一作水蘭芽出土吳
江曲水極晴搖泛濺紅草平春染煙綿綠玉鞭騎馬楊叛一作白兒刻金作鳳光參差丁丁暖漏滴花影催入景陽
人不知彎堤弱柳遙相矚雀扇圍一作圓掩香玉蓮塘艇子歸不歸一作得柳暗桑穠聞布穀

故城曲

漠漠沙堤煙堤西雉子斑雉聲何角角一作音麥秀桑陰閑遊絲蕩平綠明滅時相續白馬金絡頭東風故城曲故
城殷貴嬪曾占未來一作夾春自從香骨化飛作馬蹄塵

昆明池一作治水戰詞

汪汪積水光連一作連空重疊細紋晴漾一作激紅赤帝龍孫鱗甲怒臨流一盼一作時生陰風鼉鼓三聲報天子雕旌一作旗
獸艦凌波起雷吼濤驚白石一作若山石鯨眼裂蟠蛟死溟一作真池海浦俱一作浪喧壓青幟白旌一作青相次來箭羽槍纓
三百萬踏翻西海生塵埃茂陵仙去菱花老嗚嗚遊魚近煙島渺莽殘陽釣艇歸綠頭江鴨眠沙草

謝公墅歌

朱雀航南繞香陌。謝郎東墅連春碧。鳩眠高柳日方融。綺樹飄飄紫庭客。文楸方罫花參差。心陣未成星滿池。四座無喧梧竹靜。金蟬玉柄俱持一作頤。對局含情一作頻見。千里都城已得長。地尾江南王氣繁。疎襟未許符堅過。淮水

單魚歌雜言

朝罩罩城南一作暮罩罩城西。兩漿鳴幽幽。蓮子相高低。持罩入深水。金鱗大如手。魚尾迸圓波。千珠落湘藕。風颺颺雨離離。菱尖菱刺一作菱菱刺。鴻鵠飛水連。網眼白如影。浙瀝篷聲寒。點微楚岸有花花。蓋屋金塘柳色前。溪曲悠溶一作悠溶。杳若去無窮。五色澄潭鴨頭綠。

春洲曲

韶光染色如蛾翠。綠濕紅鮮水容媚。蘇小慵多蘭渚閑。融融浦日鴛鴦寐。紫騮蹀躞金銜嘶。岸上揚鞭煙草迷。門外平橋連柳堤。歸來晚樹黃鶯啼。

臺城曉朝曲

司馬門前火一作柳千炬。闌干星斗天將曙。朱網龜鬚一作駭丞相車。曉隨疊鼓朝天去。博山鏡樹香羊茸。裊裊浮航金畫龍。大江斂勢避辰極。兩一作雙闕深嚴煙翠濃。

走馬樓三更曲

春姿暖氣昏神沼。李樹拳枝紫芽小。玉皇夜入未央宮。長火千條照樓鳥。馬過平橋通畫堂。虎幡一作幡龍戟風飄一作悠揚。簾間一作前清唱報寒點。丙舍無人遺燼香。

達摩一作唐支曲雜言

擗麝成塵香不滅。拗蓮作寸絲難絕。紅淚文姬洛水春。白頭蘇武天山雪。君不見無愁高緯花漫漫。漳浦宴餘清露寒。一旦臣僚共囚虜。欲吹羌管先沈瀾。舊臣頭鬢霜華一作雪。早可惜雄心醉中老。萬古春歸夢不歸。鄴城風雨連天草。

陽春曲

雲母空牕曉煙薄。香昏龍氣凝暉閣。霏霏霧雨杏花天。簾外春威一作寒著羅幕。曲闌伏檻金麒麟。沙苑芳郊連翠茵。殿馬何能嚙芳草。路人不敢隨流塵。

湘東宴曲

湘東夜宴金貂人。楚女含情嬌翠頰。玉管將吹插鈿帶。錦囊斜拂雙麒麟。重城漏斷孤帆去。唯恐瓊籤報天曙。萬戶沈沈碧樹圓。雲飛雨散知何處。欲上香車俱脉脉。清歌響斷銀屏隔。堤外紅塵蠟炬歸。樓前澹月連江白。

東郊行

關雞臺下東西道。柳覆班駝蝶紫草。塊靄韶容鑲澹愁。青筐葉盡蠶應老。綠渚幽香生白蘋。差差小浪吹魚鱗。王孫騎馬有歸意。林彩着空如細塵。安得人一生各相守。燒船破棧休馳走。世上方多應無別離路。傍更長千株柳。

水仙謠

水客夜騎紅鯉魚。赤鸞雙鶴蓬瀛書。輕塵不起雨新霽。萬里孤光含碧虛。露魄冠輕見雲髮。寒絲七炷香泉咽。夜深天碧亂山姿。光碎平波滿船月。

東峯歌

錦礫潺湲玉溪水。曉來微雨藤花紫。冉冉山雞紅尾長。一聲樵斧驚飛起。松刺梳空石差齒。煙香風軟人參藥。陽崖一夢伴雲根。仙菌靈芝夢魂裏。

會昌丙寅豐歲歌

丙寅歲休牛馬風。如吹煙日如渥赭。九重天子調天下。春綠將年到西野。西野翁生兒童門。前好樹青羊茸。羊茸單衣麥田路。村南娶婦桃花紅。新姑車右及門柱。粉項韓憑雙扇中。喜氣自能成歲豐。農祥爾物來爭功。

碌碌古詞

左亦不碌碌。右亦不碌碌。野草自根肥。羸牛生健犢。融蠟作杏蒂。男兒不戀家。春風破紅意。女頰如桃花。忠言未見信。巧語翻咨嗟。一鞞無兩刃。徒勞油壁車。

春野行

草淺淺春如剪。花壓李娘愁。飢蠶欲成繭。東城年少氣堂堂。金丸驚起雙鴛鴦。含羞更問衛公子。月到枕前一作春夢長。

醉歌

簷柳初黃燕新一作初乳曉碧芊綿過微雨樹色深含臺榭情鶯聲巧作煙花主錦袍公子陳杯觴撥醅百甕春酒
香入門下馬問誰在降階握手登華堂臨叩美人連山眉低抱琵琶含怨思朔風繞指我先笑明月入懷君自
知勸君莫惜金一作芳樽酒年少須臾如覆手辛勤到老慕簞瓢於我悠悠竟何有洛陽盧仝一作生稱文房妻子脚秃
春黃糧阿蓋光顏不識字指麾豪傑如驅羊天犀壓斷朱繩一作鼠瑞錦驚飛金鳳皇其餘豈足露牙齒欲用何
能報天子駑馬垂頭搶暝塵驂駟一日行千里但有沈冥醉客家支頤瞪目持流霞唯恐南園風雨落一作作碧蕪
後籍棠梨花

江南曲

妾家白蘋浦日上芙蓉檝。軋軋搖漿聲移舟入芟葉溪長芟葉深作底難相尋避郎郎不見鷓鴣自浮沈拾萍
萍無根採蓮蓮有子不作浮萍生寧為一作作藕花死岸傍騎馬郎烏帽紫遊韉含愁復含笑回首問橫塘妾住金
陵浦一作步門前朱雀航流蘇持作帳芙蓉持作梁出入金犢憶兄弟侍中郎前年學歌舞定得郎相許連娟眉繞
山依約腰如杵一作柳鳳管悲若咽鸞弦嬌欲語扇薄露紅鉛羅輕壓金縷明月西南樓珠簾瑋瑁鉤橫波巧能一作相
笑鸞蛾不識愁花開子留樹草長根依土一作上聞金溝遠底事歸郎許不學楊白花一作楊花白朝朝淚如雨

堂堂一作錢唐曲

錢唐岸上春如織森森寒潮帶晴色淮南遊客馬連一作頻嘶碧草迷人歸不得風飄客意一作思如吹煙纖指殷勤傷
雁弦一曲堂堂紅燭筵長一作金鯨瀉酒如飛泉

惜春詞

百舌問花花不語低迴似恨橫塘兩峰爭粉黛蝶分香不似垂楊惜金縷願君一作言留得長妖韶莫逐東風還蕩
搖秦女含嚔向煙月愁紅帶露空迢迢一作寒

春愁曲

紅絲穿露珠簾冷百尺啞啞下纖綆遠翠愁山入臥屏兩重雲母空烘影涼簪墜髮春眠重玉兔熅香一作氣柳如
夢錦疊空牀委墮一作墜紅颺颺掃尾雙金鳳蜂喧蝶駐俱一作戲悠揚柳拂赤欄纖草長覺後梨花委平綠春風和雨

吹池塘

蘇小小歌

買蓮莫破券買酒莫解金酒裏春容抱離恨水中蓮子懷芳心吳宮女兒腰似束家在一作住錢唐小江曲一自檀郎逐便風門前春水年年綠

春江花月夜詞

玉樹歌闌海雲黑花庭忽作青蕪國秦淮有水水無情還向金陵漾春色楊家二世安九重不御華芝嫌六龍百幅錦帆風力滿連天展盡金芙蓉珠翠丁星復明滅龍頭劈浪哀笳發千里涵空澄一作照水魂萬枝破鼻飄一作香雪漏轉霞高滄海西顏黎一作瑤枕上聞天雞變弦代寫一作雁曲如語一醉昏昏天下迷四方傾一作瀕動煙一作風塵起猶在濃香一作夢魂裏後主荒宮有曉鶯飛來只隔西江水

懊惱曲

藕絲作線難勝鍼藥粉染黃那得深玉白蘭芳不相顧青一作紅樓一笑輕千金莫言自古皆如此健劍刺鐘鉛繞指三秋庭綠盡迎霜惟有荷花守紅死廬一作西江小吏朱斑輪柳縷吐芽香玉春一作新兩股金釵已相許不令獨作空成一作城塵悠悠楚水流如馬恨紫愁紅滿平野野土千年怨不平至今燒作鴛鴦瓦

三洲詞

團圓一作莫作波中月潔白莫一作無為枝上雪月隨波動碎潏潏雪似梅花不堪折李娘十六青絲髮畫帶雙花為君結門前有路輕一作生別離唯一作只恐歸來舊香滅

春曉曲

家臨長信往來道乳燕雙雙拂一作掠煙草一作早油壁車輕金犢肥流蘇帳曉春雞早籠中嬌鳥暖猶睡簾外落花閑不掃衰桃一樹近前池似惜紅顏鏡中老

獵騎辭

早辭平宸殿夕奉湘南宴香兔抱微煙重鱗疊輕扇一作僕飢使君馬雁避將軍箭寶柱惜離弦流黃悲赤縣理

釵低舞鬢換袖迴歌面晚柳未如絲春花已如霰所嗟故里曲不及青樓宴一作

西州詞吳聲

悠悠復悠悠昨日下西州西州風色好遙見武昌樓武昌何鬱鬱儂家定無匹小婦被流黃登樓撫瑤瑟朱弦
繁復輕素手直淒清一彈三四解掩抑似含情南樓登且望西江廣復平艇子搖兩漿催過石頭城門前烏白
樹慘澹天將曙鷓鴣一作鷓鴣飛復還郎隨早帆去迴頭語同伴定復負情儂去帆不安幅作抵使西風他日相尋索
莫作西州客西州人不歸春草年年碧

燒歌

起來望南山山火燒山田微紅夕一作夕如滅短燄復相連差差向巖石冉冉凌青壁低隨迴風盡遠照簷茅一作赤
鄰翁能楚言倚插欲潛然自言楚越俗燒畝為一作早田豆苗蟲促促籬上花當屋廢棧豕歸欄廣場雞啄粟
新年春雨晴處處賽神聲持錢就人卜敲瓦隔林鳴卜得山上一作上卦歸來桑棗下吹火向白茅一作茅腰鎌映蘋蓼
風驅榭葉煙榭樹連平山迸星拂霞外飛爐落堦前仰面呻一作呼復嚏鴉娘咒豐歲誰知蒼翠容盡作官家稅

長安寺

仁祠寫露宮長安佳氣濃煙樹含葱蒨金刹映華茸繡戶香焚象珠網玉盤龍寶題斜一作新翡翠天井倒芙蓉幡
長迴遠吹牕虛含曉風遊騎迷青鎖歸鳥思華鐘雲栱承跼邈羽葆背花重所嗟蓮社客輕蕩不相從

和沈參軍招友生觀芙蓉池

桂棟坐清曉瑤琴商一作瑟鳳絲沉聞楚澤香適與秋風期遂從一作使樾萍客靜嘯煙草滑倒影迴澹蕩愁紅媚連漪
湘莖久鮮一作鮮濕宿雨增離披而我江海意一作客楚遊動一作動夢思北渚水雲葉一作葉南塘煙霧一作霧枝豈亡一作無臺一作池謝
芳獨與鷗鳥知珠墜魚迸淺影多鳧泛遲落英不可攀一作攀返照昏澄陂

寓懷

誠足不顧一作顧得妄矜徒有言語斯諒未盡隱顯何一作可悠然洵彼都邑盛眷惟車馬喧自期尊客卿非意干王孫衛
知有貞一作貞爵處實非厚顏苟無海岱一作岳氣奚取壺漿恩唯絲一作師南山揚適我松菊香鵬鷗誠未一作未憶誰謂凌風翔
余昔自西濱得蘭數本移藝於庭亦既逾歲而芄然蕃殖自余遊者未始以芳草為遇矣因悲夫物有厭

常而反一作返不若混然者有之焉遂寄情於此

寓賞一作買本殊致意幽非我情吾常有流一作疏淺外物無重輕各言藝幽深彼美香素蕙豈為賞者設自保孤根生
易地無赤株麗土亦同榮賞際林壑近泛餘煙露清余懷既鬱陶爾類徒縱橫妍蚩苟不信寵辱何為驚貞一作真
隱諒無迹激時猶揀名幽叢露綠晚豈必懷歸耕

秋日

爽氣變昏旦神臯徧原隰煙華久蕩搖石澗仍清急柳闇山犬吠蒲荒水禽立菊花明欲迷棗葉光如濕天籟
思林嶺車塵倦都邑譚張夙所違悔悵何由入芳草秋可藉幽泉曉堪汲牧羊燒外鳴林果雨中拾復此遂閑
曠備然脫羈繫田收鳥雀喧氣肅龍蛇蟄佳節足豐穰良朋阻遊集沈幾日寂寥葆素常呼吸投迹倦攸往放
懷志所執良時有東菑吾將事蓑笠

七夕

鳴機札札停金梭芙蓉澹蕩生池一作秋水波神一作夜軒紅粉陳香羅鳳一作風低蟬薄愁雙蛾微光奕奕凌天一作曙河鸞咽鶴
啖飄飄歌鸞橋銷盡愁奈一作奈愁何天氣駘蕩雲波隨平明花木有秋一作愁意一作思露濕綵盤蛛網多

酬友人

辭榮亦素尚倦遊非夙心寧復思金籍獨此臥煙林閑雲無定貌佳樹有餘陰坐久芰荷發釣闌一作餘菱葦深遊
魚自搖漾一作蕩浴鳥故浮沈唯君清露夕一為灑煩襟

觀舞妓

朔音悲嘒管瑤踏動芳塵總袖時增怨聽破復含嚔疑腰倚風軟花題照錦春朱弦固淒緊瓊樹亦迷人

邊笳曲一作齊梁體

朔管迎秋動雕陰一作音雁來早上郡隱黃雲天山吹白草嘶馬悲一作波寒磧朝陽照霜堡江南戍客心一作情門外芙蓉老

經西塢偶題

搖搖弱柳黃鸝一作鶯啼芳草無情人自迷日影明滅金色鯉杏花啞喋青頭雞微紅柰一作柰蒂惹蜂粉潔白芹芽穿

一作燕泥借問含嚔向何事昔年曾到武陵溪

金虎臺

碧草連金虎青苔蔽石麟皓齒芳塵起纖腰玉樹春倚瑟紅鉛濕分香翠黛噴誰言奉陵寢相顧復沾巾

俠客行

欲出鴻都門陰雲蔽城闕寶劍黯如水微紅濕餘血白馬夜頻驚一作三更霸陵雪

詠曉

蟲歇紗幮靜鴉散碧梧寒稍驚朝珮動猶傳清漏殘亂珠凝燭淚微紅上露盤一作衣復理髮餘潤拂芝蘭

芙蓉

刺莖澹蕩碧一作綠花片參差紅吳歌秋水冷湘廟夜雲空濃豔香露裏美人青一作清鏡中南樓未歸客一夕練塘東

勅勒歌塞北

勅勒金幘一作隋一作墳壁一作碧陰山無歲華帳外風飄雪管前月照沙羌兒吹玉管胡姬踏錦花却笑江南客梅落不歸家

邯鄲郭公詞

金笳悲故曲玉座積深塵言是一作念邯鄲伎不見一作易鄴城人青苔竟埋骨紅粉自傷神唯有漳一作洋河柳還向舊營春

古意

莫莫復莫莫絲蘿緣澗壑散木無斧斤織莖得依一作所託枝低浴鳥歇根靜懸泉落不慮見春遲空傷致身錯

齊宮

白馬雜金飾言從雕輦迴粉香隨笑度鬢態伴愁來遠水斜如剪青莎綠似裁所恨章華日冉冉下層臺

春日

柳岸一作杏花稀梅梁乳燕飛美人鸞鏡笑嘶馬雁門歸楚宮雲影薄臺城心賞違從來千里恨邊色滿戎一作衣

詠春幡

閑庭見早梅花影為誰栽一作裁碧煙隨刃落蟬鬢覺春來代一作成郡嘶金勒梵聲一作河陽悲鏡臺玉釵風不定香步獨徘徊

陳宮詞

雞鳴人草草香輦出宮花妓語細腰轉馬嘶金面斜早鶯隨綠仗鸞雉避凝一作寫笳浙瀝湘風外紅輪映曙霞

春日野行

騎馬踏煙莎。青春奈怨何。蝶翎朝一作胡粉盡。鴉背夕陽多。柳豔欺芳帶。山愁紫翠蛾。別情無處說。方寸是星

詠頰一作齊

毛羽一作羽飲愁翠黛嬌。攢豔春恨容偏落。淚低態定思人枕。上夢隨月扇邊歌。遠塵玉鈎鸞不住。波淺石磷磷一作白

中書令裴公挽歌詞二首

王儉風華首。蕭何社稷臣。丹陽布衣客。蓮渚白頭人。銘勒燕山暮。碑沈漢水春。從今虛醉飽。無復汗車茵。

箭下妖星落。風前殺一本氣迴。國香荀令去。樓月庾公來。玉璽終無慮。金滕意不開。空嗟薦賢路。芳草滿燕臺。

唐莊恪太子挽歌詞二首一本無唐字

疊鼓辭宮殿。悲笳降杳冥。影離雲外日。光滅火前星。鄴客瞻秦苑。商公下漢庭。依依陵樹色。空繞古一作九原青。

東府虛容衛。西園寄夢思。鳳懸吹曲夜。雞斷問安時。塵陌都人恨。霜郊賸馬悲。唯餘埋璧地。煙草近丹一作前墀。

祕書劉尚書挽歌詞二首

王筆活鸞鳳。謝詩生芙蓉。學筵開絳帳。談柄發洪鐘。粉署見飛鵬。玉山猜臥龍。遺風麗一作清韻。蕭散九原松。

塵尾近良玉。鶴裘吹素絲。壞陵殷浩謫。春墅謝安基。京口貴公子。襄陽諸女兒。折花兼踏月。多唱柳郎詞。

太子西一作無池二首一作齊

梨花雪壓枝。鶯轉柳如絲。嬾逐粧成曉。春融夢覺遲。蟻輕全作影。頰淺未成眉。莫信張公子。窗間斷暗期。

花紅蘭紫莖。愁草雨新晴。柳占三春色。鶯偷百鳥聲。日長嫌葦重。風暖覺衣輕。薄暮香塵起。長楊落照明。

西陵道士茶歌

乳竇濺濺通石脉。綠塵愁草春江色。澗花入井水味香。山月當人松影直。仙翁白扇霜鳥翎。拂壇夜讀一作黃庭

經。疎香皓齒有餘味。更覺鶴心通杳冥。

過西堡塞北

淺草乾河濶。叢棘廢城高。白馬犀一作犀首黑。裘金佩刀霜。清徹兔目風。急吹鵬毛。一經何用厄。日一作暮暮涕沾袍。

2097604



中華民國二十九年十月廿九日贈送

九



國家圖書館



003871630

